

四庫全書

經部

欽定四庫全書

經部
書傳輯錄纂註卷四

詳校官監察御史_臣查善長

通政使司副使_臣莫瞻菴覆勘

總校官降調編修_臣倉聖脉

校對官中書_臣王慶長

謄錄監生_臣陳守觀

欽定四庫全書

書傳輯錄纂註卷四

元董鼎撰

周書

周文王國號後武王因以為纂註史記后稷封于邵別姓姬

氏傳十三世至季歷季歷生昌為西伯西伯崩太子

發立是為武王陳氏曰文王二十四年生武王四

十八年即諸侯位在位五十年年九十七而終武王

年七十三而嗣位嗣位十三年而伐紂為天子七年

泰誓上

泰大同國語作大武王伐殷史錄其誓師之言以其大會孟津編書者因以泰

誓名之上篇未渡河作後二篇既渡河作今文
無古文有案伏生二十八篇本無秦誓武帝
時偽秦誓出與伏生今文書合為二十九篇孔
壁書雖出而未傳于世故漢儒所引皆用偽泰
誓如曰白魚入於王舟有火復于王屋流為烏
太史公記周本紀亦載其語然偽泰誓雖知劉
竊經傳所引而古書亦不能盡見故後漢馬融
得疑其偽謂泰誓案其文若淺露吾又見書傳
多矣所引泰誓而不在泰誓者甚多至晉孔壁
古文書行而偽泰誓始廢吳氏曰湯武皆以
兵受命然湯之辭裕武王之辭迫湯之數桀也
恭武之數紂也傲學者不能無憾疑其書之晚
出或非盡當輯錄文王之事紂惟知以臣事君
時之本文也輯錄而已都不見其他茲其所以
為至德也若謂三分天下紂尚有其一未忍輕
去臣位以商之先王德澤未亡歷數未終紂惡

未甚聖人若之何而取之則是文王之事紂非其本心蓋有不得已焉耳若是則安得謂之至德哉至於武王之伐紂觀政于商亦豈有取之心而紂固有悛心武王灼見天命人心之歸已也不得不順而應之故曰予弗順天厥罪惟鈞以此觀之足見武王之伐紂順乎天而應乎人無可疑矣此說與來書云云固不多爭但此處不容有毫髮之差天理人欲王道霸術之所以分其端特在於

纂註

王氏炎曰古文太字只此耳答范伯崇

大 顧氏曰太者大之至 吳氏曰秦帝辛本紀稱紂書稱受或二字古通用湯六數桀罪未嘗斤為桀武十數紂罪未嘗不呼鵠受餘見傳

惟十有三年春大會于孟津

十三年者武王即位之十三年也春者孟春建寅之

月也孟津見禹貢。秦漢孔氏言虞芮質成為文王受命改元之年凡九年。而文王崩武王立二年而觀兵三年而伐紂合為十有三年。此皆惑于偽書泰誓之文而誤解九年大統未集與夫觀政于商之語也。古者人君即位則稱元年以計其在位之久。迭常事也。自秦惠文始改十四年為後元年。漢文帝亦改十七年為後元年。自後說春秋因以改元為重。歐陽氏曰果重事與西伯即位已改元年中開不宜改元而又改元至武王即位。宜改元而反不改元。乃上冒先君之元年并其居喪稱十一年及其滅商而得天下其事大於聽訟遠矣。而不改元由是言之。謂文王受命改元武王冒文王之元年者皆妄也。歐陽氏之辨極為明著。但其曰十一年者亦惑于書序十一年之誤也。詳見序篇。又秦漢孔氏以春為建子之月。蓋謂三代改正朔必改月數。改月數必以其正為四時之首。序言一月戊午既以一月為建子之月而經又繫之以春。故遂以建子之月為春。夫改正

朔不改月數于太甲辨之詳矣而四時改易尤為無義
冬不可以為春寒不可以為暖固不待辨而明也或曰
鄭氏箋詩維莫之春亦言周之季春于夏為孟春曰此
漢儒承襲之誤耳且臣工詩言維暮之春亦又何求如
何新俞於皇來年將受厥明蓋言暮春則當治具新禽
矣今如何哉然年麥將熟可以受上帝之明賜夫年麥
將熟則建辰之月夏正季春審矣鄭氏於詩且不得其
義則其考之固不審也不然則商以李冬為春周以仲
冬為春四時反逆皆不得其輯錄顯道問先儒將十一
正豈三代聖人奉天之政乎輯錄年十三年等合九年
說以為文王稱王不知有何據曰自太史公以來皆如
此說了但歐公力以為非東坡亦有一說但書說惟九
年大統未集予小子其承厥志却是有這一箇痕瑕或
推泰誓諸篇皆只稱文考至武成方稱王只是當初三
分天下有其二以服事殷也只是羈縻邠事體自是不
同了泰誓序十有一年武王伐殷經云十有三年春

大會于孟津必差誤說者乃以十一年為觀兵尤無義理舊有人引洪範十有三祀王訪于箕子則十一年之誤可知矣人傑問子丑寅之建正如何曰此是三陽之月若秦用建亥之月為正直是無謂大抵三代更易須著如此更易王曰嗟我友邦冢君越我御事庶士明聽一番格言

誓王曰者史臣追稱之也友邦親之也冢君尊之也越及也御事治事者庶士衆士也告以伐商之意且欲其聽之惟天地萬物父母惟人萬物之靈亶聰明作元審也

后元后作民父母

亶誠實無妄之謂言聰明出於天性然也大哉乾元萬物資始至哉坤元

萬物資生天地者萬物之父母也萬物之生惟人得其秀而靈具四端備萬善知覺獨異於物而聖人又得其最秀而最靈者天性聰明無待勉強其知先知其覺先覺首出庶物故能為大居于天下而天下之疲癯殘疾

得其生繆寡孤獨得其養舉萬民之衆無一而不得其
所焉則元后者又所以為民之父母也夫天地生物而
厚于人天地生人而厚于聖人其所以厚於聖人者亦
惟欲其君長乎民而推天地父母斯民之心而已天之
為民如此則任元后之責者不可不知所以作民父母之
義乎商紂失居民之道故武王發此是雖一時誓師之
言而實萬世人居輯錄重聰明作元后元后作民父母
之所當體念也 輯錄重聰明作元后元后作民父母
方能立天下之事如創業之君能定禍亂者皆是智勇
過人人傑氣質之性古人雖不曾說著考之經典却有
此意如惟人萬物之靈亶聰明作元后天乃錫王纂註
勇智皆此意也 謨湯武征伐皆先自說一段義理纂註
新安胡氏曰萬物莫不稟氣于天受形于地乾稱父坤
稱母此天地所以為萬物一大父母也 孫氏曰天地
能生萬物而不能成所以成之者君也 唐氏曰配天
地以作民父母與易象言后以財成天地之道輔相天

地之宜以左右民者一也

陳氏經曰人者萬物之一也此人性所以獨靈于物然

人雖有此靈有不能保此靈者必得聰明之君以父母

之斯民始得以各全其靈聰明亦靈也聖人先得我心

之所同然而為靈之靈者耳呂氏曰此雖誓師之辭乃六經之統攝百王之標準

一語武王以之首泰誓箕子以之終皇極今商王受弗敬上天降災下民

名也言紂慢天虐民不知所以作民父母也慢天虐民之實即下文所以作民父

沈湎冒色敢行

暴虐罪人以族官人以世惟宮室臺榭陂池侈服以殘

害于爾萬姓焚炙忠良剝剔孕婦皇天震怒命我文考

肅將天威大勲未集

沈湎溺于酒也冒色冒亂女色也族親族也一人有罪刑及親族也

世子弟也官使不擇賢才惟因父兄而寵任子弟也土
高曰臺有木曰榭澤障曰陂停水曰池侈奢也焚炙炮
烙刑之類剗剔剗剗也皇甫謐云紂剖比干妻以視其
胎未知何據紂虐害無道如此故皇天震怒命我文王
敬將天威以除邪虐大功未集而文王崩愚謂大勲在
文王時未嘗有意至紂惡貫盈武王伐之啟文王之辭
不得不爾學者
常言外得之
輯錄問諸儒之說以為武王未誅紂則
嘗稱王之證及既誅紂乃稱文考為文王然既曰文考
則其證定矣若如其言將稱為文公邪曰此等事無證
佐皆不可曉闕之可也倘文武無伐紂之心而天與之
人歸之其勢必誅紂而後已故有肅將天威大勲未集
之語但紂罪未盈天命未絕故文王猶得以三分之二
而服事紂若使文王未崩十二三年紂惡不悛天命已
絕則盟津之事文王亦豈得而辭哉以此見文武之心
未嘗不同皆無私意視天與人而已因說文王事商

先王曰文王但是做得從容不迫武王便去伐商太猛耳蘇東坡說文王只是依本分做諸侯自歸之或問此有所據否先生曰這也見未得在但是文王伐崇伐密戰黎等事又自顯然書說王季勤勞王家詩云太王翦商都是他子孫自說不成他子孫誣其父祖春秋分明說泰伯不從是不從甚底事若泰伯當武王之世也只是為諸侯但時措之宜聖人又有不得已處橫渠云商之中世都棄了西方之地不管他所以戎狄復進入中國太王所以遷于岐然岐下也只是箇荒涼之地太王自去立箇家計如此竝答徐元聘纂註陳氏大猷

曰敬者萬善之本不敬者萬惡之本人雖至愚猶知敬否今紂天且不敬宜其衆惡日深也新安陳氏曰蔡氏愚謂以下七句曲為文

肆予小子發以爾友邦冢君

王文飾不若語錄盡之

觀政于商惟受罔有悛心乃夷居弗事上帝神祇遺厥

先宗廟弗祀犧牲粢盛既于凶盜乃曰吾有民有命罔

懲其侮

肆故也觀政猶伊尹所謂萬夫之長可以觀政八百諸侯背商歸周則商政可知先儒以觀政

為觀兵誤矣悛改也夷踣踣也武王言故我小子以爾諸侯之向背觀政之失得于商今諸侯背叛既已如此而紂無有悔悟改過之心夷踣而居廢上帝百神宗廟之祀犧牲粢盛以為祭祀之備者皆盡于凶惡盜賊之人即箕子所謂攘竊神祇之犧牲牲者也受之慢神如此乃謂我有民社我有天命而無有懲戒其侮慢之意輯錄
伊川謂無觀政之事非深見文武之心不能及此非為存名教而發也若有心要存名教而於事實有所改易則夫子之錄泰誓武成其不存名教甚矣近世有存名教之說大害事將聖人心迹都做兩截看了殊不知聖人所行便是名教若所行如此而所教如彼則非所以為聖人矣答徐元聘
蔡註
程子曰觀

政之說必無此理如今日天命絕則紂今日便是獨夫
宜容更留之三年今日天命未絕便是君也為之臣子
者敢以兵脅君乎林氏曰尸有餒鬼神之餘也可以
觀政矣謂政之勤怠美惡由餒可以觀之此言觀政亦
由是也林氏曰夷如原壤夷侯之夷天佑下民作之
紂不祀武伐之如葛不祀湯伐之也

君作之師惟其克相上帝寵綏四方有罪無罪予曷敢

有越厥志

佑助寵愛也天助下民為之君以長之為之
師以教之君師者惟其能左右上帝以寵安

天下則夫有罪之當討無罪之當赦我輯錄佛經云佛
何敢有過用其心乎言一聽于天而已輯錄為一大事
因緣出現于世聖人亦為這一大事出來這箇道理雖
人所固有若非聖人如何得如此光明盛大你不曉得
我說在這裏教你曉你不會做底我做下樣子在此與
你做只是要持守這箇道理教他常立在世間上柱天

下挂地常如此端正纔一日無人維持便顛倒了少間
脚挂天頭挂地顛倒錯亂便都壞了所以說天佑下民
作之君作之師惟其克相上帝寵綏四方天只生得你
付得這道理與你做與不做却在你做得好也由你做
得不好也由你所以又為之立君師以作成之既撫養
你又教導你便無一夫不遂其性如堯舜之時真箇是
寵綏四方只是世間不好底人不定疊底事纔遇堯舜
都妥帖平定了所以謂之克相上帝蓋助上帝之所不
及也自秦漢以來講學不明世之人君固有因其才智
做得功業然無人知明德新民之事君道間有得其一
二而師之道纂註陳氏經曰後世之君刑政徒尚教化
則絕無矣卓纂註不立不知師道不盡則不足以盡君
道矣武王之意謂紂既不能當君師之任則任君師獨
不在我乎我當相天以討紂之有罪而綏定天下之無
罪者所不得而私也孟子引書曰同力度德同德度義
其助上帝止厥志末句意少異

受有臣億萬惟億萬心予有臣三千惟一

度量度也
德得也行

道有得於身也義宜也制事達時之宜也同力度德同
德度義意古者兵志之辭武王舉以明伐商之必克也
林氏曰左氏襄三十一年魯穆叔曰年鈞擇賢義鈞則
卜昭二十六年王子朝曰年鈞以德德鈞以卜蓋亦舉
古人之語文勢正與此同百萬曰億紂雖有億萬臣而
有億萬心衆叛親離寡助之至力且不同況德與義乎
纂註林氏曰凡勝負之理力同則有德者勝德同則有
義者勝度德校善惡也度義校曲直也十萬曰億
十億曰兆介軒董氏曰行道有得于身身當作心案
孟子曰道若大路然邵子曰道猶路也萬古在前萬世
在後誰能不由此道而行凡日用事物當然之理決不
可不由者是之謂道道乃衆人公共之路必須能行此
道而有得于吾心然後可謂之德禮記鄉飲酒曰德者
得也得於吾身也朱子暮年榜公堂取據於德一條改

有得於身為有得于心仍俾六經用此為通例禮記其身已是切已終必曰心益見向裏下工夫耳息齋余氏曰此謂百萬曰億洛誥謂十萬曰億新安陳氏曰韋昭註楚語云十萬曰億古數也秦改制始以萬萬為億今解尚書合主十萬為億商罪貫盈天命誅之予弗之說百萬為億未見所本

順天厥罪惟鈞

貫通盈滿也言紂積惡如此天命誅之今不誅紂是長惡也其罪豈不與紂鈞

乎如律故縱者與同罪也

纂註

唐孔氏曰紂之惡如繩貫物其貫已滿

予小子夙夜祇

懼受命文考類于上帝宜于冢土以爾有衆底天之罰

底致也冢土大社也祭社曰宜上文言縱紂不誅則罪與紂鈞故此言予小子畏天之威早夜敬懼不敢自寧受命于文王之廟告于天神地祇以爾有衆致天之罰于商也王制曰天子將出類乎上帝宜乎社造乎禰受

命文考即造乎禰也王制以神尊卑為序此先言受命
文考者以伐紂之舉天本命之文王武王特稟文王之
命以卒其纂陳氏經曰紂之惡在不敬上天文王之

伐功而已

纂註

德在肅將天威武王之德在夙夜祇懼

敬與不敬聖狂天矜于民民之所欲天必從之爾尚弼
分焉興亡判焉

予一人永清四海時哉弗可失

天矜憐于民民有所欲天必從之今民欲亡紂

如此則天意可知爾庶幾輔我一人除其邪纂註林氏曰天

穢永清四海

是乃天人合應之時不可失也

纂註

曰天

之立君專以為民故武王于一篇之中三致意焉首言
元后作民父母以見紂之不能為民父母也次言作之
君師以見紂之不能為君師也未言民欲天必從以見
民心欲亡紂而伐之必克也去一紂則惡根除故永清
四海堯授舜舜授禹天實與之則堯舜不可失其與之
之時湯放桀武王伐紂天實奪之則湯武不可失其取

之之時故韓獻子曰文王率商之叛國以事紂惟知時也禮運亦曰堯授舜舜授禹湯放桀武王伐紂時也陳氏經曰君源也民流也源清則流清天下本清紂汙濁之伯夷太公所以避之以待天下之清也去紂而除其穢惡則清其源而天下清矣

泰誓中

惟戊午王次于河朔羣后以師畢會王乃徇師而誓

次止

徇循也河朔河北也戊午以武成考之是一月二十八日

纂註

唐孔氏曰左莊三年凡師一宿為舍再宿

為信過信為次此直取止舍之義非春秋三日例也

林氏曰漢律歷志曰周師初發以殷之十一月戊子後

三日得周正月辛卯朔至戊午渡孟津孟津去周九百里師日行三十里凡三十一日渡河三日三誓師上篇

不言日以中篇考當是丁巳日在河南將渡孟津時誓而後渡河也中篇是戊午既渡而次河北所誓下篇是戊午明日將趨商郊誓而後行也三令五申謹之至也曰嗚呼西土有衆咸聽朕

言

周都豐鎬其地在西從武王渡河者皆西方諸侯故曰西土有衆

纂註

呂氏曰上篇言友邦冢君

御事庶士先諸侯而後西土之人所以明尊卑之分也中下篇先及西土立法自近者始未欲以軍法例約束諸侯也新安陳氏曰伐紂之誓凡四上篇併諸侯凡從者誓之中下篇惟誓西伯所統者至牧誓又併諸侯凡從者誓之篇末軍法甚明呂氏謂未欲以軍法例約束諸侯恐不然也我聞吉人為善惟

日不足凶人為不善亦惟日不足今商王受力行無度播棄黎老昵比罪人淫酗肆虐臣下化之朋家作仇脅

權相滅無辜籲天穢德彰聞

惟日不足者言終日為之而猶為不足也將言紂力

行無度故以古人語發之無度者無法度之事播放也犁鰲通黑而黃也微子所謂耄遜于荒是也老成之臣所當親近者紂乃放棄之罪惡之人所當斥逐者紂乃親比之酗醉怒也肆縱也臣下亦化紂惡各立朋黨相為仇讎脅上權命以相誅滅流毒天下無辜之人呼天告冤腥穢之德顯聞于上呂氏曰為善至極則至治馨香為惡至極則穢德彰聞惟天惠民惟辟奉天有夏桀弗克若天流

毒下國天乃佑命成湯降黜夏命

言天惠愛斯民君當奉承天意昔桀不能

順天流毒下國故天命成湯降黜夏命

惟受罪浮于桀剝喪元良賊虐諫

輔謂已有天命謂敬不足行謂祭無益謂暴無傷厥鑒

惟不遠在彼夏王天其以予人民朕夢協朕卜襲于休

祥戎商必克

浮過剝落喪去也古者去國為喪元良微子也諫輔比干也謂已有天命如答祖伊

我生不有命在天之類下三句亦紂所嘗言者鑒視也其所鑒視初不在遠有夏多罪天既命湯黜其命矣今

紂多罪天其以我人民乎襲重也言我之夢協我之卜重有休祥之應知伐商而必勝之也此言天意有必克

之纂註

張氏曰即所謂商鑒不遠在夏后之世林氏曰其者未定之辭猶曰天其永我命于茲新邑

言之于未然之前辭當如此戎大也如曰殪戎殷曰熒伐大商新安胡氏曰紫蔡傳言伐商以伐訓戎謂以

兵戎伐之也

受有億兆夷人離心離德予有亂臣十人同心

同德雖有周親不如仁人

夷平也夷人言其智識不相上下也治亂曰亂十人周公

且召公奭太公望畢公榮公太顛閎夭散宜生南宮括
其一文母孔子曰有婦人焉九人而已劉侍讀以為子
無臣母之義蓋邑姜也九臣治外邑姜治內言紂雖有
夷人之多不如周治臣之少而盡忠也周至也紂雖有
至親之臣不如周仁人之賢而輯錄馬氏曰亂治也或
可恃也此言人事有必克之理輯錄曰亂本作亂古治
字語纂註葉氏曰夷人若與等夷也既有離德則視我
塗人耳張氏曰言夷人見無復君臣上下
也等

天視自我民視天聽自我民聽百姓有過在予一

人今朕必往

過廣韻責也武王言天之視聽皆自乎民今民皆有責于我謂我不正商罪以民心

而察天意則我之伐商斷必往矣蓋百姓畏紂之虐望
周之深而責武王不即拯已于水火也如湯東面而征
西夷怨南面而輯錄天視自我民視天聽自我民聽或
征北狄怨之意輯錄問此若有不同如何曰天豈曾有

耳目以視聽只是自民之視聽便是天之視聽如帝命文王豈天諄諄然命之只是文王要恁地便是理合恁地便是帝命之也又曰若一件事民人皆以為是便是天以為是若民人皆歸往之便是天命之也又曰此處甚微故其理難看或問天視自我民視天聽自我民聽天便是理否曰若全做理又如何說自我民視聽這裏有些主宰底意思庾莊仲問天視天聽謂天即理也曰天固是理然蒼蒼者亦是天在上而有主宰者亦是天各隨他所說今既曰視聽即理又如何會視聽雖說不同又却只是一箇知其同不妨其為異知其異不害其為同

纂註

新安胡氏曰百姓有過恐只如萬方有罪之意耳

王氏曰在予一人蓋以其身任

天下之責不如是我武惟揚侵于之疆取彼凶殘我伐

用張于湯有光

揚舉侵入也凶殘紂也猶孟子謂之殘賊武王弔民伐罪於湯之心為益明白

於天下也自世俗觀之武王伐湯之子孫覆湯之宗社
謂之湯讐可也然湯放桀武王伐紂皆公天下為心非
有私于己者武之事質之湯而無愧湯之心驗之輯錄
武而益顯是則伐商之舉豈不於湯為有光也哉纂註
言武王威武奮揚侵彼紂之疆界取其殘賊而殺
伐之功因以張大比於湯之伐桀又有光焉孟註纂註
新安陳氏曰于湯有光乃武王之夸辭如所謂功光祖
宗云爾孟註甚得本意蔡氏于湯之心為益明白之說
議論雖深一步
似失本文之意
勗哉夫子罔或無畏寧執非敵百姓懍

懍若崩厥角嗚呼乃一德一心立定厥功惟克永世勗

也夫子將士也勉哉將士無或以紂為不足畏寧執心
以為非我所敵也商民畏紂之虐懍懍若崩推其頭角
然言人心畏懼如此汝當一德
纂註
敵
老子禍莫大於輕
一心立定厥功以克永世也
林氏曰考之

孟子疑此二者必有所增損潤色其字大抵相同其意旨則有不同者蓋康誥伏生所傳泰誓孔壁續書孔氏為隸古定其間必有所不能曉而以意增損者則今泰誓康誥與孟子所舉不同者以此愚謂勗哉數語固不以至仁伐至不仁而萌倖勝輕敵之心亦不以羣臣同心同德而忘一德一心之戒聖人之重用民命臨事而懼也如此

泰誓下

時厥明王乃大巡六師明誓衆士

厥明戊午之明日也古者天子六軍大國

三軍是時武王未備六軍牧誓敘三卿可見此曰六師者史臣之辭也

王曰嗚呼我西土

君子天有顯道厥類惟彰今商王受狎侮五常荒怠弗

敬自絕于天結怨于民

天有至顯之理即典常之理其義類甚明至

臣父子兄弟夫婦典常之道褻狎侮慢荒棄怠惰無所敬畏上自絕于天下結怨于民結怨者非一之謂下文

自絕結怨

纂註

林氏曰君子統上下而言越王勾踐伐吳以其私卒居于六千人為中軍則士

之實也

卒亦可言君子益贊禹曰滿招損謙受益時乃天道湯

亦曰天道福善禍淫與此言天道意同張氏曰天有

福善禍淫之道顯然甚明禍福之來各以類至其類亦

甚彰

新安陳氏曰蔡氏以顯道合五常言不如張氏

得本文

正意

斲朝涉之脛剖賢人之心作威殺戮毒痛四海

崇信姦回放黜師保屏棄典刑囚奴正士郊社不修宗

廟不享作奇技淫巧以悅婦人上帝弗順祝降時喪爾

其孜孜奉予一人恭行天罰

斷斫也孔氏曰冬月見朝
涉水者謂其脛耐寒斫而

視之史記云比干強諫紂怒曰吾聞聖人心有七竅遂
剖比干觀其心痛病也作刑威以殺戮為事毒病四海
之人言其禍之所及者遠也回邪也正士箕子也郊所
以祭天社所以祭地奇技謂奇異技能淫巧為過度之
巧列女傳紂膏銅柱下加炭今有罪者行輒墮炭中姐
已乃笑夫欲姐已之笑至為炮烙之刑則其奇技淫巧
以悅之者宜無所不至矣祝斷也言紂于姦邪則尊信
之師保則放逐之屏棄先王之法囚奴中正之士輕廢
奉祀之禮專意污褻之行悖亂天常故天弗順而斷然
降是喪亡也爾衆士其勉力不怠奉我一人而敬行天
罰纂註曰公羊傳哀十四年子路死子
乎纂註曰天祝予何休註祝斷也

古人有言曰撫我

則后虐我則讐獨夫受洪惟作威乃汝世讐樹德務滋

除惡務本肆予小子誕以爾衆士殄殲乃讐爾衆士其

尚迪果毅以登乃辟功多有厚賞不迪有顯戮

洪大也獨夫言

天命已絕人心已去但一獨夫耳孟子曰殘賊之人謂之一夫武王引古人之言謂撫我則我之君也虐我則我之讐也今獨夫受大作威虐以殘害于爾百姓是乃爾之世讐也務專力也植德則務其滋長去惡則務絕根本兩句意亦古語喻紂為衆惡之本在所當去故我小子大以爾衆士而殄絕殲滅汝之世讐也迪蹈登成也殺敵為果致果為毅爾衆士其庶幾蹈行果毅以成汝君若功多則有厚賞非特一爵一級而已不迪果毅則有顯戮謂之顯戮則纂註真氏曰武王舉古人之言必肆諸市朝以示衆庶纂註以明民之常情如此若君民之分豈以虐我而遂讐之哉然君民嗚呼惟我文考之分不可恃而民之常情不可不察

若日月之照臨光于四方顯于西土惟我有周誕受多

方

若日月照臨言其德之輝光也光于四方言其德之遠被也顯于西土言其德尤著于所發之地也文王

之地止于百里文王之德達于天下多方之受非周其誰受之文王之德實天命人心之所歸故武王于誓師之末歎息

予克受非予武惟朕文考無罪受克予非朕

而言之

文考有罪惟予小子無良

無罪猶言無過也無良猶言無善也商周之不敵久矣武

王猶有勝負之慮恐為文王羞者聖人臨事而懼也如此

纂註

林氏曰聖人至誠畏懼之心充實于中則

發于言自然如此非有一毫作偽于其間也愚謂事幸而集則文考之功不幸不集則予小子之過善則稱親過則歸己禮所當然也又案三篇三數紂之惡發舒萬民之氣天怒已極人怨已深不待牧野之戰而天下

已無尚矣嗚呼豈
非萬世之永監哉

牧誓

牧地名在朝歌南即今衛州治之南也武王軍于牧野臨戰誓衆前既有泰誓三篇

因以地名別之今古文皆有

纂註

陳氏曰禹征苗誓只數語甘誓湯誓則一篇武王之

誓至四篇世愈降而文愈繁也

時甲子昧爽王朝至于商郊牧野乃誓王左杖黃鉞右

秉白旄以麾曰逝矣西土之人

甲子二月四日也昧爽明也昧爽將明未明

之時也鉞斧也以黃金為飾王無自用鉞之理左杖以為儀耳旄軍中指麾白則見遠麾非右手不能故右秉白旄也紱武成言癸亥陳于商郊則癸亥之日周師已陳牧野矣甲子昧爽武王始至而誓師焉曰若武王之

言也。遯遠也。以其行後之遠而慰勞之也。

纂註

林氏曰：言日不言月上，本泰誓文也。孔氏曰：牧野紂近

郊三十里也。

王曰：嗟我友邦冢君御事司徒司馬司空亞旅

師氏千夫長百夫長

司徒司馬司空三卿也。武王是時尚為諸侯，故未備六卿。唐孔氏曰：

司徒主民，治徒庶之政，令司馬主兵，治軍旅之誓戒。司空主土，治壘壁以營軍。亞次，旅衆也。大國三卿，下大夫五。人士，二十七人。亞者，卿之貳。大夫是也。旅者，卿之屬士是也。師氏以兵守門者，猶周禮師氏王舉則從者也。千夫長，純千人之帥。百夫長，純百人之帥也。

及庸蜀羌髳微盧彭濮人

左傳：庸與

百濮伐楚，庸濮在江漢之南。羌在西蜀。髳微在巴。蜀，盧彭在西北。武王伐紂，不期會者八百國。今誓師獨稱八國者，蓋八國近周，都素所服，後乃受約束以戰。纂註：者若上文所言友邦冢君，則泛指諸侯而誓者也。

陳氏曰文王化行江漢自北而南故八國皆來助舉其遠則近者可知蘇氏曰楚饑庸與百濮伐之庸上庸縣濮即百濮又楚伐羅羅與盧戎兩軍之益南蠻之屬楚者羌先零卑丹之屬彭今屬武陽有彭亡擊微閭則知此數國皆稱爾戈比爾干立爾矛予其誓稱舉戈戰于楯矛亦

戰之屬長二丈唐孔氏曰戈短人執以舉之故言稱楯則並以扞敵故言比矛長立之於地故言立器械嚴整則士氣精明然王曰古人有言曰牝雞無晨牝雞之晨

惟家之索索蕭索也牝雞而晨則陰陽反常是為妖孽而家道索矣將言紂惟婦言是用故先發此

今商王受惟婦言是用昏棄厥肆祀弗答昏棄厥遺王父母弟不迪乃惟四方之多罪逋逃是崇是長是信是

使是以為大夫卿士俾暴虐于百姓以姦宄于商邑

陳肆

答報也婦妣已也列女傳云紂好酒淫樂不離妣已妣已所舉者貴之所憎者誅之惟妣已之言是用故顛倒昏亂祭所以報本也紂以昏亂棄其所當陳之祭祀而不報昆弟先王之脩也紂以昏亂棄其王父母弟而不以道遇之廢宗廟之禮無宗族之義乃惟四方多罪逃亡之人尊崇而信使之以為大夫卿士使暴虐于百姓姦宄于商邑蓋紂惑于妣已之
纂註
孫氏曰泰誓言紂娶背常亂理遂至派毒如此也
之惡終可悅婦人牧誓言紂之惡始出于婦言
今予發惟恭行天之罰今

日之事不愆于六步七步乃止齊焉夫子勗哉

愆過勗勉也步

進趨也齊齊整也今日之戰不過六步七步乃止而齊此告之以坐作進退之法所以戒其輕進也
不愆

于四伐五伐六伐七伐乃止齊焉勗哉夫子

伐擊刺也少不下四

五多不過六七而齊此告之以攻殺擊刺之法所以戒其貪殺也上言夫子勗哉此言勗哉夫子者反覆成文

以致其丁寧勸纂註王氏炎曰六步七步足法也六伐勉之意下倣此纂註七伐手法也呂氏曰大司馬之

法伍兩卒旅各有其長使止齊之者使其部伍之長各自止其止各自齊其齊故當戰時井然有序不失紀律

三軍如一人尚桓桓如虎如貔如熊如羆于商郊弗逐克奔

以後西土勗哉夫子

桓桓威武貌貔執夷也虎屬欲將士如四獸之猛而奮擊于商郊也

迓迎也能奔來降者勿迎擊之以勞役我西土之人此勉其武勇而戒其殺降也

纂註

陳氏大猷曰用

兵以節制為尚以武勇為主武王慮其或拘故喻以虎貔之勇又慮過于勇而妄殺故以殺降為戒夏氏曰

使其役屬
於我西土
爾所弗勗其于爾躬有戮
弗勗謂不勉于前
三者愚謂此篇嚴

肅而溫厚與湯誓義相表裏真聖人之言也泰誓武成
一篇之中似非盡出于一人之口豈獨此為全書乎讀

者其纂註
王氏曰功多厚賞前誓已言此不再言而獨
味之言有戮者軍事以嚴終亦威克厥愛之意

愚謂此臨戰誓師之辭杖鉞秉旄所以肅已之容稱干
比戈立矛所以肅人之容軍容既肅然後發命則人無

譁而聽者審矣自古人有言至恭行天罰所以聲罪致
討而激士卒之義也自今日之事至乃止齊焉所以明

審法令而示行陳之禮也自勗哉以下又勉之以臨戰
之勇撫衆之仁也以至仁伐至不仁而謹畏戒懼尚如

此斯其為王
者之師歟

武成

史氏記武王往伐歸獸祀羣神告羣后與
其政事共為一書篇中有武成二字遂以

名篇今文輯錄問武成一篇諸家多以爲錯簡
無古文有輯錄然反覆讀之竊以爲自王若曰

以後皆是史官歷敘以前之事雖作武王告羣
后之辭而實史官敘述之文故其間如有道曾
孫周王發及昭我周王之語皆是史官之言非
武王當時自稱如此也亦如五誥中王若曰以
下多是周公之語若如此看則似不必改移亦
自可讀又既生鬼恐是晦日既者言其鬼之既
足也以歷推之當爲四月晦未知此篇先生尋
常如何看先生曰王若曰以下固是告羣后之
辭無敘其致禱之辭亦與湯誥相類但此辭却無
結殺處只自敘其功烈政事之美又書戊午癸
亥甲子日辰亦非誥命之體恐湏是有錯簡然
自王氏程氏劉原父以下所定亦各不同舊嘗
考之劉以爲王語之末有闕文似得之彼有七
經小傳否可檢看又漢書歷志謂是歲有閏亦

是也。答潘子善問：武成一篇，編簡錯亂，曰：新有定本，以程先生王介甫、劉貢父、李博士諸本推究，甚纂註。呂氏曰：武成見武王有取商之規模，詳侗纂註。有定商之規模，取商以至公大義，定商以常典成法，秦晉隋亦能一天下而亡不旋踵，蓋無以定之也。

惟一月壬辰旁死魄，越翼日癸巳，王朝步自周于征伐。

商為一月建寅之月，不曰正而曰一者，商建丑以十二月為正朔，故曰一月也。詳見太甲泰誓篇：壬辰以泰誓。

戊午推之，當是一月二日死魄，朔也。二日故曰旁死魄。翼明也，先記壬辰旁死魄，然後言癸巳伐商者，猶後世

言某日必先言某朔也。周鎬京也在京兆鄠，輯錄引武縣上林，即今長安縣昆明池北鎬陂是也。

成篇惟一月壬辰旁死，霸若翼日癸巳，武王乃朝步自周于征伐，紂此與古今文合，但有五字差，又曰越若來。

三月既死霸粵五日甲子歲劉商王紂顏氏曰今文尚書之辭又曰惟四月既旁生霸粵六日庚戌武王燎于周廟翼日辛亥祀于天位粵五日乙卯乃以庶國祀馘于周廟張氏曰亦今文尚書也又畢命豐刑曰惟十有二年六月庚午肱王命作策豐刑孟康曰逸書篇名今案伏生今文尚書無武成獨孔氏古文尚書乃有此篇今顏氏註劉歆所引兩節見其與古文不同遂皆以為今文尚書不知何所考也諸家推歷以為比年二月有閏四月丁未為十九日庚戌為二十二日若無閏則四月無丁未庚戌然二日皆在生鬼之後則古文為倒而此志所引者為順但其言燎于周廟似無理耳況古文此篇文皆錯謬安知既生鬼庶邦冢君暨百工受命于周十四字非本在示天下弗服之下丁未祀于周廟之上而王若曰以下乃大告武成之文邪以湯誥考之此說為是畢命古文有此篇其年月日與此同而王命作冊乃序文惟豐刑為無據然年月之下亦有至于豐字

豈入若伊訓之方明邪但古文之序冊下更有單字孔傳以為命為冊書以命畢公如此則全不成文理本文似亦有闕語疑作冊二字乃衍文而闕一公字也以此可見劉敞所見古文已非其正而今本亦有闕誤難盡信也孟康便以豐刑為逸書篇名則亦不復本上文自有畢命矣又誤之甚也此恐劉氏七經小傳之訛當考

子善 答 纂註 王氏曰休曰翼輔也以此日為主則明日為輔翼此日者故以明日為翼日 唐孔

氏曰舉事貴早 厥四月哉生明王來自商至于豐乃偃朝故皆言朝

武修文歸馬于華山之陽放牛于桃林之野示天下弗

服 哉始也始生明月三日也豐文王舊都也在京兆鄭縣即今長安縣西北靈臺豐水之上周先王廟在焉

山南曰陽桃林今華陰縣潼關也樂記曰武王勝商渡河而西馬散之華山之陽而弗復乘牛放之桃林之野

而弗復服車甲鉞而藏之府庫倒載干戈包以虎皮天下知武王之不復用兵也此當在萬姓悅服之下

纂註

唐孔氏曰生明死鬼俱是月初上云死鬼此云生明互言耳呂氏曰但歸放用以伐紂之牛馬耳

天子十二閑與邱甸之賦自不廢與晉武平吳而去武備唐穆平兩河而銷兵不同王氏曰軍行戰車用馬任載之車用牛服乘用也急于偃武如此見以兵定天下非其本心也丁未祀于周廟邦

甸侯衛駿奔走執豆籩越三日庚戌柴望大告武成

爾駿

雅曰速也周廟周祖廟也武王以克商之事祭告祖廟近而邦甸遠而侯衛皆駿奔走執事以助祭祀豆木豆籩竹豆祭器也既告祖廟燔柴祭天望祀山川以告武功之成由近而遠由親而尊也此當在百工受命于周之

纂註

陳氏曰歸馬放牛此偃武之事祀于周廟以下皆修文之事唐孔氏曰六服侯甸男采

衛要此

舉其要 既生鬼庶邦冢君暨百工受命于周

生鬼望後也四方諸

侯及百官皆于周受命蓋武王新即位諸侯百官皆朝見新君所以正始也

此當在示天下弗服之下輯

錄

義剛問生明生鬼如何先生曰日為鬼月為鬼鬼是

黠處鬼死則明生書所謂哉生鬼是也老子所謂載營鬼載如人載車車載人之載月受日之光鬼加于鬼

鬼載鬼也明之生時大盡則初二小盡則初三月受日之光常全人望在下却在側邊了故見其盈虧不同或

云月形如餅非也筆談云月形如彈丸其受光如粉塗

一半月去日近則光露一屑漸遠則光漸大且如月在

午日在酉則是近一遠三謂之弦至日月相望則去日

十矣故謂之望日在西而月在東人在下而得以望見

其光之全月之中有影者蓋天包地外地形小日在地

下則月在天中日甚大從地四面光起其影則地影也

地礙日之光所謂山河地影是也如星亦受日光凡天

地之光皆是日光也自十六日生鬼之後其光之遠近如前之弦謂之下弦至晦則月與日相疊月在日後光盡體伏矣又楚辭集註答天問夜光何德章可參考纂註新安陳氏曰諸家多謂生鬼望後也而不察既

字以望與既望例之則哉生鬼十六日既生鬼十七日也夏氏又謂既盡也與舜典既月同謂盡此生鬼以後之日殊不知此既字乃已然之辭與食之既既月不同其實十七日受命十九日丁未祀周廟簡倒耳所以云此當在示天下弗服之下而丁未祀于周廟當在百工受命于周之下也王若曰嗚呼羣后

惟先王建邦啓土公劉克篤前烈至于太王肇基王迹王季其勤王家我文考文王克成厥勲誕膺天命以撫方夏大邦畏其力小邦懷其德惟九年大統未集予小

子其承厥志

羣后諸侯也先王后稷武王追尊之也后稷始封于邠故曰建邦啟土公劉后稷之

曾孫史記云能修后稷之業太王古公亶父也避狄去邠居岐邠人仁之從之者如歸市詩曰居岐之陽實始翦商太王雖未始有翦商之志然太王始得民心王業之成實基于此王季能勤以繼其業至於文王克成厥功大受天命以撫安方夏大邦畏其威而不敢肆小邦懷其德而得自立自為西伯專征而威德益著於天下凡九年崩大統未集者非文王之德不足以受天下是時紂之惡未至於亡天下也文王以安天下為心故予小子亦以安天下為心

輯錄

雒問先生近定武成新本先生曰前輩定本更

此當在大告武成之下
差一節王若曰一段或接于征伐商之下以為誓師之辭或連受命于周之下以為命諸侯之辭以為誓師固是錯連下說了以為命諸侯之辭者此去祭日只爭一兩日無緣有先誥命之理某看却諸侯來便教他助祭

此是祭畢臨遣之辭當在大誥武成之下此前輩只差此一節 問文王不稱王之說曰此事更要考說文王不稱王固好但書中不合有惟九年大統未集一句不知所謂九年自甚時數起若謂文王固守臣節不稱王則三分天下有其二亦為不可又書言太王肇基王迹則到太王時周家已自強盛矣今史記於梁惠王三十七年書襄王元年而竹書紀年以為後元年想得當時文王之事亦類此故先儒皆以為自虞芮質厥成之後為受命之元年廣周自積累以來其勢日大又當商家無道之時天下趨周其勢自爾至于文王三分天下有其二以服事商孔子乃稱其至德若非文王亦湏取了孔氏稱至德只二人皆可為而不為者也 璠問使文王更在十三四年將終事紂乎抑為武王牧野之舉乎曰看文王亦不是安坐不做事底人如詩中言文王受命有此武功既伐于崇作邑于豐云云則武功都是文王做來詩載武王武功却少但卒其伐功耳觀文王一時氣

勢如此度必不終竟休了一似果實文王待他十分黃
熟自落下來武王却似生拍破一般寓商紂之世文王
三分天下有其二以服事商至武王十三年乃伐紂而
有天下張子曰此事間不容髮一日之間天命未絕則
是君臣當日命絕則為獨夫然命之絕否何以知之人
情而已諸侯不期而會者八百武王安得而止之哉孟
註問取之而燕民悅則取之至古之人有行之者文王
是也竊疑文王大聖人于君臣之義尊卑之等豈不洞
見而容有華商之念哉曰此等處難說孔子謂可與立
未可與權到邨時事勢自是要住不得後來人把文王
說得忒恁地却做一箇道行看著不做聲不做氣如此
形容文王都沒情理以詩書考之全不是如此如詩自
從太王至王季說來如云至于太王實始翦商如下武
之詩有聲之詩都說文王出做事且如伐崇一節是做
甚麼這又不是一項小小侵掠乃是大征伐詢爾仇方
同爾兄弟以爾鉤援與爾臨衝以伐崇庸此見大段動

衆岐山之下與崇相去自是少里因甚如此這般處
要做文王無意出做事都不得又如說侵自阮疆陞我
高岡無矢我陵我陵我阿無飲我泉我泉我池這裏建
都自據有其土地這是大段施張了或云紂命文王得
專征伐紂不得已命之文王不得已受之橫渠云不以
聲色為政不以華命有中國默順帝則而天下歸焉其
惟文王乎若如此說恰似內無純臣之義外亦不屬于
商這也未必如此只是事勢自是不可已只當商之季
七顛八倒上下崩頽忽于岐山下突出許多人也是誰
當得文王之事惟孟子識之故七篇之中所以告列國
之君者莫非勉纂註新安陳氏曰后稷稱先王如周語
之以王道賀孫纂云昔我先王后稷人云我先王不
密韋昭註王之先祖故稱王商頌亦以契為玄王是也
武王告諸侯謂周之基業自后稷公劉太王王季文王
建之篤之基之勤之成之有自來矣我不過承先志而為
之耳意謂十五六世數百千年積德累功前作後述以

有今日非一朝一夕之崛起以聳動諸侯之聽也。歐陽氏曰：漢儒謂西伯受命稱王十三年者，妄也。以紂之暴虐，西伯竊數遂執而囚之，至其叛已稱王，反優容不問者十三年，此豈近於人情邪？孔子曰：三分天下有其二，以服事殷，使西伯不稱臣而稱王，安能服事商乎？謂西伯稱王起于何說而孔子之言萬世之信也？夷齊義士也，方其辭國而去，間西伯之賢，共往歸之，使西伯稱王，是偕叛之國，二子不以為非，依之久，而不去，至武王伐紂，始以為非，非其父而非其子，此豈近於人情邪？泰誓稱十有一年說者，因謂文王受命九年及武王居喪三年并數之，爾故以西伯聽虞芮之訟，謂之受命，以為元年。古者人居即位，必稱元年。西伯即位久矣，中間云云，見泰誓上傳，學者知西伯生不稱王，中間不再改元，則詩書所載燦然不誣矣。孔子當衰周之時，患衆說之紛紜惑亂，當世故修六經，以示信萬世。孔子沒去聖稍遠，諸家小說復興，與六經相亂，自漢以來，莫能辨正。

今卓然一信于六經則十有三年
武王即位之十三年爾復何疑哉
底商之罪告于皇天

后土所過名山大川曰惟有道曾孫周王發將有大正

于商今商王受無道暴殄天物害虐烝民為天下逋逃

主萃淵藪予小子既獲仁人敢祇承上帝以遏亂畧華

夏蠻貊罔不率俾

底至也后土社也勾龍為后土周禮大祝云王過大山川則用事焉孔氏

曰名山謂華大川謂河蓋自豐鵠往朝歌必道華涉河也曰者舉武王告神之語有道指其父祖而言周王二字史臣追增之也正即湯誓不敢不正之正萃聚也紂珍物害民為天下逋逃罪人之主如魚之聚淵如獸之聚藪也仁人孔氏曰太公周召之徒略謀畧也俾廣韻曰從也仁人既得則可以敬承上帝而遏絕亂謀內而

華夏外而蠻貊無不率從矣或曰太公歸周在文王之世周召周之懿親不可謂之獲此蓋仁人自商而來者愚謂獲者得之云爾即泰誓之所謂仁人非必自外來也不然經傳豈無傳乎此當在于征伐商之下纂

註林氏曰稱有道曾孫本其祖父而言言已乃有道之董氏曰下言受無道故於此言有道亦對稱之辭曾孫

主祭者之稱曲禮外事曰曾孫某侯某詩甫田曰曾孫

不怒左哀二年蒯賁臨戰禱辭亦稱曾孫葉氏曰湯伐桀曰聿求元聖武王伐紂曰既獲仁人葉氏曰俾

使也無不相恭天成命肆予東征綏厥士女惟其士女率以為已使

筐厥玄黃昭我周王天休震動用附我大邑周成命默商之定

命也筐竹器玄黃色幣也敬奉天之定命故我東征安其士女士女喜周之來筐筐盛其玄黃之幣明我周王

之德者是蓋天休之所震動故民用歸附我大邑周也
或曰玄黃天地之色篚厥玄黃者明我周王有天地之

德也此當在輯錄商人而曰我周王猶商纂註陳氏
其承厥志之下書所謂我后也孟註曰成

命一定不易決于伐商也肆遂也武王為西伯紂在東
故曰東征士女猶曰男女詩中士多連女言之新安

胡氏曰傳采或曰玄黃之說非也惟爾有神尚克相予以濟兆民無作

神羞既戊午師逾孟津癸亥陳于高郊俟天休命甲子

昧爽受率其旅若林會于牧野罔有敵于我師前徒倒

戈攻于後以北血流漂杵一戎衣天下大定乃反商政

政由舊釋箕子囚封比干墓武商容閭散鹿臺之財發

鉅橋之粟大賚于四海而萬姓悅服

休命勝商之命也
武王頓兵商郊雍

容不迫以待紂師之至而克之史臣謂之侯天休命可謂善形容者矣若林即詩所謂其會如林者紂衆雖有如林之盛然皆無有背敵我師之志紂之前徒倒戈反攻其在後之衆以走自相屠戮遂至血流漂杵史臣指其實而言之蓋紂衆離心離德特劫於勢而未敢動耳一旦因武王弔伐之師始乘機投隙奮其怨怒反戈相戮其酷烈遂至如此亦足以見紂積怨于民若是其甚而武王之兵則蓋不待血刃也此所以一被兵甲而天下遂大定乎乃者繼事之辭反紂之虐政由商先王之舊政也武車前橫木有所敬則俯而憑之商容商之賢人閭族居里門也賚予也武王除殘去暴顯忠遂良賑窮賙乏澤及天下天下之人皆心悅而誠服之帝王世紀云殷民言王之于仁人也死者猶封其墓況生者乎王之于賢人也亡者猶表其閭況存者乎王之于財也

聚者猶散之況其復籍之乎唐孔氏曰是輯錄血流漂

為悅服之事

此當在周不率俾之下

輯錄

血流漂

說盡信書不如無書者只緣當時恁地戰鬪殘戮恐當時人以此為口實故說此然看上文自說前徒倒戈攻

于後以比不是武王殺他乃紂之人自蹂踐相殺荀子曰所以殺之者非周人也商人也書說觀武王興兵初

無意于殺人所謂今日之事不愆于六伐七伐乃止齊馬是也武王之心非好殺也卓杵或作鹵楯也孟註中

庸一戎衣解作殪戎殷亦是漢人不見今武成一戎衣之文義剛一戎衣言一著戎衣以伐紂也中庸章句

纂註

孔氏曰自河至朝歌出四百里五日而至赴敵宜速待天休命謂夜雨止畢陳血流漂杵已甚之言

唐孔氏曰帝王世紀云王軍至鮪水紂使膠鬲候周

師曰何日至王曰以甲子膠鬲去而雨甚王遂行曰吾

雨而行所以救膠鬲之死也然則本期甲子故速行也

周語曰王以二月癸亥夜陳未畢而雨是雨止畢陳

蔡氏元度曰詩云肆伐大商會朝清明蓋謂雨止清明也林氏曰武王臨戰不敢以勝自必待天之佑已而勝之此謂俟天之休命先儒雨止畢陳蓋過論也周師未嘗血刃而紂衆自相屠戮人心之叛商歸周如此是即天命去商佑周之驗也天之休命豈不昭然在此哉陳氏曰先驅商之平民陳後乃紂之惡黨民怨之深遂因此易鄉反攻之李氏曰湯伐夏曰纘禹舊服武王伐商曰反商政政由舊禹湯所行桀紂棄之湯武復之適所以為之資耳新安陳氏曰萬姓悅服實總結乃反商政以下數句大學平天下一章不過好惡財用二者與天下為公而已釋箕子至發粟賚四海皆反商政之大者釋箕子以下好惡與民為公也散財以下財用與民為公也愚謂漢高入關除苛解媿與父老約法三章得武王反商政之意獨不能由舊襲用秦法所以周不愧商而列爵惟五分土惟三建官惟賢位事惟漢有愧於周也

能重民五教惟食喪祭惇信明義崇德報功垂拱而天

下治

列爵惟五公侯伯子男也分土惟三公侯百里伯

七十里子男五十里之三等也建官惟賢不肖者不得進位事惟能不才者不得任五教君臣父子夫婦兄弟長幼五典之教也食以養生喪以送死祭以追遠

五教三事所以立人紀而厚風俗聖人之所甚重焉者惇厚也厚其信明其義信義立而天下無不勵之俗有德者尊之以官有功者報之以賞官賞行而天下無不勸之善夫分封有法官使有要五教修而三事舉信義立而官賞行武王於此復何為哉垂衣拱手而天下自治矣史臣述武王政治之本末言約而事博也如此哉

此當在大邑周之下而上猶有闕文案此篇編簡錯亂先後失序今考正其文于後

輯錄

祖道曰看

來湯武也自別如湯自放桀歸來猶做工夫且如從諫弗咈改過不吝味爽不顯旁求俊彥刻盤銘修人紀如

此之類不敢少縱武王自伐紂歸來建國分土散財發粟之後便只垂拱了且如西旅之獎費了太保許多氣以此見得武王做工夫不及湯遠甚先生所謂觀詩書可見者愚竊以為如此先生笑曰然某之意正如此

纂註

新安陳氏曰所重教食喪祭四者證以堯曰可見重五教而次以食則斯民日用飲食徧為爾德否

則君不君臣不臣雖有粟吾得而食諸食足矣即繼以慎終之喪報本之祭皆所以感發斯人之良心而維持天下之教化也王氏曰醇厚其信使天下不趨于詐顯明其義使天下不徇于利崇德使人知所以尚賢報功使人知所以勸忠呂氏曰武王至此夫何為哉無為而天下自治可見武王能還唐虞風俗於千載之下武成與堯舜氣象不同矣終篇一語堯舜無為之治乃恍然若存焉唐孔氏曰此篇體裁異於餘篇簡編斷絕經失其本所以辭不次耳

今考定武成

惟一月壬辰旁死魄越翼日癸巳王朝步自周于征
伐商底商之罪告于皇天后土所過名山大川曰惟
有道曾孫周王發將有大正于商今商王受無道暴
殄天物害虐烝民為天下逋逃主萃淵藪予小子既
獲仁人敢祗承上帝以遏亂畧華夏蠻貊罔不率俾
惟爾有神尚克相予以濟兆民無作神羞既戊午師
逾孟津癸亥陳于商郊俟天休命甲子昧爽受率其

旅若林會于牧野罔有敵于我師前徒倒戈攻于後
以北血流漂杵一戎衣天下大定乃反商政政由舊
釋箕子囚封比干墓式商容閭散鹿臺之財發鉅橋
之粟大賚于四海而萬姓悅服厥四月哉生明王來
自商至于豐乃偃武修文歸馬于華山之陽放牛于
桃林之野示天下弗服既生鬼庶邦冢君暨百工受
命于周丁未祀于周廟邦甸侯衛駿奔走執豆籩越
三日庚戌柴望大告武成王若曰嗚呼羣后惟先王

建邦啓土公劉克篤前烈至于太王肇基王迹王季
其勤王家我文考文王克成厥勲誕膺天命以撫方
夏大邦畏其力小邦懷其德惟九年大統未集予小
子其承厥志恭天成命肆予東征綏厥士女惟其士
女筐厥玄黃昭我周王天休震動用附我大邑周列
爵惟五分土惟三建官惟賢位事惟能重民五教惟
食喪祭惇信明義崇德報功垂拱而天下治

案劉氏王氏程

子皆有改正次序今參考定讀如此大畧集諸家所
長獨四月生鬼丁未庚戌一節今以上文及漢志日

辰推之其序當如此耳疑先儒以王若曰宜繫受命于周之下故以生鬼在丁未庚戌之後蓋不知生鬼之日諸侯百工雖來請命而武王以未祭祖宗未告天地未敢發命故且命以助祭乃以丁未庚戌祀于郊廟大告武功之成而後始告諸侯上下之交神人之序固如此也劉氏謂予小子其承厥志之下當有闕文以今考之固所宜有而程子從恭天成命以下三十四字屬于其下則已得其一節而用附我大邑周之下劉氏所謂闕文猶當有十數語也蓋武王革命之初撫有區夏宜有退托之辭以示不敢遽當天命而求助于諸侯且以致其交相警勅之意略如湯誥之文不應但止自序其功而已也列爵惟五以下又史官之辭非武輯錄武成月日譜一月以孔註推王之語讀者詳之輯錄武成月日譜一月以孔註推孟津二十日越翼日癸巳王朝步自周二日戊午師逾

則是辛酉朔癸亥陳于商郊庚申朔則是四日辛酉
朔則是三日甲子勝商殺紂或五日或四日漢志云
既死霸越五日甲子即是六日或七日日辰不相應
閏月李校書說是歲閏二月蓋以一月壬辰旁死鬼
推之若不置閏則下文四月無丁未庚戌矣其說是
也 若前兩月俱小則此月已丑朔一大一小則庚
寅朔俱大則辛卯朔三月若前三月俱小則戊午朔
一大二小則已未朔二大一小則庚申朔俱大則辛
酉朔然閏月小大計必無辛酉也四月若前四月俱
小則丁亥朔一大三小則戊子朔二大二小則已丑
朔一小三大則庚寅朔哉生明王來自商三日既生
鬼諸侯受命于周十六日或壬寅或癸卯或甲辰或
乙巳經文在庚戌後漢志在丁未前恐經誤丁未祀
于周廟或十九日或二十日或二十四日或二十五
日庚戌柴望大告武成或二十二日或二十三日或
二十四日或二十五日右以孔註漢志參考大抵多

同但漢志二月既死霸越五日甲子為差連而四月
既生霸與丁未庚戌小不同耳蓋以上文一月壬辰
旁死鬼推之則二月之死鬼後五日且當為辛酉或
壬戌而未得為甲子此漢志之誤也又以一月壬辰
二月甲子并閏推之則漢志言四月既生霸越六日
庚戌當為二十二日而經以生鬼居丁未庚戌之後
則恐經文倒也歷法雖無四月俱小之理然亦不過
先後一二日耳不應所差如此之多也宗廟內事日
用丁巳漢志乃無丁未而以庚戌燎于周廟則為剛
日非所當用而燎又非宗廟之禮且以翼日辛亥祀
于天位而粵五日乙卯又祀馘于周廟則六日之間
三舉大祭禮數而煩近于不敬抑亦經文所無有不
知劉歆何所據也顏註以為今文尚書則伏生今文
二十八篇中本無此篇顏氏之云又未知其何所據
也索張霸偽書有武成篇劉歆誤以為古文說見書
序疏中 考定武成次序惟一月壬辰止讀者詳之

竝見傳

書記

纂註

愚按近歲括蒼鮑氏復有定本謂古竹簡一行十有三字偶當句斷處差互四

月至豐一節以武成一篇每行十三字寫該三十五行少一字擬王若曰止萬姓悅服一十三行在厥四月止受命于周六行之前或以為然姑備一說

洪範

漢志曰禹治洪水錫洛書法而陳之洪範是也史記武王克殷訪問箕子以天道箕

子以洪範陳之案篇內曰而曰汝者箕子告武王之辭意洪範發之于禹箕子推衍增益以成篇與今文輯錄洪範一篇首尾都是歸皇極上古文皆有輯錄去蓋人居以一身為至極之標準最是不易又湏欽是五福所以欽聚五福以為皇極之本又湏是敬五事順五行厚八政協五紀以結裏個皇極又湏又三德使事物之接剛柔之辨湏區處教合宜稽疑便是考之于神

庶徵便是驗之于天五福是體之于人這下許多是維持這皇極格言讀洪範且各選他題目一則五行二則五事三則八政四則五紀五則皇極至其後庶徵五福六極乃權衡聖道而著其驗耳經說說洪範曰看來古人文字也不被人牽強說得出只是恁地熟讀少間字字都自會着實又曰今人只管要說治道這是治道最切緊處這箇若理會不通又去理會甚麼零碎
碎碎纂註
陳氏大猷曰箕子之陳洪範文王之演易皆當殷之末周之初也

惟十有三祀王訪于箕子

商曰祀周曰年此曰祀者因箕子之辭也箕子常言商其

淪喪我罔為臣僕史記亦載箕子陳洪範之後武王封于朝鮮而不臣也蓋箕子不可臣武王亦遂其志而不臣之也訪就而問之也箕子名子胥也
蘇氏曰箕子之不臣周也而為武王陳洪範也天以是道畀之

禹傳至於我不可使自我而絕以武王而不傳則天下無可傳者矣故為箕子之道者傳道則可仕則不可

輯錄

伊川說周書惟十有三祀與惟十有一年三與一須有一字錯泉州高某說一字錯下面十有三祀

字是洪範本文見得武王釋箕子囚了問他若十一年釋了十三年方問他恐不應如是遲遲此說頗是經說

纂註

孔氏曰箕子稱祀不忘本張氏曰稱祀不稱年稱王訪箕子而不稱箕子朝王稱王乃言而後箕

子乃言深見箕子為天下萬世大法不得已之意新安陳氏曰武王下車之初以道統為重即就問箕子孟

子所謂不召之臣欲有謀焉則就之者也雖封朝鮮終稱箕子而洪範終篇稱武王曰而曰汝而自稱我終不

臣周也不臣周所以正萬世君臣之大法陳洪範所以傳萬世天人之大法歟愚案西山蔡氏有洪範說傳

多用之餘見纂註

王乃言曰嗚呼箕子惟天陰騭下民相協厥

居我不知其彝倫攸敘

乃言者難辭重其問也箕子稱舊邑爵者方歸自商未新封爵

也。臆定協合彝常倫理也。所謂秉彝人倫也。武王之問蓋曰天於冥冥之中默有以安定其民輔相保合其居止而我不知其彝倫。輯錄彝倫指洪範九疇而言竊意之所以敘者如何也。箕子在下商潛心九疇之學如文王之潛心于八卦殷滅之後武王恐其學不傳故訪而問之且退託于不知以發其言。東齊集傳箕子

乃言曰我聞在昔鯀陟洪水汨陳其五行帝乃震怒不

畀洪範九疇彝倫攸敘鯀則殛死禹乃嗣興天乃錫禹

洪範九疇彝倫攸敘

乃言重其答也。陟塞汨亂陳列畀與洪大範法疇類數敗錫賜也。帝

以主宰言天以理言也。洪範九疇治天下之大法其類有九即下文初一至次九者箕子之答蓋曰洪範九疇

原出于天。鯨逆水性，汨陳五行，故帝震怒，不以與之。此
彝倫之所以敗也。禹順水之性，地平天成，故天出書于
洛。禹別之，以為洪範九疇。此彝倫之所以敘也。彝倫之
敘，即九疇之所敘者也。案孔氏曰：天與禹神龜負文
而出，列于背，有數至九。禹遂因而第之，以成九類。易言
河出圖，洛出書，聖人則之。蓋治水功成，洛龜呈瑞，如簫
韶奏而鳳儀，春秋作而麟至，亦其理也。世傳戴九履
一，左三右七，二四為肩，六八為足，即洛書之數也。輯
錄問：洪範之書，林氏以為洛出書之說，不可深信。帝乃
震怒，不畀洪範九疇。彝倫攸斁，言天奪之鑑也。天乃
錫禹洪範九疇。彝倫攸敘，猶言天誘其衷也。又云：洪範
之書，大抵發明彝倫之敘，本非由數而起。又曰：天乃錫
禹洪範九疇，猶言天乃錫王勇智耳。不必求之太深也。
某竊謂易明言河出圖，洛出書，豈得不之信邪？未知林
說何如。望折衷。荅曰：便使而今天錫洛書，若非天啓其
心，亦無人理。會得兩說，似不可偏廢也。荅潘子善：鯨禹

皆治水天不以開發鯨而以開發禹故言界不界要之
洛書乃天下之至理鯨不順是理自無可得之道禹順
是理自有可得之道界不界一歸之天者特言理之至
公無私爾東齊集傳問鯨既被誅禹又出而委質不知
如何曰蓋前人之愆又問禹以鯨為有罪而欲蓋其愆
非顯父之惡否曰且如而今人其父打碎箇人一件家
事其子買來填還此豈是顯父之惡自修問比看箕子
為武王陳洪範言彝倫攸斂見事事物物中得其倫理
則無非此道非道便無倫理荅曰固纂註蘇氏曰五行
是大雅固書源委詳見易學啓蒙纂註蘇氏曰五行
此而已蘇氏曰五行一疇爾一汨而九不界蓋五行
綱九疇目綱壞而目廢也呂氏曰洪水隄而五行汨
便見五行一源以堯舜之時法度彰禮樂著彝倫何嘗
數此只就鯨身上說自數一身之彝倫爾陳氏曰凡
疇謂之彝倫蓋天下自然之理也聖人推之天下則為
彝倫勒之于書則為洪範真氏曰龜所負者數爾大

萬聖人心與天通見其數而知其理因次之以為九類
即今九疇是也節初齊氏曰彝倫乃天理之自然而
人類之所一日
不可無者也
初一日五行次二曰敬用五事次三曰

農用八政次四曰協用五紀次五曰建用皇極次六曰

乂用三德次七曰明用稽疑次八曰念用庶徵次九曰

嚮用五福威用六極

此九疇之綱也在天為五行在人為五事以五事參五行天人合矣

八政者人之所以因乎天五紀者天之所以示乎人皇
極者君之所以建極也三德者治之所以應變也稽疑
者以人而聽于天也庶徵者推天而徵之人也福極者
人感而天應也五事曰敬所以誠身也八政曰農所以
厚生也五紀曰協所以合天也皇極曰建所以立極也
三德曰乂所以治民也稽疑曰明所以辨惑也庶徵曰

念所以省驗也五福曰嚮所以勸也六極曰威所以懲也五行不言用無適而非用也皇極不言數非可以數明也本之所以五行敬之以五事厚之以八政協之以五紀皇極之所以建也人之之以三德明之以稽疑驗之以庶徵勸懲之以福極皇極之所以行也輯錄問洪範諸人君治天下之法是孰有加於此哉事曰此是簡大綱目天下之事其大者大槩備于此矣又問皇極曰此是人君為治之心法周禮一書只是簡八政而已爾洛書本文只有四十五點班固云六十五字皆洛書本文古字畫恐自有模樣但今無所考漢儒說此未是恐只是以義起之不是數如此蓋皆以天道人事參互言之五行最急故第一五事又參之于身故第二一身既修可推之于政故八政次之政既成又驗之于天道故五紀次之又繼之皇極居五蓋能推五行敬五事厚八政修五紀乃所以建極也六三德乃是權衡此皇極者也德既修矣稽疑庶徵繼之者著其驗也又繼之以

福極其善惡之效至是不可加矣可學凡數自一至五
五居中自九至五五亦居中戴九履一左三右七五亦
在中若有前四者則方可以建極前四者乃一五行二
五事三八政四五紀是也後四者却自皇極中出三德
是皇極之權人君所嚮用五福所威用六極此曾南豐
所說惟此說好節初一次二此讀音豆也全讀是以一
二為次第不見洛書本文又不見聖人法象之義故後
人至以此章總為洛書本文皆為句讀不明也五氣
運行而人稟之以成形於是有五事故次二曰敬用五
事用者人所有事也凡用皆主人居而言德雖應變
無方而事又有非人謀所能決者故當謀之鬼神故次
七曰稽疑並東齋集傳民之有福君所當嚮民之有極
君所當纂註孔氏曰此以上禹所第敎一五行以下箕
畏道大纂註子所陳陳氏大猷曰五氣運行于天地
間未嘗停息故名五行真氏曰五行者天之所生以
善乎人者也其氣運于天而不息其材用于世而不匱

其理則賦于人而為五常以天道言莫大於此故居九疇之首五事天之所賦而具於人者貌之恭言之從視之明聽之聰思之睿皆形色中天性之本然也必以敬用之則能保其本然之性不以敬用之則貌必慢言必悖視聽則昏且窒思慮則麤且淺而本然之性喪矣五者治心治身之要以人事言莫切于此故居五行之次王氏曰皇極立本三德趨時新安陳氏曰建用皇極為九疇之宗主而敬用五事乃建用皇極之本根敬以用五事則身不修而極不建而天人之道得矣不敬以用五事之樞在皇極而皇極之要在五事五事之要在敬之一字也又曰自歲至歷數五者如網之有紀天時所以相維者也故曰五紀民政既舉則欽天授人有不可後推步占驗以人合天故五紀居八政之次庶徵驗我之得失于天也福極驗我之得失于民也蘇氏曰威畏也古者威畏通用六極之極窮也苦也張氏曰福

極之柄以人主論之則在天以民論之則在人主
齋董氏曰董仲舒劉向洪範傳以五行五事皇極庶徵
福極五者牽合相從雖其援引春秋經傳以發明其說
麤若可信然其所配止於五者而八徵五紀三德稽疑
四者則不可得而配此其為說固已拘泥不通至於庶
徵分配五福而六極衍其一而無所常則於各徵各增
其一曰皇之不極厥咎眚厥罰常陰厥極弱此則于箕
文之外別立此以遷就其說其失箕子之意遠矣眉山
蘇氏雖不若漢儒之鑿然一五行一曰水二曰火三曰
其相配亦止於五疇而已

木四曰金五曰土水曰潤下火曰炎上木曰曲直金曰

從革土爰稼穡潤下作鹹炎上作苦曲直作酸從革作

辛稼穡作甘

此下九疇之目也水火木金土者五行之
生序也天一生水地二生火天三生木地

四生金天五生土唐孔氏曰萬物成形以微著為漸五行先後亦以微著為次五行之體水最微為一火漸著為二木形實為三金體固為四土質大為五潤下炎上曲直從革以性言也稼穡以德言也潤下者潤而又下也炎上者炎而又上也曲直者曲而又直也從革者從而又革也稼穡者稼而又穡也稼穡獨以德言者土無五行無正位無成性而其生之德莫盛于稼穡故以稼穡言也稼穡不可以為性也故不曰曰而曰爰爰於也於是稼穡而已非所以名也作為也鹹苦酸辛甘者五行之味也五行有聲色氣味而獨言味者以其切于民也輯錄一五行者次第之辭與前章異後倣此東齋集傳自水曰潤下至稼穡作甘皆是二意水能潤能下火能炎能上金曰從曰革從而又能革也德明潤下潤溼而下流炎上炎熱而上升曲直謂生而有曲有直從革謂可因可革無定體種曰稼歛曰穡土性發生稼穡乃所生之大者東齋集傳問如何是金曰從革對

曰是從人之革荅曰不然是或從或革爾從者從所假制革者又可革而之他而其堅剛之質依舊自存故與曲直稼穡皆成雙字炎上者上字當作上聲潤下者下字當作去聲亦此意大雅金曰從革一從一革互相變而體不變且如銀打一隻盤便是從更要別作一件家事便是革依舊只是這物事所以云體不變惘從革作辛是其氣辛粹曲直作酸今以纂註介軒董氏曰大抵兩片木相擦則齒酸是其驗也天地之間太極判而為陰陽陰陽分而為五行太極理也陰陽五行氣也理必寓乎氣氣不離乎理故天一生水地二生木天五生土三者皆陽之所生地二生火地四生金二者皆陰之所生析而言之為五行對而言之為二氣豈無其理而自爾哉五行之質形于地是為潤下之水炎上之火曲直之木從革之金稼穡之土五行之神運于天則為春夏秋冬土寄旺于四季而名曰冲氣五行一陰陽也陰陽一太極也本未嘗相離也五行之質存于人心者

為肝心肺腎脾五行之神舍于人身者為仁義禮智信
質者其粗也神者其精也亦未嘗相離也 徽菴程氏
曰五行者八疇之體八疇者五行之用造化之初一涇
一燥涇之流為水燥之燥為火涇之融為木燥之凝為
金其融結為土自輕清而重濁先天之五行其體也四
時主相生六府主相剋後天之五行其用也其體對立
其用循環 陳氏大猷曰物之生其初皆為水其終皆
為土五行之相生所以相繼也其相克所以相治也潤
以質言炎以氣言上下以位言曲直以形言從革以材
言稼穡以用言土非止于稼穡以生民粒食之用言之
也即稼穡而推五行則潤下用之于灌溉也炎上用之
于烹飪也曲直之斲削從革之銘範用之于宮室器用
也 唐孔氏曰六府以土穀為二五行以土穀合為一
蘇氏曰潤下至稼穡皆其德也 夏氏曰五味必言
作者水之發源未嘗鹹也流而至海凝結既久而鹹之
味成則鹹者潤下之所作火之始炎未嘗苦也炎炎不

已焦灼既久而苦之味成則苦者炎上之所作木之初
生金之初礦土之始稼穡亦然新安陳氏曰索蔡傳
於稼穡獨以德言而其說皆本蘇氏上四者以性言則
不本蘇氏遂覺德字下得未順西山說於此云土之性
不可以一二名而其用盛于稼穡稼穡所以養民也却
元不用德字愚謂草木之實多酸雖甘者至乾壞亦
酸木擦齒酸之說恐未然

二五事一曰貌二曰言三曰視四曰聽五

曰思貌曰恭言曰從視曰明聽曰聰思曰睿恭作肅從

作又明作哲聰作謀睿作聖

貌言視聽思者五事之敘也貌澤水也言揚火也視

散木也聽收金也思通土也亦人事發見先後之敘人
始生則形色具矣既生則聲音發矣既又而後能視而
後能聽而後能思也恭從明聰睿者五事之德也恭者
敬也從者順也明者無不見也聰者無不聞也睿者通

乎微也肅又哲謀聖者五德之用也肅者嚴整也輯錄
又者條理也哲者智也謀者度也聖者無不通也
自外而言之則貌外于言自內而言之則聽內于視自
貌言視聽言之則思所以為主於內故曰貌曰言曰視
曰聽曰思彌遠者彌外彌近者彌內此其所以為次序
也備洪範五事以思為主蓋不可見而行乎四者之間
也然操存之漸必自其可見而為之物則切近明白
而易以持守故五事之次思最在後貌言視聽思皆
只以次第相屬問貌如何屬水曰容貌光澤故屬水言
發于氣故屬火問視聽言動比洪範五事動是貌否
如動容貌之謂曰思也在裏了動容貌是外面底心之
動便是思又問五行比五事曰曾見吳人傑說得順他
云貌是水言是火視是水聽是金思是土將八庶徵來
說便都順問貌如何是水曰他云貌是溼潤底便是水
故其徵便是肅時雨若洪範乃是五行之書看得他都
是以類配個問視曰明聽曰聰思曰睿曰視曰明是視

而便見之謂明聽曰聰是聽而便聞之謂聰思曰睿是思而便通之謂睿恭作肅恭屬水水有細潤意思人之樂動亦欲細潤聰作謀謀屬金金有靜密意思人之為謀亦貴靜密賀孫又謂理治恭作肅至睿作聖此學問之極功盡性踐形之事也東齋集傳伯謨云老蘇著洪範論不取五行傳而東坡以為漢儒五行傳不可廢此亦自是既廢則後世有忽天之心先生曰漢儒也穿鑿如五事一事錯則皆錯如何却云聽之不聰則某事應貌之不恭**纂註**唐孔氏曰洪範本體與人主作法則某事應道夫皆據人主為說五行傳曰貌屬木言屬金視屬火聽屬水思屬土五行傳伏生之書也几于太戊桑穀之下云七日大拱貌不恭之罰高宗雖雉之下云耳不聰之異皆書傳之文也蓋木有華葉之容故貌屬木言之斷決若金之斬割故言屬金火外觀故視屬火水內明故聽屬水土安靜而萬物生心思慮而萬事成故思屬土蘇氏洵曰經之次第五行以生數

至于五事求之五行則相克何也從五常斯與相克合
矣先民之論五行也水性智而事聽火性禮而事視木
性仁而事貌金性義而事言土性信而事思及其論五
常也以爲仁或失于弱故以義斷之義或失于剛故以
禮節之禮或失于拘故以智通之智或失于詐故以信
正之五常次第所以然五事從之所以亦然右洪範論
東坡亦同西山蔡氏曰貌言視聽思五行相克之序
也即五常之序也貌以生爲木言以斷爲金視以明爲
火聽以聰爲水思以通爲土皆自然之理也蘇氏攷
曰人之身蓄爲五藏發爲五事以應五行脾之發爲貌
而主土肺之發爲言而主金肝之發爲視而主木腎之
發爲聽而主水心之發爲思而主火自黃帝以來言之
詳矣醫者捨此無以治病漢儒以言爲金聽爲水得之
矣以貌爲木以視爲火以思爲土則不可勉齋黃氏
曰水貌雨太陰火言暘太陽木視煥少陽金聽寒少陰
四者或偏于陽或偏于陰惟土思風也通乎四者而不

同焉質陰氣陽身之全體故貌言為大耳目聰明體之
虛者故視聽次之又曰以造化生人之初驗之便自體
合天一生水水便有形人生精血媵合成形亦若造化
之有水也地二生火火便有氣人有體便能有聲者氣
之所為亦若造化之有火也水陰而火陽貌亦屬陰而
言亦屬陽也水火雖有形質然乃造化之初故水但能
潤下火但能炎上其質終是輕清至若天三生木地四
生金則形質已全具矣亦如人身耳目既具則人之形
成矣木陽而金陰亦猶視陽而聽陰也只以此配之則
人之身便是一箇造化理自分明徽菴程氏曰人之
始生精與氣耳精之凝為貌氣之出為言精之顯為視
氣之藏為聽其主宰為思又曰洪範五事配五行與素
問五行傳不合自西京以來說者不一牽合傳會莫能
相通十有餘年至黃勉齋而後定其言曰配與屬不同
配者比竝之謂屬者管屬之謂嘗得其說而推之配與
屬不同配者對峙而為體猶見之先天卦圖也屬者流

行而為用猶易之後天卦圖也洪範之五事配水火木
金土乃先天之五事言其體也素問屬土金木水火而
相生五行傳屬木金火水土而相克乃後天之五事言
其用也配與屬不相妨體與用不相悖千古之疑於是
判矣素素問言相生亦有不合木水易置乃可五行傳
言相克亦與六府五行五事之序自上克下者不同乃
倒相克自下克上耳陳氏經曰五事以思為主猶五
行以土為主土居中中央心亦虛中而居中者也李氏
也曰曰者自然之理作者修為之效貌之必恭以至思
之必睿有物必有則也作肅以至作聖聖人而後可以
踐形也新安陳氏曰五事皆當以敬用之能以敬為
主則物循其則而貌言視聽思皆能盡性以踐形恭從
明聰睿充而極于肅人哲謀聖矣不以敬為主則物失
其則性不盡而無以踐形矣盡性踐形之學貴乎內外
交盡以致夾持之功五事固以思為主而思必以貌言
視聽為先貌言視聽在外而可見者也思在內而不可

見者也於外而可見者先致持守之功則百體各職其職於內而不可見者復致操存之力則百體益於天君而從其令一敬之功內外三八政一曰食二曰貨三曰

祀四曰司空五曰司徒六曰司寇七曰賓八曰師食者民之

所急貨者民之所資故食為首而貨次之食貨所以養生也祭祀所以報本也司空掌土所以安其居也司徒掌教所以成其性也司寇掌禁所以治其姦也賓者禮諸侯遠人所以往來交際也師者除殘禁暴也兵非聖人之得已纂註唐孔氏曰八政用于民以緩急為次食故居末也纂註貨祀賓師指事為名三卿舉官為名者三官所主事多若以一字為名則所掌不盡故舉官名以見義鄭玄之說非是陳氏經曰八政或言事或言官互見也史氏漸曰政莫大於是舜總之九官周分之六卿箕子裂而為八名雖異實無殊也四

紀一曰歲二曰月三曰日四曰星辰五曰歷數

歲者序四時也

月者定晦朔也日者正踰度也星經星緯星也辰日月所會十二次也歷數者占步之法所以紀歲月日星辰

也纂註

唐孔氏曰五紀五者為天時之經紀也

王氏

而不同者彼以徵王與卿士師尹庶民之得失此特主于授時

五皇極皇建其有極斂

時五福用敷錫厥庶民惟時厥庶民于汝極錫汝保極

皇君建立也極猶北極之極至極之義標準之名中立而四方之所取正焉者也言人君當盡人倫之至語父子則極其親而天下之為父子者於此取則焉語夫婦則極其別而天下之為夫婦者於此取則焉語兄弟則極其愛而天下之為兄弟者於此取則焉以至一事一物之接一言一動之發無不極其義理之當然而無一

毫過不及之差則極建矣極者福之本福者極之效極之所建福之所集也人君集福于上非厚其身而已用敷其福以與庶民使人人觀感而化所謂敷錫也當時之民亦皆於君之極與之保守不敢失墜所謂錫保也言皇極君民所以輯錄皇極一章乃九疇之本答項平相與者如此也

是皇建其有極不成是大建其有中時人斯其惟皇之極不成是時人斯其惟大之中皇湏是君極須是人居建一箇表儀于上且如北極是在天中喚作北中不可屋極是在屋中喚作屋中不可人君建一箇表儀于上便有肅乂哲謀聖之應五福備具推以與民民皆從其表儀下文凡厥庶民以下言人君建此表儀又湏知天

下有許多名色人湏逐一做道理區處著始得於是有念之受之錫之福之類隨其人而區處之大抵皇極是建立一箇表儀後又有廣大含容區處周備底意思無偏無陂以下只是反覆歌詠若細碎解都不成道理

皇指人君極便指其身為天下做箇樣子但緣聖人做得樣子高大人所難及而不可以此盡律天下之人故雖不協于極者君亦受之至於而康而色自言好德者亦錫之福皇極不可以大中訓之只是前面五行五事八政五紀是已却都載在人君之身包括盡了五行是發源處五事是操持處八政是修人事五紀是順天道就中以五事為主視明聽聰便是建極如明如聰只是合恁地三德亦只是就此道理上權衡或放高或捺下是人事盡了稽疑又以卜筮參之若能建極則推之于人使天下皆享五福驗之於天則為休徵若是不能建極則其在人事便為六極在天亦為咎徵其實都在人君身上又不過敬用五事而已此即為恭而天下平之意以是觀之人君之所任者豈不重哉如此則九疇方貫通為一若以大中言之則九疇散而無統人傑極有湊會之義所謂三十幅共一轂斂福錫民聖人亦宜別有福以錫之只取則于此各正其身順理而行則為

福也孟子謂君仁莫不仁亦此意人君先正其身故又有五事之說若以皇極為大中則與五事似不相干漢儒如谷永書建大中正五事猶相通說今之所謂皇極者只是順從無所可否經說漢儒說中字只是五事之中猶未為害最是近世說中字不是近日之說只是含糊苟且不分是非不辨黑白過當做底事只畧畧做些不要做盡此豈聖人之意賀孫極盡也先生指前面香桌四邊盡處是極所以謂之四極四邊視中央中央是極也堯都平陽舜都蒲坂四邊望之一齊着着平陽蒲坂如屋之極極高之處四邊到此盡了去不得故謂之極宸極亦然至善亦如此應于事到至善處是極盡了更無去處故君子無所不用其極書之皇極亦是四方所瞻仰者皇有訓大處惟皇極之皇不可訓大皇只當作居所以說遵王之義遵王之路直說到後面以為天下王其意可見蓋皇字下從王永問先生言皇極之極不訓中只是標準之義然無偏無黨無反無側亦有中

意答曰只是箇無私意問標準之義如何曰此是聖人
正身以作民之準則問何以能斂五福曰當就五行五
事上推究人君修身使貌恭言從視明聽聰思睿即身
自正五者得其正則五行得其序以之稽疑則龜從筮
從卿士從庶民從在庶徵則有休徵而無咎徵和氣致
祥有仁壽而無鄙夫便是五福反是則福轉為極陸子
靜荆門軍曉諭乃是斂六極也德明自皇建其有極以
下是總說人君正心修身立大中正之標準以觀天
下而天下化之義無偏無陂以下乃是反復贊歎正
說皇極體段曰皇極之數言以下是推本結殺一章之
大意蔣梁文叔東坡書傳中說纂註漢五行志曰皇君
得極字亦好餘見後皇極辨也皇極謂人君所
建之中蘇氏曰至而無餘之謂極林氏曰皇極居
中可以包括上下馮氏曰皇極居中上總下貫與八
疇為九徽菴程氏曰皇極者九疇之樞紐五行之統
會新安陳氏曰五居中同合五行之數而極者仁義

禮智信之至五性亦合五行之理五行散見諸疇中皇
極一疇以五行之理統會之也有極當借無極對觀自
至理之妙而無形可見言之曰無極自至理之實有言
之曰有極九疇雖至五福而終五福實自皇極而出錫
汝保極蔡西山曰民享君之福所以歸于君之極而與
君保此極也九峯盖用父說而不用師說辨中雖不免
析錫汝及保極為二義然錫汝對上數錫有凡厥庶民
眼目又君長為標準之說有意味辨較優云

無有淫朋人無有比德惟皇作極

淫朋邪黨也人有位之人比德私相比附

也言庶民與有位之人而無淫朋比德者惟君為之
極而使之有所取正耳重言君不可以不建極也

錄

見後皇極辨

纂註

新安陳氏曰作有扶植振起之意建立作興大畧相似不建不作則斯道廢墜

參
凡厥庶民有猷有為有守汝則念之不協于極不罹

于咎皇則受之而康而色曰予攸好德汝則錫之福時

人斯其惟皇之極

此言庶民也有猷有謀慮者有為有施設者有守有操守者是三者君之

所當念也念之者不忘之也帝念我之念不協于極未合于善也不罹于咎不陷于惡也未合於善不陷于惡所謂中人也進之則可與為善棄之則流於惡君之所當受也受之者不拒之也歸斯受之之受念之受之隨其才而輕重以成就之也見於外而有安和之色發於中而有好德之言汝于是則錫之以福而是人斯其惟皇之極矣福者爵祿之謂或曰錫福即上文敘福錫民之福非自外來也曰祿亦福也上文指福之全體而言此則為福之一端而發苟謂非祿之福則於下文輯錄于其無好德汝雖錫之福其作汝用咎為不通矣輯錄有猷有為有守是有德之纂註新安陳氏曰而康而色人泳餘見後皇極辨

纂註

新安陳氏曰而康而色辨傳皆作民言孔氏謂

汝當安汝顏色以謙下人兩而字皆指武王言假容色以俯就誘掖人則人心感發無隱於君曰我所好在德君則尤當迎其善意而錫之福也蓋

無虐斃獨而畏高

明

斃獨庶民之至微者也高明有位之尊顯者也各指其甚者而言庶民之至微者有善則當勸勉之有位

之尊顯者有不善則當懲戒之此結上章而起下章之義

輯錄

見後皇極辨

纂註

孔氏曰斃單無

兄弟也無

人之有能有為使羞其行而邦其昌凡厥正

人既富方穀汝弗能使用好子而家時人斯其辜于其

無好德汝雖錫之福其作汝用咎

此言有位者也有能有才智者羞進也使

進其行則官使者皆賢才而邦國昌盛矣正人者在官之人如康誥所謂惟厥正人者富祿之也穀善也在官

之人有祿可仰然後可責其為善廩祿不繼衣食不給不能使其和好于而家則是人將陷于罪戾矣於其不好德之人而與之以祿則為汝用咎惡之人也此言祿以與賢不可及惡德也必富之而後責其善者聖人設教欲中人以輯錄有能有為是有才之人嘗疑正人只上皆可能也輯錄是中常之人此等人湏是富方可與為善與無常產有常心者有異

正人與辨傳異餘見後皇極辨纂註

西山蔡氏曰進其行者進於皇

之極也

陳氏大猷曰

上一節是廣大以獎育人才此

一節是公平以拔用人才

引康誥惟厥正人以為官之長者為妄于人民之分及上下文理相協汝則錫之福汝雖錫之福二福字只當與上文敘時五福作一樣說蔡氏用古註爵祿之說使人疑焉作汝用咎辨加一報字未曉此句蔡傳為優無好德則福之本已撥居雖錫之彼無以受之矣此時首言建極錫福皆為民言至此則錫之福雖錫之福皆為

有位之人言然於此三四節首以庶民與人對言繼而念之受之為民言也則錫雖錫為人言也雖若雜舉而實有條理大意欲君於建極之餘於民則隨才以成之於有位之人則隨才而富以祿之不特敘福以錫庶民且錫福於有位之人也又案辨欠分別無偏無陂遵王民人三德疇人頗辟民僭忒其證甚明

之義無有作好遵王之道無有作惡遵王之路無偏無黨王道蕩蕩無黨無偏王道平平無反無側王道正直

會其有極歸其有極

偏不中也陂不平也作好作惡好惡加之意也黨不公也反倍常也

側不正也偏陂好惡已私之生於心也偏黨反側已私之見于事也王之義王之道王之路皇極之所由行也蕩蕩廣遠也平平平易也正直不偏邪也皇極正大之體也遵義遵道遵路會其極也蕩蕩平平正直歸其極

也會者合而來也歸者來而至也此章蓋詩之體所以使人吟咏而得其性情者也夫歌咏以叶其音反復以致其意戒之以私而懲創其邪思訓之以極而感發其善性諷詠之間恍然而悟悠然而得忘其傾邪狹小之念達乎公平廣大之理人欲消熄天理流行會極歸極有不知其所以然而然者其功用深切與周禮大師教以六詩者同一機而尤要者也後世此意輯錄無有作不傳皇極之道其不明于天下也宜哉

輯錄

好無有作

曰王道蕩

蕩又曰王道平平無黨無偏又曰無偏無黨只是一箇道如何如此反覆說只是得人反覆思量人心來則自有所見矣大雅會其有極歸其有極會歸字無異義只是重疊言之與既言無偏無黨又言無黨無偏無黨無偏無別說也泳餘見後皇極辨纂註孫氏曰老

甚夷而民好徑王之道王之路所謂甚夷者也蕩蕩通達之意平平坦夷之意張氏曰天下有公好惡不必

作也作則非公矣新安陳氏曰遵猶有不敬違之意至王道蕩蕩三句則自合乎王道無事于遵矣呂氏

曰會如會聚之會歸如歸宿之歸有所會然後有所歸唐孔氏曰天下歸仁焉此歸意與彼同陳氏大猷

曰此承上文言人君能作成人故人皆趨極以申第一節凡厥庶民惟皇作極之義新安陳氏曰二有極字

與章首皇建其有極相照應謂實有之極亦君民同有之極也息齋余氏曰下章傳指此章為敷言恐未必

然曰皇極之敷言是彝是訓于帝其訓

曰起語辭敷言上文敷衍之言

也言人君以極之理而反復推行為言者是天下之常理是天下之大訓非君之訓也天之訓也蓋理出乎天

言純乎天則天之言矣此贊敷言之妙如此

輯錄

見後皇極辨

纂註

夏氏曰二曰字皆箕子更

端之言孔氏曰以皇極之道布陳言教不失其常則人皆是順矣天且其順而況於人乎蘇氏曰天錫禹

九疇不能如是諄諄也。應有象數而已。禹與箕子推而廣之。至皇極尤詳。曰：此非皆帝之言也。皇極之數言也。帝以象數告而我數廣其言為箕子訓。亦與帝言無異。故曰：于帝其訓也。新安陳氏曰：自以此以上皆身教也。凡民于皇極未易悟。箕子欲武王不以身教廢言教耳。凡息齊余氏曰：傳此節易師說似隋世令民誦五教。

厥庶民極之數言是訓是行以近天子之光。曰：天子作

民父母以為天下王。

光者道德之光華也。天子之于庶民性一而已。庶民于極之數言是

訓是行則可以近天子道德之光華也。曰者民之辭也。謂之父母者指其恩育而言親之之意。謂之王者指其居長而言尊之之意。言天子恩育居長乎我者。韓錄洛如此其至也。言民而不言人者。舉小以見大也。韋錄書九數而五居中。洪範九疇而皇極居五。故自孔氏傳訓皇極為大中而諸儒皆祖其說。余獨以經之文義語脉

求之而有以知其不然也蓋皇者君之稱也極者至極之義標準之名常在物之中央而四外望之以取正焉者也故以極為在中之準的則可而便訓極為中則不可若北辰之為天極脊棟之為屋極其義皆然而禮所謂民極詩所謂四方之極者於皇極之義為尤近顧今之說者既誤於此而并失於彼是以其說展轉迷繆而終不能以自明也即如舊說姑亦無問其他但即經文而讀皇為大讀極為中則夫所謂惟大作中大則受之為何等語乎今以余說推之則人君以眇然之身履至尊之位四方輻輳而內而環觀之自東而望者不過此而西也自南而望者不過此而北也此天下之至中者也既居天下之至中則必有天下之絕德而後可以立至極之標準故必順五行敬五事以修其身厚八政協五紀以齊其政然後至極之標準卓然有以立乎天下之至中使夫面內而環觀者莫不於是而取則焉語其仁則極天下之仁而天下之為仁者莫能加也語其孝

則極天下之孝而天下之為孝者莫能尚也是則所謂
皇極者也由是而權之以三德審之以卜筮驗其休咎
于天考其禍福于人如挈裘領豈有一毛之不順哉此
洛書之數所以雖始於一終於九而必以五居其中洪
範之疇所以雖本于五行究于福極而必以皇極為之
主也若箕子之言有曰皇建其有極云者則以言夫人
君以其一身而立至極之標準于天下也其曰敝時五
福用敷錫厥庶民云者則以言夫人君能建其極則為
五福之所聚而又有以使民觀感而化焉則是又能布
此福而與其民也其曰惟時厥庶民于汝極錫汝保極
云者則以言夫民視君以為至極之標準而從其化則
是復以此福還錫其居而使之長為至極之標準也其
曰凡厥庶民無有淫朋人無有比德惟皇作極云者則
以言夫民之所以能有是德者皆君之德有以為其至
極之標準也其曰凡厥庶民有猷有為有守汝則念之
不協于極不罹于咎皇則受之云者則以言夫君既立

極於上而下之從化或有淺深緩速之不同其有謀者
有才者有德者人居固當念之而不忘其或未能盡合
而未底乎大度者亦當受之而不拒也其曰而康而色
曰予攸好德汝則錫之福時人斯其惟皇之極云者則
以言夫人之有能華而從君而以好德自名則雖未必
出于中心之實人君亦當因其自名而與之以善則是
人者亦得以君為極而勉其實也其曰無虐癸獨而畏
高明人之有能為使羞其行而邦其昌云者則以言
夫君之於民一視同仁凡有才能使皆進善則人才衆
多而國賴以興也其曰凡厥正人既富方穀汝弗能使
有好事而家時人斯其辜予其無好德汝雖錫之福其
作汝用咎云者則以言夫凡欲正人者必先有以富之
然後可以納之於善不能使之有賴于其家則此人必
將陷于不義至于無有好德之心而後始欲教之以修
身勸之以求福則已無及于事而其起以報汝惟有惡
而無善矣蓋人之氣稟或清或濁或純或駁有不可一

律齊者是以聖人所以立極乎上者至嚴至密而所以接引乎下者至寬至廣雖彼之所以化于此者淺深運速其效或有不同而吾之所以應于彼者長養涵育其心未嘗不一也其曰無偏無陂遵王之義無有作好遵王之道無有作惡遵王之路無偏無黨王道蕩蕩無黨無偏王道平平無反無側王道正直會其有極歸其有極云者則以言夫天下之人皆不敢徇其己之私以從乎上之化而會歸乎至極之標準也蓋偏陂好惡者已私之生于心者也偏黨反側者已私之見于事者也王之義王之道王之路王之化也所謂皇極者也遵義遵道遵路方會其極也蕩蕩平平正直則已歸于極矣其曰皇極之數言是藝是訓于帝其訓云者則以言夫人居以身立極而布命于下則其所以為常為教者皆天之理而不異乎上帝之降衷也其曰凡厥庶民極之數言是訓是行以迓天子之光云者則以言夫天下之人於居所命皆能受其教而謹行之則是能不自絕遠而

有以親被其道德之光華也其曰天子作民父母以為天下王云者則以言夫人君能立至極之標準所以能作億兆之父母而為天下之王也不然則有其位無其德不足以首出庶物統御人羣而履天下之極尊矣是書也原于天之所以錫禹雖甚茫昧微渺有不可得而知者然箕子之所以言之而告武王者則已備矣顧其辭之宏深奧雅若有未易言者然試嘗虛心平氣而再三反覆焉則亦坦然明白而無一字之可疑但先儒未嘗深求其意而不察乎人君所以修身立道之本是以誤訓皇極為大中又見其辭多為含洪寬大之言因復誤認中為含糊苟且不分善惡之意殊不知極居中而不可直謂之中中之得名又以其無過不及至精至當而無有毫釐之差亦非如其所名之義也乃以誤認之中為誤訓之極不謹乎至嚴至密之體而務為至寬至廣之量其弊將使人君不知修身以立政而墮于漢元帝之優游唐代宗之姑息卒于是非顛倒賢否貿亂

而禍敗隨之尚何歛福錫民之可望哉嗚呼孔氏則誠
誤矣然迹其本心亦曰姑以隨文解義為口耳佔畢之
計而已不知其禍之至此也而自漢以來迄今千有餘
年學士大夫不為不衆更歷世變不為不多幸而遺經
尚存本文可考其出于人心者又不可得而昧也乃無
一人覺其非是而以一言正之者使其患害流于萬世
是則豈獨孔氏之罪哉余

六三德一曰正直二曰剛克

于是竊有感焉作皇極辨

三曰柔克平康正直彊弗友剛克變友柔克沈潛剛克

高明柔克

克治友順變和也正直剛柔三德也正者無
邪直者無曲剛克柔克者威福予奪抑揚進

退之用也彊弗友者彊梗弗順者也變友者和柔委順
者也沈潛者沈深潛退不及中者也高明者高亢明爽
過乎中者也蓋習俗之偏氣稟之過者也故平康正直
無所事乎矯拂無為而治是也彊弗友剛克以剛克剛

也變爻柔克以柔克柔也沈潛剛克以剛克柔也高明柔克以柔克剛也正直之用一而剛柔之用四也聖人撫世酬物因時制宜三德又用陽以舒之陰以斂之執其兩端用其中于民所以納天下民俗于皇極者蓋如此

輯錄

沈潛剛克高明柔克克治也言人資質沈潛者當以剛治之資質高明者當以柔治之此說為

勝纂註

張氏景曰三德馭臣之道見下文唐氏曰以剛行權則威福不下移陳氏經曰皇極以體

常三德以盡變林氏曰三德者聖人所以臨機制變為皇極之用而權其輕重也正直剛克柔克此三德之目自平康正直而下則釋三德之用以盡其義也不剛不柔為正直蓋中德也剛克謂剛勝柔柔克謂柔勝剛三德如是當人用之得其宜平安無事之世則用正直以治之彊禦弗順之世則用剛克以治之和順之世則用柔克以治之一于剛則失之亢一于柔則失之懦患剛克之至於亢於是從而沈潛之蓋抑其過而歸于中

患柔克之至于懦于是從而高明之蓋引其不及而歸于中其論聖人宰制天下之權可謂盡矣新安陳氏曰蔡傳云習俗之偏以彊變言氣稟之過以沈潛高明言三德一經而四權正直之用一剛柔之用四也四權之中其二政以治之惟辟作福惟辟作威惟辟玉食臣其二教之自治也

無有作福作威玉食

威福者上之所以所以御下玉食者下之所以奉上也曰惟辟者戒其權

不可下移曰無有者戒其臣不可上僭也

纂註

林氏曰此三者人主之權勢所操以用夫三德者也此三

者苟人居能自操持則威福在己名分謹嚴故能操縱予奪以用乎三德其或假于臣下則權勢下移紀綱紊亂其何以操縱三德而為皇極之用哉吳氏臣之有曰玉食非帝王所急足以觀主威之不下移也

作福作威玉食其害于而家凶于而國人用側頗辟民

用僭忒

順不平也僻不公也僭踰忒過也臣而僭上之權則大夫必害于而家諸侯必凶于而國有位

者周側頗僻而不安其分小民者亦僭忒而踰越其常甚言人臣僭上之患如此

纂註

新安陳氏曰此

所謂臣大臣也大臣僭天子則次而邦君次而大夫次而小臣次而無民皆倣而陵僭無一安其分者夫皇極立本者也三德趣時者也皇極建則三德適時措之宜而權出于上皇極不建則三德失時措之宜而柄移于下

笑七稽疑擇建立卜筮人乃命卜筮

稽考也有所疑則卜筮以考之龜曰

卜著曰筮著龜者至公無私故能紹天之明卜筮者亦必至公無私而後能傳著龜之意必擇是人而建立之然後使之輯錄龜歲久則靈著生百年一本百草亦物卜筮也

輯錄

之神靈者卜筮實問鬼神以著龜神靈之物故假之以驗其卦兆卜法以明火熬柴灼龜為兆

筮法以四十九著分卦揲扚凡十有八變而成卦東齋

集纂註

孔氏曰考正疑事當選擇知卜筮人而建立之使為卜筮之事

西山蔡氏曰皇極之君以人

謀未免乎有心有心未免乎有私此所以洗心齋戒以聽天命而無所容其心也擇建立卜筮人者非其人則不可非其職則不專必得其人而立之然後乃可命之卜筮定天下之吉凶成天下之亹亹非細事也

雨曰霽曰蒙曰驛曰克

此卜兆也雨者如雨其兆為水霽者開霽其兆為火蒙者蒙昧

其兆為木驛者絡驛不屬其兆為金克者交錯有相勝之意其兆為土

輯錄

易占不用龜而每言著龜

皆具此理也筮短龜長者謂龜惟鑽灼之易而筮有劫揲之煩龜之兆一灼便成亦有自然之易洪範卜五即

龜用二即著雨霽蒙驛克即是五行雨即水霽即火蒙即土驛即木克即金也

三異

曰貞曰悔

此占卦也內卦為貞外卦為悔左傳盍之貞風其悔小是也又有以遇卦為貞

之卦為悔國語貞輯錄問貞悔不止一說如六十四卦也悔豫皆八是也則每卦內三畫為貞外三畫為

悔如揲著成卦則正卦為貞之卦為悔如八卦之變則純卦一為貞變卦七為悔曰是如胡叔器問內卦

為貞外卦為悔先生曰貞悔出洪範貞是正底便是體悔是過底動則有悔又問一貞八悔先生曰如乾大

有大壯小畜需大畜泰內體皆乾是一貞外體八卦是八悔餘做此貞訓正事方正如此悔吝皆是事過後

方有內卦之占是事正如此外卦凡七卜五占用二衍之占是已如此二字有終始之意

忒凡七雨霽蒙驛克貞悔也卜五雨霽蒙驛克也占二貞悔也衍推忒過也所以推人事之過差也輯

錄衍推忒變也上七者卜筮之大凡而其變則無窮皆當推行以極其變卜之變在經兆之體百有二十其

頌千有二百體色墨拆方功義弓之類筮之變如老陽變為少陰老陰變為少陽一卦變為六十四卦六十四

卦可變為四千九十六卦之類引而伸之觸類而長之其變無有終窮東齋集傳衍疑是過多刺底意思或足

差錯纂註王氏曰推衍其義以極其變也如觀之否則了憫纂註占九四之變大有之睽則占九三之變高

氏曰有心未若無心之為公有情未若無情之為信故盤庚遷都成王東征皆以卜筮為主立時人

作卜筮三人占則從二人之言凡卜筮必立三人以相參考舊說卜有玉兆瓦

兆原兆筮有連山歸藏周易者纂註唐孔氏曰三人從非是謂之三人非三卜筮也二人善鈞從衆也

卜筮各有三人如金縢乃卜三龜儀禮士喪卜筮占者三人周禮太卜掌三兆之法杜註玉兆顓帝之兆瓦

兆堯之兆原兆周之兆西山蔡氏曰恐非是禹敘洛書之時未有原兆與周易也微菴程氏曰皇極雖建

不敢自是國有大事參諸人謀鬼謀以決其疑人謀本陰陽五行之理鬼謀則以陰陽五行之象數參之一從

一逆可以驗其得失矣然稽疑以卜筮為重而龜為尤重也

汝則有大疑謀及乃心

謀及卿士謀及庶人謀及卜筮輯錄

卜筮處末者占法先斷人志後命于

著龜之靈不至越于人也周禮筮人國之大事先筮而後卜

汝則從龜從筮從卿士

從庶民從是之謂大同身其康彊子孫其逢吉輯錄

心者

人之神明其虛靈知覺無異于鬼神雖龜筮之靈不至踰于人故自此以下必以人謀為首然鬼神無心而人有欲人之謀慮未必盡能無適莫之私故自此以下皆以龜筮為主
人雖不盡從不害其為吉若龜筮而逆則凶咎必矣此條無問尊卑其謀皆配于龜筮故為大同之吉
汝則從龜從筮從卿士

逆庶民逆吉輯錄

此條惟君謀配於龜筮亦吉

卿士從龜從筮從汝

則逆庶民逆吉輯錄

此條惟卿士謀配于龜筮亦吉

庶民從龜從筮從

汝則逆卿士逆吉輯錄

此條惟民謀配於龜筮亦吉

汝則從龜從筮

逆卿士逆庶民逆作內吉作外凶輯錄

此條龜筮一從一違本不可以

舉事但筮短龜長又尊者之謀配合故內事則可外事則凶

龜筮共違于人用靜吉

用作凶

稽疑以龜筮為重人與龜筮皆從是之謂大同固吉也人一從而龜筮不違者亦吉龜從筮逆

則可作內不可作外內謂祭祀等事外謂征伐等事龜筮共違則可靜不可作靜謂守常作謂動作也然有龜從筮逆而無筮從龜逆者龜尤聖人所重也故禮記大事卜小事筮傳謂筮短龜長是也自夫子贊易極著蓍卦之德著重而輯錄此條龜筮皆逆人謀縱有從者龜書不傳云輯錄此條龜筮皆逆人謀縱有從者

註

王氏曰周官有大事衆庶得至外朝與羣臣以序進而天子親問焉張氏曰決疑主於著龜故進於卿

士庶民之工龜筮既從而卿士庶民逆亦吉者以我心與鬼神合也我與庶民雖逆而亦吉者以卿士與龜筮同也我與卿士逆而亦吉者以庶民與龜筮同也高氏曰舜之禪禹朕志先定詢謀僉同龜筮協從此大同也故歷數在躬啓能敬承成王宅洛周召營相四方和會卜惟洛食此大同也故卜世卜年卒過其歷呂氏曰五者之中三從二逆從之理多吉之所在也然三從之中必龜筮之從乃可蓋龜筮無心既已皆從卿士庶民或別有私心未可知也如盤庚遷都心已無疑卜稽如台獨臣民懷居而不欲遷何妨於吉哉汝與民逆而吉者如周公東征成王既不知周公民又不靖反曰艱大惟在朝大臣與二公及卜筮從故亦吉也聖人假至公無私之物以寓吾之誠惟龜筮皆從庶足驗吾無一毫之未盡苟龜從而筮不從必尚有未盡者故內事猶

可外事則否苟汝與臣民皆從而龜筮皆違則是於理
必有未盡人已雖從終未免於人為靜而不為則吉動
為則凶矣此義至精微雖天下舉以為然不知又自有
不然者林氏曰卜筮天所示也人事盡而後可以求
之天故必皇極建三德又至于有疑然後盡人謀而斷
之卜筮苟人事不盡而惟卜筮是拘雖吉何補故龜筮
稽疑必在皇極三德之後不可驟語也吳氏曰天下
之事卿士庶民皆不可而猶有吉者蓋自古未有也
使箕子之說行後世人君將有棄卿士忽庶民而惟龜
之從邪說異議得以乘間而入天下自此多事矣此蓋
商俗尚鬼習聞其說遂信不移雖箕子之賢不能拔于
流俗也愚謂舜命禹曰朕志先定詢謀僉同鬼神其
依龜筮協從蓋所謂官占惟先蔽志昆命于元龜若此
言謀及乃心卿士庶民然後及卜筮亦初不以卜筮為
先也事之可否固已默成于胷中而人謀又協矣猶有
待于鬼神不敢率意而行故卜之此見聖人謹重之至

亦所以示于民使之信從其事而不懼與惑也若人謀未從惟龜是聽誠有如吳氏所慮矣然天下之事有我所欲為而人不悅有人所欲為而已不從亦有已與人皆疑其不可而天地鬼神自以為可者是皆當於卜筮決之蓋人則有欲而卜筮無私筮獨出於人而龜純乎天矣此稽疑一疇尤以龜為重非茫無底止而一聽于也卜八庶徵曰雨曰暘曰燠曰寒曰風曰時五者來備各

以其敎庶草蕃庶

庶徵也庶豐茂所驗者非一故謂之庶徵雨暘燠寒風各以時至故曰時

也備者無闕少也敎者應節候也五者備而不失其序庶草且蕃庶矣則其他可知也雨屬水暘屬火燠屬木寒屬金風屬土吳仁傑曰易以坎為水北方之卦也又曰雨以潤之則雨為水矣離為火南方之卦也又曰日暘之則暘為火矣小明之詩首章云我征徂西二月

初吉三章云昔我往矣日月方燠夫以二月為燠則燠

之為春為木明矣漢志引狐突金寒之言顏師古謂金
行在西故謂之寒則寒之為秋為金明矣又案稽疑以
雨屬水以霽屬火霽暘也則庶徵雨之為水暘之為火
類例抑又甚明蓋五行乃生數自然之敘五事則本於
五行庶徵則本于五事其條理次第輯錄自五行而下
相為貫通有秩然而不可紊亂者也輯錄得其道則有
衆休之徵失其道則有衆咎之徵得失在於身休咎應
于天匹夫尚然況人主乎六者庶徵之目五者備
敘則庶草滋蕃豐廩即下文之休徵也有無相反常雨
則無暘常燠則無寒則草木不茂百穀不成即下文之
咎徵也竝東齋集傳問八庶徵曰時林氏取蔡氏說謂
是歲月日之時自五者來備而下所以申言雨暘燠寒
風之義自王省惟歲而下所以申言日時之義某竊謂
此時字當如孔氏五者各以其時之說為長林氏徒見
時字與雨暘燠寒風五者並列而為六則遂以此時字
為贅不知古人之言如此類者多矣且仁義禮智是為

四端加一信字則為五常非仁義禮智之外別有所謂
信也故某以為時之在庶微猶信之在五常不知是否
先生曰林氏之說只與古說無異但謂有以歲而論其
時與不時者有以月而論其時與不時者有以日而論
其時與不時者可更推之永舊說謂五者以時至但下
文休徵為時咎徵為恒不應獨舉休徵且方自庶徵何
得遽言時邪東齋集傳問吳斗南說如何曰舊謂雨屬
木暘屬金燠屬火寒屬水與五行相配皆錯亂了雨只
屬水自分曉怎生屬得木問寒如何屬金曰他引左傳
金寒之證甚佳又曰貌言視聽思皆只以次第相屬
纂註孔氏曰雨以潤物暘以乾物燠以長物寒以成物
風以動物五者各以其時所以為衆驗林氏曰
雨與暘對燠與寒對風行于四者之間陳氏大猷曰
陰陽之氣交則蒸而成雨氣散則開而成暘陰退陽進
則成燠陽退陰進則成寒陰陽吹扇則成風雨暘風則
游氣之聚散飛揚者為之燠寒則二氣之循環往來者

為之備為皆有而不闕敘謂應期而不亂陳氏曰燠
熱涼寒四時之氣也雨暘佐四時之氣以生育者也止
言燠寒者燠者熱之始寒者涼之極也唐孔氏曰鄭
云雨水氣也春始施生故木氣為雨暘金氣也秋物成
而堅故金氣為暘燠火氣也寒水氣也風土氣也凡氣
非風不行猶金木水火非土不處故土氣為風下言百
穀用成此言庶草蕃廡草茂盛則穀必成矣舉輕以明
重也西山蔡氏曰貌木其徵為雨言金其徵為暘視
火其徵為燠聽水其徵為寒思土其徵為風曰時者五
者與歲月日各以時應也徽菴程氏曰庶徵之目六
有氣與候之分雨暘燠寒風五行之氣也時五行之候
也五者來備以下言庶徵之氣時謂歲月日時之時王
省惟歲以下言庶徵之候氣以驗皇極之得失候則并
驗乎卿士師尹庶民之得失也一得一失有則俱有氣
候之以類應者亦如之不必如漢五行之支離也新
安陳氏曰時有二說孔說指為時雨時暘之時但該後

一半不着程氏本王林之說以氣候二字分之其論遂闊大該貫然孔說亦當存之雨暘燠寒吳氏引證其屬水火木金甚當風之屬土獨闕其證當如莊子風生於土囊之口及大塊噫氣其名爲風證之風爲土氣豈不章章明矣乎 葵初王氏曰紫吳斗南以雨暘燠寒風屬水火木金土序與五行五事相符引諸證甚明但風土無所證今以孔氏陳氏之說一極備凶一極無凶補之極合造化雨水氣猶未當一極備凶一極無凶過多也極無過少也唐孔氏曰雨多則潞一極備雨少則旱是極備亦凶極無亦凶餘準是輯錄一極備無凶多些子不得泳 曰休徵曰肅時雨若曰入時暘若曰無些子不得泳

哲時燠若曰謀時寒若曰聖時風若曰咎徵曰狂恒雨若曰僭恒暘若曰豫恒燠若曰急恒寒若曰蒙恒風若

狂妄僭差豫急迫蒙昧也在天為五行在人為五事
五事修則休徵各以類應之五事失則咎徵各以類應
之自然之理也然必曰某事得則某休徵應某事失則
某咎徵應則亦膠固不通而不足與語造化之妙矣天
人之際未易言也失得之機應
感之徵非知道者孰能識之哉輯錄
今人讀書麤心大
意思如說八庶徵這若不細心體識如何會見得肅時
雨若肅是恭肅便自有滋潤底意思所以便說時雨順
應之又時暘若人是整治便自有開明底意思所以便
說時暘順應之哲時燠若哲是昭融便自有和煖底意
思所以便說時燠順應之謀時寒若謀是藏密便自有
寒結底意思所以便說時寒順應之聖時風若聖是通
明便自有爽快底意思所以便說時風順應之符舜功
云謀自有顯然著見之謀聖是不可知之妙不知于寒
于風果相關否曰凡看文字且就地頭看不可將大底
便來壓了箕子所指謀字只是且說密謀意思聖只是

說通明意思如何將大底來壓了便休如說喫棗固是有大如瓜者且就眼下說只是常常底棗如煎藥合用棗子幾箇自家湏要說棗如瓜大如何用得許多人若心下不細如何讀古人書洪範庶徵固不是必定如漢儒之說必以為是事多雨之徵必推說道是某時做某事不肅所以致此為此必然之說所以教人難盡信但古人意思精密只于五事上體察是有此理如王荆公又却要一齊都不消說感應只把若字做如似字義說了做譬喻說了這也不得荆公固是也說道此事不足驗然而人主自當謹戒如漢儒必然之說固不可荆公全不相關之說亦不可古人意思精密恐後世見未到耳賀孫人主之行事與天地相為流通故行有善惡則氣各以類而應然感應之理非謂行此一事即有此一應統而言之德修則凡德必修一氣和則凡氣必和固不必曰肅自致雨無與于陽又自致暘無與于雨但德修而氣必和矣分而言之則德各有方氣各有象

肅者雨之類又者暘之類求其所以然之故固各有所
當也咎微亦然東齋集傳問休徵咎微諸家多以義推
說時舉竊以為此猶易中取象相似但可以髣髴看而
不可以親切求也休徵雖有五者大抵不出陰陽
二端雨寒陰也暘燠風陽也肅謀深而屬靜陰類也故
時雨時寒應之又哲聖發見而屬動陽類也故時暘時
燠時風應之狂反於肅急失於謀故恒雨恒燠恒風應之
則不入豫則不哲蒙則不聖故恒暘恒燠恒風應之未
知如此看得否否曰大槩如此然舊以雨屬水暘屬火
燠屬火寒屬水而或者又以雨屬水暘屬火燠屬木寒
屬金其說孰是纂註林氏曰五者中節五福之證不中
可試思之周憫節為六極之證來備以敘非其自
爾是君休嘉之徵也極備極無亦非自爾是君咎過之
徵也休咎在此而徵驗在彼肅又哲謀聖者休之本五
者之時休之徵也狂僭豫急蒙者咎之本五者之恒咎
之徵也氣一失其和則必自省曰是吾之咎歟故思去

其咎而反其休五者之咎聖人雖無之其微則不可不自省也 陳氏大猷曰肅之反為狂狂則蕩故常雨若又之反為僭政不治則僭差也僭則亢故常暘若哲之反則猶豫不明故為豫豫則解緩故常燠若謀之反則不深密而急躁急則縮栗故常寒若聖之反則蔽塞不通而為蒙蒙則冥其心思無所不入以濟四者之惡故帝風若又曰天地之間有必然之理有或然之數周末無寒歲秦亡無燠年理之常也堯有九年之水湯有七年之旱數之變也理者聖賢之所守數非聖賢之所泥然堯湯雖不能無水旱之變而卒能銷水旱之災蓋或然之數終不能勝必然之理聖人所以能回天地之造化也 李氏杞曰休咎之分皆起于君一念之微 西山蔡氏曰君即五者之應以察吾五事之得失一事得則五事從休徵無不應矣一事失則五事違咎徵無不應矣絲堙洪水水失其性爾而五行為之汨陳以是理也漢儒不得其意而事為之說驗之于古則鑿而不經

推之將來則膠而不應又以福極強配五行而以弱配
皇之不極非鑿歟復齋董氏曰將以防其君之失適
以啓其君之惑伏生五行傳云貌之不恭是謂不肅
厥罰恒雨惟金沴木言之不從是謂不入厥罰恒暘惟
木沴金視之不明是謂不哲厥罰恒燠惟水沴火聽之
不聰是謂不謀厥罰恒寒惟火沴水思之不睿是謂不
聖厥罰恒風惟木金水火沴土曰王省惟歲卿士惟月師尹惟日
尊卑為微也王者之失得其微以歲卿士之失得其微
以月師尹之失得其微以日蓋雨暘燠寒風五者之休
咎有繫一歲之利害有繫一月之利害輯錄王省惟歲
有繫一日之利害各以其大小言也言王所當
省者一歲之事卿士所當省者一月之事以下皆然纂
問王省惟歲三句曰此但言職任之大小如此
註林氏曰自五者來備以下申言曰雨至曰風之義自
王省惟歲以下申言曰時之義或以曰王省惟歲以

後為五紀一疇之傳錯簡在此非也九疇雖別為九實更相經緯故庶徵有五事而皇極有五福新安陳氏曰此曰字蓋更端而言庶徵之候卿士師尹不言省蒙上文也歲月日時無易百穀用

成又用明俊民用章家用平康

歲月日三者雨暘燠寒風不失其時則其效如

此休徵所感也

日月歲時既易百穀用不成又用昏不明俊民

用微家用不寧

日月歲三者雨暘燠寒風既失其時則其害如此咎徵所致也休徵言歲月日

者總于大也咎徵言日月歲者著其小也

輯錄

此覆說時之微歲統月月統日職尊者所理大而要職小

者所理小而詳取象於歲月日也君東君道臣行臣職

咎徵東齊集傳

庶民惟星星有好風星有好雨日月之行則有

冬有夏月之從星則以風雨

民之麗乎土猶星之麗乎天也好風者箕星好雨者

畢星漢志言軫星亦好雨意者星宿皆有所好也日有中道月有九行中道者黃道也北至東井去極近南至牽牛去極遠東至角西至婁去極中是也九行者黑道二出黃道北赤道二出黃道南白道二出黃道西青道二出黃道東并黃道為九行也日極南至于牽牛則為冬至極北至于東井則為夏至南北中東至角西至婁則為春秋分月立春春分從青道立秋秋分從白道立冬冬至從黑道立夏夏至從赤道所謂日月之行則有冬有夏也月行東北入于箕則多風月行西南入于畢則多雨所謂月之從星則以風雨也民不言省者庶人之休咎繫乎上人之得失故但以月之從星以見所以從民之欲者如何爾夫民生之衆寒者欲衣飢者欲食鰥寡孤獨者之欲得其所此王政之所先而卿士師尹近民者之責也然星雖有好風好雨之異而日月之行

則有冬有夏之常以月之常行而從星之異好以卿士
師尹之常職而從民之異欲則其從民者非所以徇民
矣言日月而不言歲者有冬有夏所以成歲輯錄問庶
功也言月而不言日者從星惟月為可見耳
星一句解不通并下文星有好風星有好雨意亦不貫
曰家用不寧以上自結上文了下文却又說起星之意
似是兩段個庶民衆多衆星之象也當在師尹惟日之
下但其取證不同故各發此義以互相見二十八宿
環繞日月行道之側故月行必經歷之經于箕則多風
歷于畢則多雨蓋二星各有所好月經行其處順時當
候則陰陽和而風雨時應言無差忒也
但氣類相感月亦非有順從但行度所次耳
從乃假說以諭人事民之情性莫不有所好
順其所好所欲與聚所惡勿施則和氣致祥猶如風雨
之應上言職分明則至治成此言人心順則和氣應皆
庶徵之事也並東齋集傳問箕星好風畢星好雨曰箕

是簸箕以其簸揚而鼓風故月宿之則風古語云月宿箕風揚沙畢是又網流魚底又子亦謂之畢流魚則其汁水淋漓而下若雨然畢星名義蓋取此今畢星上有一柄下開兩叉形象亦類畢故月宿之則雨漢書謂月行東北入軫若東南入箕則風者蓋箕是東

纂註

西山蔡氏

曰王卿士師尹其得失驗之于歲月日若庶民之得失則在君所謂百姓有過在于一人故此以庶民省之于星以驗其安與不安而已漢志言日行陽道多風旱行陰道多雨水日象人君之行不可指而知以正行言之冬則南夏則北然君行急則日行疾君行緩則日行遲疾則過乎中道遲則不及乎中道日之所行月之所隨也日失中道則月亦變行故去中道移而東北入于箕多風為旱移而西入于畢則多雨為水所謂月之從星則以風雨也蓋民之安否省之于星星之風雨本之于日月月之九道本之于日故庶民惟星星繼之以日月之

行則有冬有夏月之從星則以風雨也雨暘寒燠風既
微于貌言視聽思又以所職大小別之於歲月日又以
民之安否參之于星于以見皇極之君視履考祥如比
之周旋而不敢忽也新安陳氏曰紫前漢五行志元
光中天星盡搖上以問候星者對曰星搖者民勞也又
云五星同色天下匡兵百姓安寧歌舞以行以此觀之
則以庶民省之于星以驗其安否之說信矣息齋余
氏曰庶徵者合五事五紀以參驗者也於此不言歷數
者歷數所以推天運之常庶徵所以參人事之感其進
退飛伏有出於歷數所推之外者矣唐一行日食議中
有歷與占之說甚精沈存中曰歷法天有黃赤二道
日月有九道此皆強名而已非實有也亦猶天之有三
百六十五度天何嘗有度以日行三百六十五日而一
晷強謂之度以步日月五星行次而已日之所由謂之
黃道南北極之中度最均處謂之赤道月行黃道之南
謂之朱道行黃道之北謂之黑道黃道之東謂之青道

黃道之西謂之白道黃道內外各四并黃道為九日月之行有遲有速難可以一術御也故因其合散分為數段每段以一色名之欲以別筭位而已如筭法用赤籌黑籌以別正負之數歷家不知其意遂以為實有九道甚可嗤也九五福一曰壽二曰富三曰康寧四曰攸好德五

曰考終命

人有壽而後能享諸福故壽先之富者有康祿也康寧者無患難也攸好德者樂其道也

考終命者順受其正也以福之急緩為先後也

輯錄

休咎徵于天則禍福加于

蓋人主不以身為福極而以天下為福極民皆仁壽堯舜之福也民皆鄙天桀紂之極也五福以人所尤好者為先東

纂註

孔氏曰壽百二十年唐孔氏曰世有長壽云百二十年故傳言之未必有正

文林氏曰唐李泌云天命他人皆可言惟君相不可言君相造命者也民命雖稟于天君實制之自五行至

庶幾各得其敘則民歸于五福矣五福雖天所畀實自
造命者鵠而致之也自五行至庶幾失其敘則民陷于
六極矣欲民不陷于極亦造命者威而避之也使民享
五福而不知六極此治道之極功也故凡疇以是終焉
陳氏大猷曰人莫不好生惡死壽則生之長者四代
皆尚齒故五福壽為先雖壽不可無以養其生故富次
之壽且富或不免于憂患則身心不安故康寧又次之
形康心寧安之至也壽富康寧而不好德則老而不死
為富不仁作偽心勞何足貴哉攸好德則心逸日休自
求多福福之本實在此其為福大矣故好德又次之考
成也諸福備矣必成其正命則全而歸之順受其正然
後為福之至使年雖壽而死非正命雖壽何補非福矣
攸考終命終焉此之五福即皇極疇之五福五福以攸
好德為根本五福之目雖至第九疇而列而五福之根
本則已于第五疇而基曰予攸好德汝則錫之福是也
好德則必得其壽為世考老無德而壽周之生也好德

則得祿而富無德而富怨之府也好德則心廣體胖無
人不自得無德則小人長戚戚非安也至于考終命又
未有不有德而能戰兢以全歸者諸福固必本于好德
而好德又豈非本于建皇極哉王氏炎曰年未六十
死以正命雖考終不得謂之壽年過六十而死非正命
雖壽不得謂之考終故壽與考終命各一福也王氏
曰富貴人所欲貧賤人所惡而福極不言貴賤何也曰
五福者自天子至庶人皆可使慕而嚮六極亦皆可使
畏而遠若貴賤則有常分矣使自公侯至庶人皆慕貴
欲其至而不欲賤之在已則陵犯爭奪何有終窮詩曰
寔命不猶蓋王者之世欲賤者之安其賤如此顧氏
臨曰不言貴雖以嚴分然貴者未必為福賤者未必為
極故桀紂貴為天子而不得其死顏回原憲到今稱之
徽菴程氏曰富壽康寧考終命全五行之氣攸好德
者全五行之理六極一曰凶短折二曰疾三曰憂四曰貧五曰

惡六曰弱

山者不得其死也短折者橫天也禍莫大于

寧也貧者用不足也惡者剛之過也弱者柔之過也以
極之重輕為先後五福六極在居則繫於極之建不建
在民人則由於訓之行
輯錄六極以人所尤惡者為先
不行感應之理微矣
東齊集傳五福六極曾子

固說得好
三衛夏唐老作九疇圖因執以問讀未竟
至所謂皆天也非人之所能為也遂指前圖子云此乃
人為妄得而皆天也洪範文字最難作向來亦將天道
人事分配為之後來覺未盡遂已之直是難以私意安
排若只管外邊出意推將去何所不可只是理不如此
蘇氏以皇極之建為雨暘寒燠風之時皇極不建則反
此漢儒之說尤疎如以百般皇極配庶徵却外邊添出
一箇皇極或此邊減却一箇庶徵自增自損皆出已意
然此一篇文字極是不齊整不可曉解如五福對六極
一曰壽正對凶短折二曰富正對貧三曰康寧對疾與

弱皆其類也。攸好德，却對惡。參差不齊，不容布置。如曰：
斂時五福，錫厥庶民。不知如何斂？又復如何錫？此只是
順五行，不違五事，自己立標準，以示天下使天下之人
得以觀感而復其善爾。云云。今即以皇極為大中者，更
不賞善，亦不罰惡。好善惡惡之理，都無分別。豈理也哉？
說夏唐老九疇圖五福六極，也是配得。但是略有不齊。
問：皇極五福，即是此五福否？曰：便是。這五福如欽時
五福，川數錫厥庶民，斂底即是。盡得這五事，以此錫庶
民，便是使民也。盡得這五事，便是使民也。盡得這五
事，盡得五事，便有五福。箇纂註：王氏炎曰：比干死，刑仇
乎楚執晉解揚，揚曰：下臣獲考死，又何求死？而合義，雖
不斃，腐下非凶也。惡者小人之剛，自暴者也。弱者小人
之柔，自棄者也。呂氏曰：弱何以與六極？蓋弱人之大
患，人所以不自強于善，或牽引入于惡，而不能自拔，皆
弱故也。故特以居六極之終。息齋余氏曰：六極大率
五福之反，好德無反者，求在我者也。愚謂自初一曰：

五行至威用六極禹之本文九疇之經也自一五行至篇終箕子之敘論九疇之傳也先經以明其綱後傳以詳其目洪範可得而讀矣蓋天地之所以為造化者陰陽五行而已聖人不能違也天地以其氣生育民物而理行乎其中聖人以其理修己治人而氣參乎其上下抵一二三四皆經常之疇法天以治乎人者也六七八九皆權變之疇即人以驗諸天者也而五皇極一疇則守常制變之主與天為徒為民之則者也伏羲本河圖而畫八卦八卦一陰陽也神禹本洛書而啟九疇九疇一五行也然易不言五行範不言陰陽蓋陰陽一五行也五行一太極也河圖洛書相為經緯八卦九章相為表裏一而二二而一者也洪範法之大不出九疇外則彝倫道之常即在九疇中矣舍是何以敘彝倫哉

旅葵

西旅貢葵召公以為非所當受作書以戒武王亦訓體也因以旅葵名篇今文無古

文輯錄

先生曰近諸孫將旅焚來讀是時武王已八十餘歲矣太保此書諄諄告之如

教小兒相似若自後世言之為非所宜言不尊君矣

惟克商遂通道于九夷八蠻西旅底貢厥焚太保乃作

旅焚用訓于王

九夷八蠻多之稱也職方言四夷八蠻爾雅言九夷八蠻但言其非一而已武

王克商之後威德廣被九州之外蠻夷戎狄莫不梯山航海而至曰通道云者蓋蠻夷來王則道路自通非武王有意于開四夷而斥大境土也西旅西方蠻夷國名犬高四尺曰焚索說文曰犬知人心可使者公羊傳曰胥靈公欲殺趙盾盾踏階而走靈公呼焚而屬之焚亦踏階而從之則焚能曉解人意猛而善搏人者異于常大非特以其高大也太保召公奭也史纂註呂氏曰創記云與周同姓姬氏此旅焚之本序業之各有

一毫之失則後世之君有邱山之害此正謹始之時台
公不得不戒以此為防後世猶有求白狼白鹿者 公
羊傳釋音踣丑畧反 猶起遽不暇以次 曰嗚呼明王慎德四夷咸賓無有

遠邇畢獻方物惟服食器用

謹德蓋一篇之綱領也方物方土所生之物明王謹

德四夷咸賓其所貢獻惟服食器用而已言無異物也

纂註

新安陳氏曰一篇皆自明王謹德一句推

廣之曰昭德之致曰惟德其物曰德盛不狎侮曰玩人喪德曰終累大德德之一辭諄諄焉惟慎德所以自能致貢物惟所貢無異物所以見其慎德若奇玩之物非所當獻亦非所當受一受之則荒怠之心生而慎德之意失矣 林氏曰類達以器用為一或謂羽毛齒革之類器也牛馬大龜之類用也先王于四夷不責彼之難得不求我王乃昭德之致于異姓之邦無替厥服分寶之所無用

德之致分同姓以寶玉亦德所致也 呂氏曰聖人公
天下為心天下之物與天下共之非如秦皇以千七百
國獨奉一身而已然一視同仁之中文理密察未嘗無
等差自親及疎待同姓必厚于待異姓非如墨子之兼
愛也 蘇氏曰展親展布親親之意 新安陳氏曰必
服食器用之常物始足以見君德之所致若異物適足
以昭君之不德物皆君德之所致則此物非徒物
也即君之德也易字從傳為明展親從蘇為優 德盛

不狎侮狎侮君子罔以盡人心狎侮小人罔以盡其力

德盛則動容周旋皆中禮然後能無狎侮之心言謹德
不可不極其至也德而未至則未免有狎侮之心狎侮
君子則色斯舉矣彼必高蹈遠引望望然而去安能盡
其心狎侮小人雖其微賤畏威易役然至愚而神亦安
能盡其 纂註 陳氏大猷曰德愈盛者禮愈恭德盛則心
力哉 無限量自不狎侮人狎侮之形由德薄心

隘而驕矜乘之也此因言慎德而推廣言之也孫氏曰君子者天下之所歸心也待之不以禮則君子去矣

何以盡人之心小入以力輔我者也使之以不以禮則小人怠矣何以盡彼之力不役耳目百度

惟貞

貞正也不役于耳目之所

纂註

王氏炎曰心官為主而耳目從其令

則非禮勿聽視百度正矣耳目為主而心為所役則物交物而為所引百度何由而正陳氏大猷曰受焚是

役于耳目之玩也

玩人喪德玩物喪志

玩人之事玩物即上文狎侮君子

耳目之事德者已之纂註

王氏十朋曰玩人則以驕而所得志者心之所之滅敬故喪德玩物則以憊而

勝剛故喪志呂氏曰玩人玩物反覆論狎侮之弊陳氏大猷曰受焚則玩人玩物也林氏曰恃焚之所

指如意而有玩忽人之心則人必以為薄德矣故喪德以焚如人意而受之則玩弄于物溺志于此而不自覺

豈不喪志新安陳氏曰喪志則亦必志以道寧言以

道接

道者所當由之理也已之志以道而寧則不至于妄發人之言以道而接則不至于妄受存乎中者

所以應乎外制乎外者所以養

輯錄

錄問志以道寧言以道接接字如何

先生曰接者酬應之謂言當以道纂註陳氏大猷曰受

酬應也人曰志我之志言人之言纂註陳氏大猷曰受

而非以道寧矣林氏曰焚之獻必甘言以求納亦必有言其可納者太保言不當受乃苦言逆耳以道揆之

則知所從違矣呂氏曰既說玩好之害人說存養工夫志以道寧孟子所謂持其志言以道接孟子所謂我

知言內外交養如此自不作無益害有益功乃成不貴

異物賤用物民乃足犬馬非其土性不畜珍禽奇獸不

育于國不寶遠物則遠人格所寶惟賢則邇人安

孔氏曰游

觀為無益奇巧為異物蘇氏曰周穆王得白狼白鹿而荒服因以不至此章凡三節至所寶惟賢則益切至矣

纂註

陳氏曰志言如此則本正矣豈復有作無益貴異物之事不貴異物賤用物則珍玩不貴所貴皆服

食器用之物矣遠格則邇者可知邇安則遠鳴呼夙夜者可知人曰寶賢則天下安然其安自近始

罔或不勤不矜細行終累大德為山九仞功虧一簣

或猶

言萬一也呂氏曰此即謹德工夫或之一字最有意味一暫止息則非謹德矣矜矜持之矜八尺曰仞細行一

簣指受焚而言也

輯錄

問不矜細行與矜而不爭之矜如

纂註

王氏十朋曰此書始終皆曰嗚呼始欲其慎終欲其勤也陳氏大猷曰細行猶言小節即畢命所謂小物易

所謂庸行受獎雖若小節所損甚大
嘖一笑一動一作之時子細體察蓋小處易得放過功
虧一簣非止欠一簣做了便足聖人雖作之不已常若
欠一簣林氏曰世豈有為山者哉蓋假說以見意爾
孔子之言蓋本乎此夫却一焚之獻亦細行爾而世王
之兆實見于此箕子曰彼為象箸必為玉盃為玉盃必
思遠方珍異之物紂之亡原于此豈在大乎此所以言
不矜細行而欲享世王之功也陳氏經曰一簣之虧
是為山未成也人主常持未成之心
于既成之日此見純亦不已之意

居惟乃世王

信能行此則生民保其居而王業可永也
蓋人主一身實萬化之原苟于理有毫髮

之不盡即遺生民無窮之害而非創業垂統可繼之道
矣以武王之聖台公所以警戒之者如此後之人居可
不深思而纂註王氏曰休曰茲謂此一篇之言愚謂
加念之哉纂註前則告以慎德昭德後則戒以喪德累

德然其曰志以道寧言以道接雖不待竟其說而旅之
焚可以不受吾之訓不可以不從固以明矣聖人不以
細行而不謹大臣不以細過而不諫此古者所以君明
臣良而後世鮮儼也漢文帝無太保之訓而却千里馬
其賢矣哉

金滕

武王有疾周公以王室未安殷民未服根
本易搖故請命三王欲以身代武王之死
史錄其冊祝之文并敘其事之始末合為一篇
以其藏于金滕之匱編書者因以金滕名篇今
文古文皆有唐孔氏曰發荀至王季文王史
敘將告神之事也史乃冊祝至東壁與珪記告
神之辭也自乃卜至乃瘳記卜吉及王病瘳之
事也自武王既喪以下記周公流言居東及成
王迎歸輯錄金滕之作在周公東征而歸之後
之事也輯錄以其記武王時事且備東征本末

故敘之于纂註孔氏曰書藏于匱絨之以金不

此文集欲人開鄭氏曰凡藏秘書皆

既克商二年王有疾弗豫

然非始周公王氏曰休曰記年見其克商之末纂註蘇

曰弗豫猶言不憚陳氏二

二公曰我其為王穆卜

公二

太公召公也李氏曰穆者敬而有和意穆卜猶言共卜也愚謂古者國有大事卜則公卿百執事皆在誠一而和同以聽卜筮故名其卜曰穆卜下文成王因風雷之變王與大夫盡升啓金縢之書以卜者是也先儒專以穆為敬而於所謂其纂註新安陳氏曰蔡傳非孔註專勿穆卜則義不通矣以穆為敬是矣而共卜亦未然也以昭穆之穆證之有幽陰深遠之意周公曰未可以戚我先王戚憂惱

可以武王之疾而憂惱我公乃自以為功為三壇同壇
先王也蓋卻二公之下

為壇于南方北面周公立焉植璧秉珪乃告太王王季

文王

功事也蔡土曰壇除地曰壇三壇三王之位皆南
向三壇之南別為一壇北向周公所立之地也植

置也圭璧所以禮神詩言圭璧既卒周禮裸圭以祀先
王周公卻二公之下而乃自以為功者蓋二公不過卜
武王之安否耳而周公愛兄之切危國之至忠誠懇懇
于祖父之前如下文所云者有不得盡焉此其所以自
以為功也又二公穆卜則必禱於宗廟用朝廷卜筮之
禮如此則上下喧騰而人心搖動故周公不於宗廟而
特為壇壇纂註復齋董氏曰古者有事祖考當夫無廟
以自禱也纂註與不得入廟則為壇以祭禮支子不得
祭祖故周公不敢入廟而為壇也林氏曰植璧於壇
秉圭于手陳氏經曰夫子曰丘之禱久矣子之不禱

為已也周公之禱為君親也為已而禱是不知命為君親而不禱是不知義或曰金縢之禱不知命乎伊川曰周公誠心欲代其兄豈問命邪

史乃冊祝曰惟爾元孫某遘厲虐疾

若爾三王是有丕子之責于天以旦代某之身

史太史也冊祝

如今祝版之類元孫某武王也遘遇厲惡虐暴也不子元子也旦周公名也言武王遇惡暴之疾若爾三王是有元子之責于天蓋武王為天元子三王當任其保護之責于天不可令其死也如欲其死則請以旦代武王之身于天之下疑有闕文舊說謂天責取武王者非是詳下文子仁若考能事鬼神等語皆主祖父人鬼為言至于乃命帝庭無墜天之降寶命則言天命武王如此之大而三王不可墜天之寶命文意可見又案死生有命周公乃欲以身代武王之死或者疑之蓋方是時天下未安王業未固使武王死則宗社傾危生民塗炭變

故有不可勝言者周公忠誠切至欲代其死以輸危急其精神感動故卒得命于三王今世之匹夫匹婦一念誠孝猶足以感格鬼神顯有應驗而況於周公之元聖乎是固不可謂無此理也

纂註

新安陳氏曰蔡

氏謂任保護之責于天未然惟不用師說所以疑于天之下有闕文

予仁若考能多材多

藝能事鬼神乃元孫不若旦多材多藝不能事鬼神

周公

言我仁順祖考多材幹多藝能可任後使能事鬼神武王不如旦多材多藝不任後使不能事鬼神材藝但指服事後

纂註

新安陳氏曰謂已仁於父元孫不如旦

乃命于帝庭敷佑四

方用能定爾子孫于下地四方之民罔不祇畏嗚呼無

墜天之降寶命我先王亦永有依歸

言武王乃受命于上帝之庭布文德

以佑助四方用能定爾子孫于下地使四方之民無不敬畏其任大其責重未可以死故又歎息申言三王不可墜失天降之寶命庶先王之祀亦永有所賴以纂注存也寶命即帝庭之命也謂之寶者重其事也

新安陳氏曰數廣佑助四方

今我即命于元龜爾之許我我其以璧

與珪歸俟爾命爾不許我我乃屏璧與珪

爾即就也歸俟爾命俟武王

之安也屏藏也藏璧與圭言不得事神也蓋武王喪則周之基業必墜雖欲事神不可得也其稱爾稱我無異人子之在膝下以語其親者此亦終身慕父母與不死其親之意以見公之達孝也輯錄乃立壇分明是對鬼若爾三王有丕子之責于天以旦代某之身此一段先儒都解錯了只有晁以道說得好他解玉子之責如史傳中責其侍子之責蓋云上帝責三王之侍子侍子指武王也上帝責其來服事左右故周公乞代

其死云以旦代某之身予仁若考能多材多藝能事鬼神乃元孫不若旦多材多藝不能事鬼神用能定爾子孫于下地四方之民罔不祇畏言三王若有侍子之責于天則不如以我代之我多材多藝能事上帝武王不若我多材多藝不能事鬼神不如且留他在世上定你之子孫與四方之民文意如此伊川却疑周公不應自說多材多藝不是如此他只是要代武王之死爾周公以身代武王之說只緣人看錯了此乃周公誠意篤切以庶幾其萬一丕子之責于天只是以武王受事天之責任如今人說話他要箇人來服事周公便說是他不能服事天不似我多材多藝自能服事天賀孫問周公代武王死亦有此理否曰聖人為之亦須有此理賜纂註林氏曰自惟爾元孫某至我乃秉璧與珪即冊上所書祝辭全文本用武王名記載代以某字周人以諱事神諱名始于周也自太王王季言則曰元孫自文王言則曰丕子張氏曰武王若死事未可知大位

者竊之窺危病者邪之伺異時三監之叛周公之先見微矣林氏曰旦多材藝元孫之死不若旦之死元孫

能畏服四方則旦之生不若元孫之生新安陳氏曰元孫不若旦非公自誇而貶武王蓋欲代其死不得不

然言武王不救則天命墜宗社亡非過為危言理勢實然也後來王崩在定商八年後三監之變尚如此况克

商二年乎周公忠誠懇切欲代王死以輸危急蓋以武王一身宗社生民之身周公之禱非獨弟為兄臣為君

乃為先王禱為天下禱為萬世社稷生靈禱也乃卜三龜一習吉啓籥見書乃

并是吉卜筮必立三人以相參考三龜者三人所卜之龜也習重也謂三龜之兆一同開籥見卜兆之

書乃并公曰體王其罔害予小子新命于三王惟永終

是圖茲攸俟能念予一人體兆之體也言視其卜兆之吉王疾其無所害我新受三

王之命而永終是圖矣茲攸俟者即上文所謂歸俟也
一人武王也言三王能念我武王使之安也詳此言新
命于三王不言新命于天以纂註薛氏曰體與詩爾卜
見果非謂天責取武王也
同周禮占人云凡卜居占體大夫占色史占墨卜人
占折然證以詩之語則卜看兆體亦可通上下言之公

歸乃納冊于金滕之匱中王翼日乃瘳

冊祝冊也匱藏
卜書之匱金滕

以金緘之也翼日公歸之明日也瘳愈也崇金滕之匱
乃周家藏卜筮書之物每卜則以告神之辭書于冊既
卜則納冊于匱而藏之前後卜皆如此故前周公乃卜
三龜一習吉啓籥見書者啓此匱也後成王過風雷之
變欲卜啓金滕者亦啓此匱也蓋卜筮之物先王不敢
褻故金滕其匱而藏之非周公始為此匱藏此冊祝為
後來自輯錄既克商二年止王翼日乃瘳纂註林氏曰
解計也輯錄此敘周公請命之事大集請代武

王之死者周公之本心也王廖而武王既喪管叔及其公不死者天也非人之所能為也

羣弟乃流言於國曰公將不利於孺子

管叔名鮮武王弟周公兄也羣

弟蔡叔度霍叔處也流言無根之言如水之流自彼而至此也孺子成王也商人兄死弟立者多武王崩成王幼周公攝政商人固已疑之又管叔于周公為兄尤所覬覦故武庚管蔡流言于國以危懼成王而動搖周公也史氏言管叔及其羣弟而不及韜錄武王既喪以下武庚者所以深著三叔之罪也

輯錄

武王既喪以下記周公成王時

事管叔及其羣弟止不利于孺子此即大誥所謂三監及淮夷叛也意其稱兵舉事必以誅周公為辭若王救之于劉隗不協爾詩序所謂周公遭變陳后稷先公風化之所由而作七月之詩以陳王業風諭成王者蓋此時也

周公乃告二公曰我之弗辟我無以告我先王

文集

辟讀為避鄭氏詩傳言周公以管蔡流言辟居東都是也漢孔氏以為致辟于管叔之辟謂誅殺之也夫三叔流言以公將不利于成王周公豈容遽興兵以誅之邪且是時王方疑公公將請王而誅之邪將自誅之邪請之固未必從不請自誅之亦非所以為周公矣我之弗辟我無以告我先王言我不避則於義有所不盡無以告先王于地下也公豈自為輯錄周公乃告二公曰止身計哉亦盡其忠誠而已矣輯錄告我先王作大誥遂束征纂註孔氏曰辟法也告召公太公言我不以法法大義事異而心則一也張氏行成曰仁人之于兄弟舜封象于有庠所以為至仁周公以法法三叔所以為大義事異而心則一也張氏行成曰仁人之于兄弟也有怨於心則不宥周公居東二年則罪人斯得居東獲罪于天下則必誅周公居東二年則罪人斯得居東之東也鄭氏謂避居東都未知何據孔氏以居東為東征非也方流言之起成王未知罪人為誰二年之後王

始知流言之為管蔡輯錄周公居東二年則罪人斯得斯得者遲之之辭也
叔于鄆鄰降霍叔于庶人命微子啓代殷後作微子之命皆此時事文集周公東征不必言用權自是王室至親與諸侯連衡背叛當國大臣豈有坐視不救之理帥師征之乃是正義不待可與權者而後能也若馬鄭以為東行避謗乃鄙生腐儒不達時務之說可不辨而自明陳少南于經旨多踈畧不通點檢處極多不足據以為說來教所謂周公之志非為身謀也為先王謀也非為先王謀也以身任天下之重也此語極佳答徐元聘罪人斯得前書已具報矣不知看得如何此處須著箇極廣大無物我底心胃看方得若有一毫私吝自愛惜避嫌疑之心則與聖人做處天地懸隔矣萬一成王終不悟周公更待罪幾年不知如何收殺答何叔京問罪人斯得或以為管蔡或以為周公官屬如何先生曰非也管蔡既流言成王疑之未知罪人之為誰也及周公

居東二年成王因風雷之變啓金縢而悟乃知罪在管
蔡也若曰所謂罪人者今得之矣又問所謂居東二年
即東征否先生曰成王方疑周公豈得便東征乎二年
待罪也東征三年非二年也傳家錄有一段云云荅徐
元聘與後荅仲默帖同錄問金縢我之弗辟我無以告
我先王馬鄭皆音辟為避其意蓋謂管蔡流言成王既
疑周公乃避居東都二年之久以待成王之蔡及成
王遭風雷之變啓金縢之書迎公來返返乃攝政方始
東征所謂罪人斯得者成王得其流言之罪人也陳少
南吳才老從之而詆先儒誅辟之說銖竊謂周公之誅
管蔡與伊尹之放太甲皆聖人之變惟二公至誠無愧
正大明白故行之不疑未可以淺俗之心窺之也此辟
字與蔡仲之命所謂致辟之辟同妄得以辟為避且使
周公委政而去二年之久不幸成王終不悟而小人得
以乘閒而入則周家之禍可勝言哉周公是時不知何
以告我先王也觀公之告二公曰我之弗辟我無以告

我先王其言正大明白至誠惻怛則區區嫌疑有所不敢避矣惟有此心無愧而先王可告也自潔其身而為匹夫之諒周公豈為之哉先生荅曰辟字常從古註說弗辟之說只從鄭氏為是向董叔重得書亦辨此條一時信筆荅之謂當從古註說後來思之不然是時三叔方流言于國周公處兄弟骨肉之間豈應以片言半語便遽然與師以誅之聖人氣象大不如此又成王方疑周公周公固不應不請而自誅之若請之于王王亦未必見從則當時事勢亦未必然雖曰聖人之心公平正大區區嫌疑似不必避但舜避堯之子于南河之南禹避舜之子于陽城自是合如此若居堯之宮逼堯之子即為篡矣或又謂成王疑周公故周公居東不幸成王終不悟不知周公又如何處愚謂周公亦惟盡其忠誠而已矣胡氏家錄有一段論此極有意味與蔡仲默

帖
纂註

唐孔氏曰惟言居東不言居東在何處王肅云東洛邑也又曰傳言三年者謂初去及來凡經

三年也書云二年者直數居東之年除其去年也張氏曰罪人之得在二年而周公之歸在三年初不相妨呂氏曰方是時內而少主疑惑外而四國倡亂周公何恃而敢出征三年之久蓋十亂尚有如二公者為太師太保而在內可以委付內事調護鎮定于其間故也後世權臣安敢輕去君側舉足左右變不旋踵矣碧桓馬氏曰居東二年罪人斯得即是東征而後得罪人也若是中閒白閒坐了二年何以得罪人蔡氏曲成鄭說為語迂回合詩書比而觀之定從孔氏刑辟之說其庶矣乎武夷熊氏曰或曰所謂流言不過羣叔播為中傷之言所謂我之弗辟奇避居東二年乃是周公避之而居東所謂罪人斯得則周公居東之後王始知流言之為管蔡也于後管叔懷流言之罪挾武庚以畔而後誅之耳豈有兄弟之間方聽道塗之言而遽欲致辟之乎曰不然也曷不證之蔡仲之命乎亦惟曰羣叔流言即接以致辟之辭矣曰流言者特徵其辭耳三監武庚

之叛周已在其中心矣蓋當是時成王以幼冲而撫新造之邦流言之變危急存亡之所繫周公以身佩安危之寄擔當重任撫機不發大事去矣故寧不顧兄弟之親不恤天下後世之議已事蓋有重于此者所以即形為我之弗辟我無以告我先王之言而居東二年罪人斯得即東征致辟之事也况謂之曰罪人以其煽亂王室而聲其罪耳豈流言僅及周公而遽以罪加之乎由是觀之此為何時尚可從容二年之避乎吾知公必不然矣

于後公乃為詩以貽王名之曰鴟鴞王亦未敢誚公

鴟鴞惡鳥也以其破巢取卵比武庚之敗管蔡及王室也謂讓也上文言罪人斯得則是時成王之疑卡已去其四輯錄于後公乃為詩止謂公公既滅武庚管蔡而五矣輯錄成王之疑未釋故公不欲遽歸留居東方而周大夫為作破斧伐柯九戩狼跋之詩文集管蔡流言使成王疑周公周公雖已滅之然成王之疑未釋則亂

未弭也故周公作鵠之詩以遺王而告以王業艱難
不忍毀壞之意所以為救亂也管蔡流言以謗周公
而公征之不知者以為公之為是以救其身而已故為
此詩者為之發明其心如此學者于此玩味而有得焉
則正大而天地之
纂註 呂氏曰王欲謂公而未敢所謂
情可見矣茲詩傳
陳氏曰我之弗辟朱子初主孔註甚力後來改從鄭說
且特與九峰言之固宜九峯用師說而不敢違也然深
思而廣證之從孔註甚正大從鄭說實迂晦辟即致辟
如曰乃辟曰罔攸辟曰爾惟勿辟只辟之一字便是施
刑于彼何待致字而後明我不以刑辟罪之則無以告
先王辭甚明白若云我若不避之如何接得我無以告
我先王不審避之將何以告先王乎有辟字在上則居
東即是屯駐以東征矣作鵠詩所謂既取我子便是
武庚既敗我管蔡矣三年而歸便是因風雷之變成王
迎之以歸也首尾闕涉三年朱子與蔡帖引避堯舜之

子為證與此大不同謹疏於此以俟通經君子察之

秋大熟未穫天大雷電以風

木盡偃大木斯拔邦人大恐王與大夫盡弁以啓金滕

之書乃得周公所自以為功代武王之說

弁王與大夫盡弁以發金滕

之書將卜天變而偶得周公冊祝請命之說也孔氏謂二公倡王啓之者非是

索秋大熟繫于二年之後則成王迎周公之歸蓋二年秋也東山之詩言自我不見于今三年則居東之非東征明矣蓋周公居東二年成王因風雷之變既親迎以歸三叔懷流言之罪遂脅武庚以叛成王命周公征之其東征徃反首尾又自三年也

二公及王乃問諸史與百執事對曰信噫公命

句我勿

敢言

周公卜武王之疾二公未必不知之周公冊祝之文二公蓋不知也諸史百執事蓋卜筮執事之人

成王使卜天變者即前日周公使卜武王疾之人也二
公及成王得周公自以為功之說因以問之故皆謂信
有此事已而數息言此實周公之命而我輯錄秋大熟
勿敢言爾孔氏謂周公使之勿道者非是輯錄止我勿
敢言金勝所藏代纂註葵初王氏曰如蔡點當云王執
武王之說大集我莫敢言耳說文勿莫也王執

書以泣曰其勿穆卜昔公勤勞王家惟予冲人弗及知

今天動威以彰周公之德惟朕小子其新迎我國家禮

亦宜之

新當作親成王啓金勝之書欲卜天變既得公
毋祝之文遂感悟執書以泣言不必更卜昔周

公勤勞王室我幼不及知今天動威以明周公之德我
小子其親迎公以歸于國家禮亦宜也索鄭氏詩傳成
王既得金勝之書親迎周公鄭氏學出于伏生而此篇
則伏生所傳當以親為正親誤作新正猶大學新誤作

親也
纂註

馬融本新
迎作親逆

王出郊天乃雨反風未則盡起二公

命邦人凡大木所偃盡起而築之歲則大熟

國外曰郊
王出郊者

成王自往迎公即上文所謂親逆者也天乃反風感應
如此之速洪範庶徵孰謂其不可信哉又索武王疾瘳四
年而崩羣叔流言周公居東二年罪人既得成王迎周
公以歸凡六年事也編書者附于金縢之末以見請命
事之首末金縢輯錄王執書止歲則大熟歸禾嘉禾之
書之顯晦也書皆此後作周公自是歸大夫美
之而作東山之詩也文集成王方疑周公二公何不為
周公辨明若天不雷電以風二公終不進說矣當是時
成王欲誚周公而未敢誚蓋周公東征其勢亦難誚也此
成王雖深疑之而未敢誚之也若成王終不悟周公須
有所處矣書中可疑諸篇若一齊不信恐倒了六經
如金縢亦有非人情者雨反風未盡起也是咤異成王

又如何恰限去啓金勝之書然當周纂註林氏曰公尚
公納策于匱中豈但二公知之賀孫纂註欲以身代兄
之死况肯奪兄子之位乎此成王所以感悟也出郊者
及公至則郊勞而親迎之也孔氏以為郊天誤矣又謂
未有偃拔起而立之亦非凡禾為木所仆而不能自立
者則為之起而築之加人力焉築者築禾也新安陳
氏曰成王未知周公則天為之雷風偃禾既知周公則
天為之反風起禾感應之速如應響然天豈在君心外
邪林氏曰自周公居東而下其事迹皆在大誥之後
然實與周公請死之事相為終始故於此併載之愚
謂帝王之興自有天命必至于極而後見武王崩成王
幼天下之重懸於周公公負謗而不違自安王得詩而
尚猶未悟文武之業危如一髮非天其孰能警悟而扶
持之故天之動威不特以彰周公之德實以表見三監
之罪而顯相文武之業也如漢高困於項籍而大風為
之揚沙光武寤于王郎而河水為之自合庸非天乎

大誥

武王克殷以殷餘民封受子武庚命三叔監殷武王崩成王立周公相之二叔流言

公將不利于孺子周公避位居東後成王悟迎周公歸三叔懼遂與武庚叛成王命周公東征以討之大誥天下書言武庚而不言管叔者為親者諱也篇首有大誥二字編書者因以名篇今文古文皆有案此篇誥語多主卜言如曰寧王遺我大寶龜曰朕卜并吉曰予得吉卜曰王害不違卜曰寧王惟卜用曰矧亦惟卜用曰予曷其極卜曰矧今卜并吉至于篇終又曰卜陳惟若茲意邦君御事有曰艱大不可征欲王違卜故周公以討叛卜吉之義與天命人事之不可違者反輯錄大誥一篇不可曉據周公在獲誥諭之也輯錄大誥一篇不可曉據周公在內則有成王之疑周室方且岌岌然他作此書決不是備禮苟且為之必欲以此聲動天下也

而今大誥大意不過說周家辛苦做得這基業
在此我後人不可不有以成就之而已其後又却
專歸在下上其意思緩而不切殊不可曉廣因
言武王既克紂武庚三監及商民叛曰當初紂
之暴虐天下之人胥怨無不欲誅之及武王既
奉天下之心以誅紂於是天下之怨皆解而歸
德于周矣然商之遺民及與紂同事之臣一旦
見故主遭人戮宗社為墟寧不動心茲固叛心
之所由生也蓋始于苦紂之暴而欲其亡固人
之心及紂既死則怨已解而人心復有所不忍
亦事勢人情之必然者又況商之流風善政畢
竟尚有在人心者及其頑民感商恩意之深此
其所以叛也後來樂纂註陳氏大猷曰武王以
毅伐齊亦是如此倘公義封武庚而不虞
其怨以親愛用三叔而不料其反仁人之過也
使捨武庚而立微子三監雖欲叛而不從捨三

叔而任他人武庚雖欲反而不敢陳氏經曰
使三叔監殷亦如舜之封象不得有為于其國

使吏治其國之意

王若曰猷大誥爾多邦越爾御事弗弔天降割于我家
不少延洪惟我幼沖人嗣無疆大歷服弗造哲迪民康

矧曰其有能格知天命

猷發語辭也猶虞書咨嗟之例
索爾雅猷訓最多曰謀曰言曰

已曰圖未知此何訓也弔恤也猶詩言不弔昊天之弔
言我不為天所恤降害于我周家武王遂喪而不少待
也沖人成王也歷歷數也服五服也哲明哲也格格物
之格言大思我幼沖之君嗣守無疆之大業弗能造明
哲以導民於安康是人事且有所輯錄王若曰周公若
未至而况言其能格知天命乎
輯錄王若曰周公若

似如此說底意思如漢書中帝意若曰之類蓋或宣道德意者敷演其說或記錄者失其語而追記其意如此也書中弗弔字只如字讀解者欲訓弔為至故音的聲非也其義止如詩中所謂不弔昊天耳言不見閔弔于上帝纂註林氏曰政雖攝於周公而成王在上為天也爾子號令雖由已出必稱王命以告也猷發語之辭若二典所謂咨甘誓膺征所謂嗟竊意至周時發語之辭變而為猷故微子之命多士多方皆言王若曰猷越及也孔氏曰猷道也順人道以誥天下也陳氏曰今人誥諭人多先言我說道理與汝也呂氏曰叛者三監武庚耳何必大誥多方蓋天下初定人情未安三監煽變恐亂之牽引不止於此所以大誥諭之人心有定則變無由生也真氏曰聖賢舉事必先誥諭多方者所以昭大公而一衆志非但防亂而已馬融讀不少延為句薛氏曰洪惟與洪惟作威同復齋董氏曰幼謂年少冲童也陳氏大猷曰格知格之

至也下文將言用龜絡天明故先謙言已不知天命也
王氏曰大誥疑有脫誤其不可知者輒闕之而釋其
可知
已予惟小子若涉淵水予惟往求朕攸濟敷貢敷

前人受命茲不忘大功予不敢閑于天降威用

已承上語辭已

而有不能已之意若涉淵水者喻其心之憂懼求朕攸
濟者冀其事之必成敷布貢飾也敷貢者修明其典章
法度敷前人受命者增益開大前王之基業若此者所
以不忘武王受天下之大功也今武庚不靖天固誅之
予豈敢閑抑天之輯錄因論點書曰人說荆公穿鑿只
威用而不行討乎輯錄是好處亦用還他如天降割于
我家不少延用寧王遺我大纂註葉氏曰禮天子在喪
寶龜皆非註家所及人傑稱予小子詩閔予小
于是也陳氏大猷曰渡水曰涉渡訖曰濟夏氏曰
敷布貢飾之事以敷布恢張前人所受之命於此不忘

前人之大功烈也。孔氏曰：我不敢閉絕天所下威用而不行。新安陳氏曰：若涉淵水畏之之深也。往求攸濟濟之道也。知懼自強兩者並行方能濟難不知畏者忽徒知畏者阻皆非也。惟天惟祖宗所以付任我者甚重。今日不敢不力不教責教受命是不能繼志述事而忘祖宗之大功也。不用兵伐四國是不能奉行天討而閉天之降威也。真氏曰：天降威謂天以商有罪降之黜罰非我所敢拒也。王者用威聽乎天而已。天未降威不敢先文王事殷是也。天既降威不敢後武王伐殷是也。王氏曰：閉拒也。天降威成王不敢拒故用寧王所用大寶龜。紹天之明以斷吉凶而即天命也。愚索朱子深取王氏點句而蔡氏不盡從何也。

寧王

遺我大寶龜。紹天明。即命曰有大艱于西土。西土

人亦不靜。越茲螽

寧王武王也。下大又曰寧考蘇氏曰當時謂武王為寧王以其克殷而安

天下也。蠢動而無知之貌。寧王遺我大寶龜者，以其可以紹介天明，以定吉凶。曩嘗即龜所命，而其兆謂將有大艱難之事于西土。西土之人亦不安静，是武庚未叛之時而龜之兆蓋已預告矣。及此果蠢蠢然而動其卜，可驗如此。將言下文卜吉之事。**纂註**葉氏曰：自成王稱故先發此以見卜之不可違也。之曰寧考，際言之曰寧人，以其在前曰前寧人，皆稱武王也。呂氏曰：寧王遺我大寶龜，大誥一篇之綱領也。自始至終皆以卜為言。林氏曰：天之吉凶示人甚明，然其道幽冥無介，紹以傳其意，惟卜之以龜則天之明曉，然可見此成王所以即而受命焉。薛氏曰：即命與金縢即命于元龜同意。史氏漸曰：文武成之際，事之大者凡三皆以卜而決之。王將獵，得非虎，非熊之卜而太公起于渭濱，造周之謀自此而成。武王師渡孟津曰：朕夢協朕卜，興周之基自此而定。成王主少國疑之際，而三監商奄相煽而起，賴朕卜并吉，故周公寧遠衆而舉師，不敢違卜而

逆天而安周之功自此而著周家三世以三卜而興則
大龜為世守之寶也亦宜新安陳氏曰武庚之亂在
東非西土也孔註四國作大難于京師意其指流言于
國歟葵初王氏曰西土指鎬京為是即牧誓所謂西
土之人大難以下難大例之
是因流言而有東征之役
殷小腆誕敢紀其敘天降

威知我國有疵民不康曰予復反鄙我周邦

腆厚誕大敘緒疵病

也言武庚以小厚之國乃敢大紀其既亡之緒是雖天
降威于殷然亦武庚知我國有三叔疵隙民心不安故
敢言我將復殷業而纂註呂氏曰反鄙之鄙如今蠢今
欲反鄙邑我周邦也鄭于產曰鄭鄙邑也

翼日民獻有十夫予翼以于救寧武圖功我有大事休

朕卜并吉

于往救撫武繼也謂今武庚蠢動今之明日民之賢者十夫輔我以往撫定商邦而繼嗣

武王所圖之功也。大事戎事。左傳云：國之大事，在祀與戎。休美也。言知我有戎事，休美者，以朕卜三龜而并吉也。案上文即命曰：有大艱于西土，蓋卜于武王方崩之時，此云朕卜并吉，乃卜于將伐武庚之日，先儒合以為一誤。

纂註

孔氏曰：今天下蠢動，今之明日，四國人賢者有十夫來翼佐我周國，撫安武事，謀立其功。

言人事先應人謀，既從卜又并吉，所以為美。林氏曰：民之賢者有十夫來助，予徃征以撫安武王所圖之功，則得人心矣。朕卜并吉，則得天心矣。天人俱應，則我周有必勝之理。武庚有必亡之勢，如之何不征？民獻與黎獻同樂。武王以三卿為主，不與楚戰，亦周公從十夫之意，曰：艱大者雖衆，皆不知天者也。知天之十獻為主，可謂衆矣。惜十民獻名氏不見于後世耳。楊氏曰：惟至誠為能通天下之志，誠而不疑，其類自合。方是時危疑之甚，惟周公以身任之而不疑，故十夫予翼此勿疑朋。益贊之謂也。新安陳氏曰：公之東征，邦君御事皆疑。

民獻十夫先至故公表其人以告天下蓋天之視聽在民而民之去就視賢著龜固可以紹天明賢人尤可以占天意賢人中之著龜也此章言武庚作亂不可不征而決之賢與卜民獻龜卜乃大誥之大綱領也牧寧武圖功以武字稱武王罔簡明但未有單以武字稱武王之例并吉如金縢乃并是吉指龜與占書并是吉耳

釋此二句
古註為優肆予告我友邦君越尹氏庶士御事曰予得吉卜予惟以爾庶邦于伐殷逋播臣

此舉著以卜吉之故告邦君御事往

伐武庚之辭也肆故也尹氏庶官之正也殷逋播臣者謂武庚及其羣臣本逋亡播遷之臣也
爾庶邦

君越庶士御事罔不反曰艱大民不靜亦惟在王宮邦

君室越予小子考翼不可征王害不違卜

此舉邦君御士不欲征欲

王違卜之言也邦君御事無不反曰艱難重大不可輕舉且民不靜雖由武庚然亦在于王之宮邦君之室謂三叔不睦之故實兆釁端不可不自反害曷也越我小子與父老敬事者皆謂不可征王曷不違卜而勿征乎

纂註

新安陳氏曰越予小子考翼不可征據蔡氏則以小子為邦君等之自稱以考翼為父老敬事者據

諸說則以小子為成王自言接上文言之謂是在王之宮邦君之室及我小子之身當考成其敬翼以自反而已不可征也二說皆未允當宜與下文厥考翼其肯曰兩處一樣說而皆通可也大抵周誥聳牙又或訛闕不可強通姑解肆予冲人永思艱曰嗚呼允蠢鰥寡哀哉其大畧可也

予造天役遺大授艱于朕身越予冲人不卬自恤義爾邦君越爾多士尹氏御事綏予曰無咎于恤不可不成

乃寧考圖功

造為印我也故我沖人亦永思其事之艱
大歎息言信四國蠢動害及鰥寡深可哀

也然我之所為皆天之所後使今日之事天實以其甚
大者遺於我之身以其甚艱者授於我之身於我沖人
固不暇自恤矣然以義言之于爾邦君於爾多士及官
正治事之臣當安我曰無勞于憂誠不可不成武王所
圖之功相與戮力致討可也輯錄印字即我字沈存中
此章深責邦君御事之避事輯錄以為泰語平奇故謂
之印纂註新安陳氏曰以大任責已以大義責臣非不
淳知遺我以大授我以艱而責不得辭也以義
言之當如此反觀之則以艱
大沮撓者其為不義大矣

已予惟小子不敢替上帝

命天休于寧王興我小邦周寧王惟小用克綏受茲命

今天其相民矧亦惟小用嗚呼天明畏弼我不丕基

代小

武庚而吉是上帝命伐之也上帝之命其敢廢乎昔天
眷武王而百里而有天下亦惟卜用所謂朕夢協朕卜
襲于休祥是也今天相佑斯民避凶趨吉况亦惟卜是
用是上而先王下而小民莫不用卜而我獨可廢卜乎
故又歎息言天之明命可畏如此是蓋輔成我不
丕基業其可違邪天明即上文所謂紹天明者 纂註
呂氏曰天之明示威畏非以困我乃欲輔成我大業也
如孟子言天將降大任必先苦其心志畏之者乃所以
彌之也多難興邦殷憂啓聖此
周公自強處即所以畏天命 王曰爾惟舊人爾丕克

遠省爾知寧王若勤哉天閔恫我成功所予不敢不極
卒寧王圖事肆予大化誘我友邦君天棐忱辭其考我
民予曷其不予前寧人圖功攸終天亦惟用勤恫我民

若有疾予曷敢不于前寧人攸受休畢

當時邦君御事有武王之舊臣

者亦憚征後上文考翼不可征是也故周公專呼舊臣而告之曰爾惟武王之舊人爾大能遠省前日之事爾豈不知武王若此之勤勞哉閔者否閉而不通嗟者艱難而不易言天之所以否閉艱難國家多難者乃我成功之所在我不敢不極卒武王所圖之事也化者化其固滯誘者誘其順從棗輔也寧人武王之大臣當時謂武王為寧王因謂武王之大臣為寧人也民獻十夫以為可伐是天輔以誠信之辭考之民而可見矣我曷其不于前寧人而圖功所終乎勤勞我民若有疾者四國勤勞我民如人有疾必速政治之我曷其不于前寧人所受休美而畢之乎案此三節謂不可不卒終畢寧王寧人事功休美之意言寧人則舊人之不欲征者亦可愧輯錄諸家棗字並作輔字訓更曉不得後讀漢書顏師古註云匪棗通用如書中棗字正合作匪字

義賀孫忱諱字只訓信天纂註唐孔氏曰三節文辭畧

張忱如云天不可信備

同義不甚異

林氏曰

武庚之叛是天之闕塞而使我災慎蓋欲其操心危而慮患深養其德慧術智于疾疾之中此正我戡定禍難

以成武功之所也新安許氏曰文公謂桀匪通今蔡傳解桀為輔乃異師說蓋天非誠然有言考之民可見

天意欲征武庚故此歸之於天非諄諄然命之也民心之所欲即是天意如此陳氏大猷曰圖事以其所行言圖功以其所成言休以受命言反覆諭之耳新王

安胡氏曰寧人寧王前寧人皆當從前葉氏之說

王

曰若昔朕其逝朕言艱日思若考作室既底法厥子乃

弗肯堂矧肯構厥父菑厥子乃弗肯播矧肯穫厥考翼

其肯曰予有後弗棄基肆予曷敢不越卬敕寧王大命

昔前日也猶孟子昔者之昔若昔我之欲往我亦謂其
事之難而日思之矣非輕舉也以作室喻之父既底定
廣狹高下其子不肯為之堂基况肯為之造屋乎以耕
田喻之父既反土而菑矣其子乃不肯為之播種况肯
俟其成而刈穫之乎考翼父敬事者也為其子者如此
則考翼其肯曰我有後嗣弗康我之基業乎蓋武王定
天下立經陳紀如作室之底法如治田之既菑今三監
叛亂不能討平以終武王之業則是不肯堂不肯播况
望其肯構肯穫而延餘國祚于無窮乎武王在天之靈
亦必不肯自謂其有後嗣而不棄墜其基業矣故我何
敢不及我身之存以撫存武王之大命纂註蘇氏曰如
乎案此三節申喻不可不終武功之意蘇氏曰如
意則已往矣所以至今者以言艱而日思之也新安
陳氏曰案蘇說文意頗順厥考翼與前考翼不可征要
當闕

若兄考乃有友伐厥子民養其勸弗救

蘇氏曰養

廝養也謂人之臣僕大意言若父兄有友攻伐其子為之臣僕者其可勸其攻伐而不救乎父兄以喻武王友以喻四國子以喻百姓民養以喻邦君御事今王之四國毒害百姓而邦君臣僕乃憚于征伐是長其患而不救其可哉此言民被四國

纂註

張氏曰此段當在闕疑之數林氏曰王氏闕

之為得真氏曰養如養冠之養友謂我所友愛之人以仇讐之人伐吾子尚可言也以友愛之人伐吾子民其可容養之且勸我勿救乎友指三監三監本吾所親愛者一旦至此孟子所謂涕泣而道之者也伐厥子如詩所謂既取我于也民謂當時異論者實指邦君御事而託之民也若兄考指武王言周公之兄成王之考也友謂管蔡子謂成王兄考之子也管蔡叛周是伐兄考之子也兄考之子為友所伐爾民乃欲養禍而勸以弗

救乎王曰嗚呼肆哉爾庶邦君越爾御事與邦由哲亦惟

十人迪知上帝命越天棐忱爾時罔敢易法矧今天降

戾于周邦惟大艱人誕鄰胥伐于厥室爾亦不知天命

不易

肆放也欲其舒放而不畏縮也與明也與厥師之與桀昏德湯伐之故言與師受昏德武王伐之故

言與邦言昔武王之明大命于邦皆由明哲之士亦惟亂臣十人蹈知天命及天輔武王之誠以克商受爾于是時不敢違越武王法制憚于征後矧今武王死天降禍于周首大難之四國大近相攻于其室事危勢迫如此爾乃以為不可征爾亦不知天命之不可違越矣此以今昔互言責邦君御事之不知天命案先儒皆以十人為十夫然十夫民之賢者爾恐未可以為迪知帝命未可以為越天棐忱所謂迪知者蹈行真知之辭也越天棐忱天命已歸之辭也非亂臣昭武王以受天命者不足以當之况居與之書周公歷舉號叔閔天之徒亦

曰迪知天威於受殷命亦曰若天棐忱詳周
公前後所言則十人之為亂臣又何疑哉
纂註陳氏
伐也詩曰是伐是肆林氏曰王莽大誥亦曰肆哉顏
師古曰肆陳也勸令陳力是也見程義傳一說我鋪顏
陳辭音欲其聽也孔氏曰十人謂民獻十夫林氏
曰國家有大議大利害紛紜不決非有大過人之智足
以決定大計安能致邦之興明無疑哉武庚之亂邦君
御事皆疑此十人者惠然而來以為可征則夫十人者
蓋哲人也十人所以為哲人者以其能迪知帝命故也
新安陳氏曰與明國事實由哲人與邦猶言通達國
體也十人即民獻十夫即所謂與邦之哲人也亦惟此
十人蹈迪而深知帝命及天之輔忱命德討罪天之法
也爾于常時尚當罔敢變易其法矧今天降戾鄰胥伐
骨肉相仇事勢危迫如此爾乃以為不可征是爾亦不
知天命之不可變矣以此解之豈不辭意明順乎蔡氏
必以十人為十亂費辭辨之終覺首尾銜決且自與邦

至悲忱十七字中本畧無武王時之意不過硬說上耳
十夫十人前後相應周公十亂之一公不應自言之也
前十夫馬融訓予永念曰天惟喪殷若稽夫子曷敢不
十亂尤未足據

終朕畝天亦惟休于前寧人

天之喪殷若農夫之去草必絕其根本我何敢不終

我之田畝乎我之所以終畝者是天亦惟欲休美于前寧人也

纂註林氏曰我長念于是天亦惟欲休美于前寧人也

暴虐而改命我周其于殷人也若稽夫治旧去其根莠必芟夷蘊崇之絕其本根勿使能植而後已今也有遺種焉則我何敢不于田畝之中而畢其事乎蓋武庚之叛而不去則為不終朕畝矣

予曷其極卜

敢弗于從率寧人有指疆土矧今卜并吉肆朕誕以爾

東征天命不僭卜陳惟若茲

我何敢盡欲用卜敢不從爾勿征蓋率循寧人之功

當有指定先王疆土之理卜而不吉固將伐之況今卜而并吉乎故我大以爾東征天命斷不僭差卜之所陳蓋如此案此篇專主卜言然其上原天命下述得人往推寧王寧人不可不咸之功近指成王邦君御事不可不終之責諄諄乎民生之休戚家國之興喪懇惻切至不能自己而反復終始乎卜之一說以通天下之志以斷天下之疑以定天下之業非聰明輯錄如周誥諸篇睿智神武而不殺者孰能與此哉

代商之意是當時說話其間多有不可解者亦且觀其大意所在而已書亦難點如大誥語句甚長今人都碎讀了所纂註新安陳氏曰前一節只當與此合為一以曉不得纂註章真氏曰此章以予永念發端下分三說天命喪殷我不可不終其事一也天降休命于武王凡今所有之疆土皆前人之所區畫我不率其舊如韓愈所謂惟天惟祖宗所以付任予者庶其在此予曷敢不力二也其下乃言今卜并吉是天實命我所不

可違三也予曷其極卜言不必窮極于卜也卜陳惟若
茲言卜亦不外乎此也先以理斷而後以卜參之蓋不
特不違卜亦本不專恃于卜也愚謂帝王之決大疑
必詢謀僉同謀及乃心卿士庶民而後及卜筮蓋以人
謀既協乃決于天商之亡也格人元龜罔敢知吉周之
東征也民獻十夫予翼而卜又升吉此大誥一書所以
始終言之

微子之命

微國名子爵也成王既殺武庚封微
子于宋以奉湯祀史錄其誥命以為

此篇今文

纂註

史記帝乙長子曰微子啓母賸
不得刪少子辛之母正后辛立

是為紂

林氏曰

紂王于出地語云微子去之

微子當紂之時處可疑之地而去商亦遊于荒
野而已及武王克商始抱祭器歸周武王使復
其位初以殷之封爵居舊位也不曰宋公之命

而曰微子之命蓋周以賓待之非欲臣之也箕
子微子雖歸周而未嘗臣周所以與比干並稱
三仁 吳氏曰武王克殷封武庚于殷墟封微
子于宋樂記言武王下車授殷後于宋是也及
武庚叛成王殺之始即微子已封之宋國建之
為上公以奉湯祀蓋申命之書非先未封至此
始封之也凡策命諸侯必有初封之辭如蔡仲
之命乃命諸王邦之蔡之類此篇初無此等語
也史記世家言周公既承王命誅武庚乃命微
子代殷後奉其先祀作微子之命以申之其說
為是且武王猶封箕子于朝鮮豈有捨微子不
封待成王而後封乎 新安陳氏曰殺武庚始
命微子奉湯祀者蓋紂以嫡子立為天子武庚
紂子實為大宗子微子不過支子爾武庚在為
殷後奉湯祀者武庚也微子不得與也武庚死
殷命黜微子始得代之為殷後歟 王氏炎曰

紂之後可絕湯
之祀不可絕也

王若曰猷殷王元子惟稽古崇德象賢統承先王修其

禮物作賓于王家與國咸休永世無窮

元子長子也微子帝乙之長子

紂之庶兄也崇德謂先聖王之有德者則尊崇而奉祀之也象賢謂其後嗣子孫有象先聖王之賢者則命之以主祀也言考古制尊崇成湯之德以微子象賢而奉其祀也禮典禮物文物也修其典禮文物不使廢壞以備一王之法也孔子曰夏禮吾能言之杞不足徵也殷禮吾能言之宋不足徵也文獻不足故也殷之典禮微子修之至孔子時已不足徵矣故夫子惜之賓以客禮遇之也振驚言我客戾止左氏謂宋先代之後天子有事膺焉有喪拜焉者也呂氏曰先王之心公平廣大非若後世滅人之國惟恐苗裔之存為子孫害成王命微

子方且撫助愛養欲其與國咸休永世無窮公平廣大氣象於此可見

纂註

王氏炎曰修禮物者自正

朔外不用時王制度而用其舊儀呂氏曰象非止訓似曰象者欲其盛德之象形容長存而不泯也先王封

先代之後欲存先代典禮者蓋以損益之理若循環然先代禮物不修後聖有作扶衰救弊何所稽考乎孔子

數文獻之不足徵與商頌僅得十二之五皆後世不能修禮物故也新安陳氏曰稽古崇德象賢一句為一

篇之綱領此章自崇德象賢至作賓王家皆承稽古二字崇德象賢固稽古典為之使修先代禮物作時王之

賓客亦稽古典為之也如立堯後以作虞賓立夏後以修夏禮皆古人所已行者稽古以下四句所以考之于

既往與國咸休二句所以期之于方來又曰象賢之賢獻也禮物文也文非獻不能修宗初所以能修禮物以

有微子之賢也孔子時宗文獻不足徵繼之者不能賢如微子故也故尤以象賢為重前日失之于武庚今日

得之于微子所以下文深取其踐修厥猷恪慎孝恭有此賢德上可象湯德以繼前聖下可修禮物以俟後賢

嗚呼乃祖成湯克齊聖廣淵皇天眷佑誕受厥命撫

民以寬除其邪虐功加于時德垂後裔

齊肅也齊則無不敬聖則無不

通廣言其大淵言其深也誕大也皇天眷佑誕受厥命即伊尹所謂天監厥德用集大命者撫民以寬除其邪虐即伊尹所謂代虐以寬兆民允懷者功加于時言其所及者衆德垂後裔言其所傳者遠也後裔即微子也此崇德纂註呂氏曰齊聖廣淵不可分當于此識湯德之意
百年基業正在于寬新安陳氏曰齊誠一也齊如中庸所謂惟天下至誠聖即惟天下至聖廣淵即所謂溥博淵泉湯之寬亦非縱弛之寬乃自齊聖廣淵盛德中流出總言之皆垂後裔之德之源也功加于時功即德

之效德垂後裔德即功之本互言之雨湯之功德傳祀
六百開闢以來莫加焉而可使之不祀乎此所以生下
文之
意也
爾惟踐修厥猷舊有令聞恪慎克孝肅恭神人予

嘉乃德曰篤不忘上帝時歆下民祇協庸建爾于上公

尹茲東夏

猷道令善開譽也微于踐履修舉成湯之道
舊有善譽非一日也恪敬也恪謹克孝肅恭

神人指微子實德而言抱祭器歸周亦其一也篤厚也
我善汝德曰厚而不忘也歆饗庸用也王者之後稱公
故曰上公尹治也宋毫在
纂註
張氏曰恪慎在心肅恭
在貌克孝內也故言恪

慎神人外也故言肅恭唐孔氏曰左傳僖十二年王
命管仲有曰謂督不忘即此曰篤不忘之類也王氏
曰宋商後得郊天故云上帝時歆記曰宋之郊也契也
真氏曰恪慎克孝是事親以敬也肅恭神人是事神

治人亦以敬也敬以事神故上帝時歆敬以治人故下
民祇協古聖賢惟于敬用功而已微子之德信乎其為
象賢也葉氏曰周制三公在朝八命有功德出封作
伯九命謂之上公二王後亦出封之公也息齋余氏
曰抱祭器歸周與商書微子篇朱傳異

欽哉往敷乃訓慎乃服命率由典

常以蕃王室弘乃烈祖律乃有民永綏厥位毗予一人

世世享德萬邦作式俾我有周無斁

此因戒勉之也服命上公服命也宋

王者之後成湯之廟當有天子禮樂慮有僭擬之失故
曰謹其服命率由典常以戒之也弘大律範毗輔式法
斁厥也即詩言在此無斁之意林氏曰僭生于僭僭
生於疑非疑無僭非僭無偏謹其服命遵守典常安有
偏僭之過哉魯實侯爵乃以天子禮樂祀周公亦既不
謹矣其後遂用于羣公之廟甚至季氏僭八佾三家僭

雍微其原一開末流無所不至成王于宋謹慎如此必
無賜周公以天子禮樂之事豈周室既衰魯竊僭用託
為成王之賜纂註真氏曰微子既篤于敬矣而猶勉以
伯禽之受乎欽哉欲其敬而益敬也能敬始能全
數教訓慎服命以下之衆美因以戒勉期望之也蘇
氏曰當武庚叛餘以新造之周侯前代未盡亡之賢子
則微子蓋處可疑之地禁戒之辭隄防之具宜悉也乃
命之曰上帝時歆曰弘乃烈祖曰萬邦作式此三代之
事後世胡可及也陳氏大猷曰服猶被服之服命即
所告之命此章廣上文統承先王至永世無窮之意
真氏曰弘乃烈祖至無數叶韻體也新安陳氏曰慎
乃服命不過如康誥之享明乃服命謂所服受之命令
耳自二孔以上公服命無乖禮制為說而林氏祖述發
揮之意深論奇然非此句本然之文意也必于此以為
防其僭擬則於康誥復何以訓之乎此既言之嗚呼往
結語勿替朕命又申言之實皆指此篇語命耳

哉惟休無替朕命

數息言汝往之國當休美其政而無廢康我所命汝之言也

纂註

呂氏曰居于所過者化殺武庚叛者殺之爾封微子賢者封之爾周何心哉殺武庚義也封微子仁也陳氏曰武庚以叛黜復命微子常情于此孰不暴白其罪明黜殷之由今此篇丁寧惻怛無一言及武庚事以傷微子之心蓋誥命賢者其體當如此真氏曰此非特得誥命賢者之體蓋武庚之罪當行天討微子之德當加天命非有一毫喜怒之私故其辭從容和平畧無愆戾之意於此可見聖人之心矣王氏炎曰泰誓牧誓言紂之失至于再三與周之交邦及從征之臣言也酒誥言紂之失亦無所隱兄弟之間相與言也至多士多方言紂之失則畧與殷之遺民言也微子之命並無一字及紂與武庚之事不可對商之賢子言也而惟言湯之聖微子之賢其言有體也哉

康誥

康叔文王之子武王之弟武王誥命為衛侯今文古文皆有 案書序以康誥為成

王之書今詳本篇康叔于成王為叔父成王不應以弟稱之說者謂周公以成王命誥故曰弟然既謂之王若曰則為成王之言周公何遽自以弟稱之也且康誥誥梓材三篇言文王者非一而略無一語以及武王何邪說者又謂寡兄勗為稱武王尤為非義寡兄云者自謙之辭寡德之稱荀語他人猶之可也武王康叔之兄家人相語周公安得以武王為寡兄而告其弟乎武又謂康叔在武王時尚幼故不得封然康叔武王同母弟武王分封之時年已九十安有九十之兄同母弟尚幼不可封乎且康叔文王之子叔虞成王之弟周公東征叔虞已封于唐豈有康叔得封反在叔虞之後必無是理也又案汲冢周書克殷篇言王即位于社南羣臣畢

從毛叔鄭	奉明水衛叔封禮召公奭贊采師
尚父牽牲	史記亦言衛康叔封布茲與汲書大
同小異康	叔在武王時非幼亦明矣特序書者
不知康誥	篇首四十八字為洛誥脫簡遂因誤
為成王之	書是知書序果非孔子所作輯錄孔
也康誥酒	誥梓材篇次當在金縢之前
小序以康	誥為成王周公之書而子以武王言
之何也曰	此五峯胡氏之說也嘗因而考之其
曰朕弟寡	兄皆為武王之自言乃得事理之實
而其他證	亦多小序之言不足深信大學或問
胡氏于皇	王大紀考克得康誥非周公成王時
乃武王時	蓋有朕其弟之語若成王則康叔為
叔父矣又	首尾只稱文考成王周公必不只稱
文考又有	寡兄之語亦是武王自稱無疑如今
人稱弟兄	之類又唐叔得未傳記所載成王先
封唐叔後	封康叔決無姪先叔之理格言康誥

三篇此是武王書無疑其中分明說王若曰孟
侯朕其弟小子封豈有周公方以成王之命命
康叔而遽述已意以告之乎決不解如此五峯
吳才老皆說是武王書只緣誤以洛誥書首一
段置在康誥之前故敘其書于大誥微子之命
之後問如此則封康叔在武庚未叛之前矣曰
想是同時商畿千里紂之地亦甚大所封必不
止三兩國也廣惟三月哉生鬼一段自是脫落
分曉且如朕弟寡凡是武王自告康叔之辭無
疑蓋武王周公康叔同叫作兄豈應周公對康
叔一家人說話安得叫武王作寡兄以告其弟
乎蓋寡者是向人稱我家我國長上之辭也只
被其中有作新大邑于周數句遂牽引得序來
作成王時書若是成王不應所引多文王而不
及武王且如今人纔說太祖便必及太宗也義剛
問殷地武王既以封武庚而使三叔監之矣又

以何處封康叔曰既言以殷餘民封康叔
叔豈非封武庚之外又以封之乎處謙纂註孔
曰康圻內國名叔封字林氏曰康乃叔未受
封時食采之地或曰康謚也鄭氏曰康叔初
封衛至于孫而并邯鄲地息齋余氏曰真氏
乙記云胡氏以為武王書朱子從之蔡氏辨甚
力今姑從先儒以為周公作更當博考於大學
衍義則明以為成王書今案不靜未戾迪屢未
同數語似指武庚以後事武王之時玄黃迎師
未嘗有此又曰王若曰孟侯朕其弟以多方所
書公傳王命之例觀之似可通寡兄疑與康王
之詰寡命同義據此等處理或然也又曰嘉禾
序傳謂得未與風雷之變同時金滕傳謂風雷
在未東征之先而此篇解題論叔虞之封又引
東征為說
皆所未合

惟三月哉生魄周公初基作新大邑于東國洛四方民

大和會侯甸男邦采衛百工播民和見士于周周公咸

勤乃洪大誥治

三月周公攝政七年之三月也始生魄十六日也百工百官也士說文曰事也

詩曰勿士行枚呂氏曰斧斤版築之事亦甚勞矣而民大和會悉來赴役即文王作靈臺庶民子來之意蘇氏

曰此治誥之文當在纂註唐孔氏曰男下獨有邦以五周公拜手稽首之上

可知禹貢五服通王畿此在畿外林氏曰周九服侯甸男采衛蠻夷鎮藩會于洛邑者惟內五服也葉氏

曰列國大夫入于天子之國皆曰士春秋傳晉士起是也鄭氏曰君行臣從卿大夫士皆見也此二家訓見

士不作事始存之潘氏曰勤猶扶柱以勤歸之勤洪天也經之言複者多矣王氏於此章無解新安陳

氏曰初基定基址也鎬在西北洛在東故曰東國洛見士朝見而趨事也民大和會人心本自和也播民和因人心之和而播敷宣暢其和也悅以使民民忘其勞公不忘民之勞而勤勞之所以得民心也以名誥考之周公以三月十二日乙卯至洛先觀名公營洛規模十四日丁巳行郊禮十五日戊午行社禮十六日己未初基作洛繼此五日內號名齊集計度區畫分配料派至二十一日甲子朝乃用書命庶殷諸侯丕作名誥所謂用書命丕作即此所謂洪大誥治也如名誥傳中引春秋傳云云之類參以名誥日月昭合洛誥冠以此九句方有頭緒強附之此全不相應其為洛誥脫簡何可疑者諸家阿附牽強解之非矣

王若曰孟侯朕

其弟小子封

王武王也孟長也言為諸侯之長也封康叔名舊說周公以成王命誥康叔者非是

纂註

吳氏曰詩序言衛不能修方伯連帥之職康叔之為方伯無疑先儒謂康叔受封時尚幼者以此書

稱小子之故康叔與武王周公皆太姒之子安得為尚
幼今映右之俗凡尊命卑貴命賤雖長且老者亦以小
子呼之表見親愛之
辭此所謂小子亦然惟乃丕顯考文王克明德慎罰左氏

曰明德謹罰文王所以造周也明德務崇之之謂謹罰
務去之之謂明德謹罰一篇之綱領不敢侮鰥寡以下
文王明德謹罰也汝念哉以下欲康叔明德也敬明乃
罰以下欲康叔謹罰也喪惟民以下欲其以德行罰也
封敬哉以下欲其不用罰而用
德也終則以天命殷民結之
纂註林氏曰此篇多及

傳周克商蘇忿生以溫為司寇立政司寇蘇公是也又
曰武王之母弟八人康叔為司寇則康叔以衛侯入繼
蘇公為之故并以詰姦刑暴之事告之其曰外事外正
以外言者治殷民于衛也以衛為外則內事者王朝司
寇之事也故于刑罰為詳陳氏大猷曰治天下不過
德刑兩端德者人所同慕感化人心之本也文王則克

明之使民慕而入于德罰者人所同畏防範人
心之具也文王則克謹之使民畏而不入于罰
不敢侮

鰥寡庸庸祗祗威威顯民用肇造我區夏越我一二邦

以修我西土惟時怙冒聞于上帝帝休天乃大命文王

殪戎殷誕受厥命越厥邦厥民惟時敘乃寡兄勗肆汝

小子封在茲東土

鰥寡人所易忽也於人易忽者而不忽焉以見聖人無所不敬畏也即堯

不虐無告之意論文王之德而肯發此非聖人不能也庸用也用其所當用敬其所當敬成其所當成言文王用能敬賢討罪一聽于理而已無與焉故德著于民用始造我區夏及我一二友邦漸以修治至肇西土之人怙之如父冒之如天明德昭升聞于上帝帝用休美乃大命文王殪滅大殷大受其命萬邦萬民各得其理莫

不時敘汝寡德之兄亦勉力不怠故爾小子封得以在
比東土也吳氏曰殪戎殷武王之事也此稱文王者武
王不敢以為己之功也又案東土云者武王克商分
紂城朝歌以北為邯鄲南為鄆東為衛意邯鄲為武庚之
封而衛即康叔也漢書言周公善康叔不從
管蔡之亂似地相比近之辭然不可考矣
威威顯民此等語既不可曉只得且用古註古註
既是杜撰如今便別求說又杜撰不如他矣廣纂註
陳氏大猷曰不敢侮鰥寡者仁民也庸庸使能也祗祗
尊賢也明德之事威威懲惡也慎罰之事是是非非使
民曉然知所好惡所以顯民也恐康叔以受封為當然
故歷言文王之積累汝兄之勉勵故汝得以有此土地
庶其念所自之艱難而不敢慢易也新妄陳氏曰諸
儒泥周公命康叔之說者謂公呼武王為寡有之兄言
其德不羣也豈事理名稱之實乎惟是武王自言故稱
文王詳而自謂甚畧只以一聶字見其自勉若周公之

言豈論武王如此簡畧且
易字惟自謙乃可言耳

王曰嗚呼封汝念哉今民將

在祇適乃文考紹聞衣德言往敷求于殷先哲王用保
人民汝丕遠惟商考成人宅心知訓別求聞由古先哲

王用康保民弘于天若德裕乃身不廢在王命

此下明德也適

迷衣服也今治民將在敬迷文考之事繼其所聞而服
行文王之德言也往之國也宅心處心也安汝止之意
知訓知所以訓民也由行也曰保人曰知訓曰康保經
緯以成文爾武王既欲康叔祇適文考又欲敷求商先
哲王又丕遠惟商考成人又別聞由古先哲王近述諸
今遠稽諸古不一而足以見義理之無盡易曰君子多
識前言往行以蓄其德弘者廓而大之也天者理之所
從出也康叔博學以聚之集義以生之真積力久衆理

該通此心之天理之所從出者始恢廓而有餘用矣若是則心廣體胖動無違理斯能不廢在王之命也 呂氏曰

康叔歷求聖賢問學至于弘子天德裕身可謂盛矣止能不廢王命才可免過而已此見人臣職分之難盡若欲為

子必須如舜與曾閔方能不廢父命若欲 纂註 材氏曰雖為臣必須如舜與周公方能不廢君命 求老成法

往古又當弘于天名語曰則無遺壽考其稱我古人之德又能稽謀自天即此意 吳氏曰荀卿以弘于天謂弘覆于天

謂欲康叔保人 王曰嗚呼小子封惇癯乃身敬哉天畏棐民如天之弘覆

忱民情大可見小人難保往盡乃心無康好逸豫乃其人

民我聞曰怨不在大亦不在小惠不惠懋不懋 惇痛癯病也視民之

不安如疾痛之在乃身不可不敬之也天命不常雖甚可畏然誠則輔之民情好惡雖大可見而小民至為難保汝

往之國所以治之者非他惟盡汝心無自安而好逸豫乃其所以又民也古人言怨不在大亦不在小惟在順不順勉不勉耳順者順于理勉者勉于行即上文所謂往盡乃心無康好逸豫者也

輯錄 恫瘝常如疾痛文所謂往盡乃心無康好逸豫者也

覺矣 天畏棗忱猶曰天難諶爾 問惠不惠慙不慙曰順其所不當順勉其所不當勉亦通當順者不順當勉者不勉此

纂註 孔氏曰治民務除惡政當如痛病在汝身欲說長廣

恫瘝乃身敬哉其下即當敬之事 呂氏曰命爾為侯非富貴之也乃委痛病于爾身爾上則天難忱下則民難保非恫瘝乃身乎 陳氏曰不必求之天求之民可也不求之民求之心可也 孔氏曰怨不在大起于小不在小小至于天當使不順者順不勉者勉 林氏曰我怨無小無大皆足以召亂當順而不順當勉而不勉皆致怨之道必順于人而勉于己怨庶可弭也 吳氏曰惠鮮鰥寡惠所不惠也克勤小物慙所不慙也如是則可無怨 張

氏曰惠所不必惠無所不惠
矣惠所不必惠無所不惠矣
已汝惟小子乃服惟弘王應

保殷民亦惟助王宅天命作新民

服事應和也汝之事惟在廣上德意和保殷民

使之不失其所以助王安定天命而作新斯民也
此言明德之終也大學言明德亦舉新民終之
輯錄之

舞之之謂作言振起其自新之民也大學章句鼓之舞之

之謂作曰如擊鼓然自然使人跳舞踴躍然民之所以感

動者由其本有此理但上之人既自有以明其明德時時

提撕警發則下之觀瞻感化各自有以興起其同然之善

心而不能纂註林氏曰應得者因人情而安之謂應其所

已耳倘纂註欲也如人情莫不欲壽則生之而不傷人

情莫不欲富則扶之而不危所欲與聚所惡勿施皆所以

應而保之也陳氏大猷曰殷民乃天命所視以去留人

心所視以觀化保殷民所以王曰嗚呼封敬明乃罰人有

助王宅天命而作新民也

小罪非膏乃惟終自作不典式爾有厥罪小乃不可不殺

乃有大罪非終乃惟膏災適爾既道極厥辜時乃不可殺

此下謹罰也式用適偶也人有小罪非過誤乃其罔為亂

常之事用意如此其罪雖小乃不可不殺即舜典所謂刑

故無小也人有大罪非是故犯乃其過誤出于不幸偶爾

如此既自稱道盡輸其情不敢隱匿罪雖大時乃不可殺

即舜典所謂宥過無大也諸葛孔明治蜀服罪輸情

者雖重必釋其既道極厥辜時乃不可殺之意歟 輯錄

不典式爾古註式訓勉蘇云爾是人自言法當如此皆迂

王氏曰云云予謂此不可曉大槩是有過刑故之意廣

纂註

蔡氏元度曰欽哉欽哉用刑不可不敬也惟明克允

用刑不可不明也 呂氏曰式法也不典式罔為敗

常亂法事也 新安陳氏曰小罪不可不殺小罪怙終刑

之可也殺之無乃過乎蓋敗常越軌其罪雖小其情乃

亂之原不殺則為害將甚大曰有者謂小罪中有如此者非謂凡有小罪而怙終者皆殺之也此又宜于作不典觀

王曰嗚呼封有敘時乃大明服惟民其勅懋和若

有疾惟民其畢棄咎若保赤子惟民其康乂

有敘者刑罰有次序

也明者明其罰服者服其民也左氏曰乃大明服已則不明而殺人以逞不亦難乎勅戒勅也民其戒勅而勉於和順也若有疾者以去疾之心去惡也故民皆棄

輯

咎若保赤子者以保子之心保善也故民其安治

錄若有疾刑人如痛纂註張氏曰刑罰足以制人之形

在已又恫瘝之意刑之倫序時乃大明刑罰而足以服其心宜民勅懋而

且和也林氏曰若有疾若保赤子皆出于中心之誠然蓋人有疾而欲去之有赤子而欲保之此豈可以偽為舉斯心以加諸彼則無所往而不為仁矣陳氏大

歎曰去民之惡如去已疾則調治無所不至必盡棄其咎矣保其民如保已之赤子則愛護無所不至民必康且入矣先言有疾後言赤子蓋民瘼咎然後可康乂也新安陳氏曰此處三言惟民其必加以後之二譬使民康咎康乂而後非汝封刑人殺人無或刑人殺人非可全其勅懋和也

汝封又曰劓則人無或劓則人

刑殺者天之所以討有罪非汝封得以刑之殺

之也汝無或以已而刑殺之則截耳也刑殺刑之大者劓則刑之小者無舉小大以申戒之也又曰當在無或刑人殺人之下又案則周官五刑所無呂刑以為苗民所制
輯錄
正無或劓則人康
叔為周司寇故一篇多說用刑此但言非汝封刑人殺
人則無或敢有刑人殺人者蓋言用刑之權正在康叔
不可不謹之意耳廣非汝封刑人殺人則無或刑人殺
人矣非汝封又曰劓則人則無或劓則人矣言其責之

在已也。須改其句，只是說非汝封刑人殺人，則人亦無敢刑人殺人，非汝封則人則人亦無敢。則人耳。先儒作四句讀，故不得其說。而蘇氏破句讀之，陳林宗王之誤矣。廣業蘇氏以無或刑人殺人，非汝封為一句。王

曰外事汝陳時臬司師茲殷罰有倫

外事未詳陳氏曰外事有司之事也

臬法也。為準限之義。言汝于外事，但陳列是法，使有司師此殷罰之有倫者，用之爾。呂氏曰：外事，衛國事也。史記言康叔為周司寇，司寇王朝之官，職任內事，故以衛國對言為外事。今案篇中言往數求往，盡乃心，篇終曰往哉，封皆令其之辭，而未見其留王朝之意。但詳此篇康叔蓋深于法者，異時成王或舉以任司寇之職，而此則未。纂註呂氏曰：汝列是法以司牧有衆商人，舊必然也。刑自有倫，敘若周室之法，則天下通用。司寇所掌是也。邦國之法從殷民之便，殷罰之有倫者，可從也。陳氏大猷曰：上章樂言用刑，此章專言衛國。

之刑故以外事別之猶下文言外庶子外正也泉門相
也有限準之意故以訓法猶謂法為律也新安陳氏
曰左傳定公四年有曰武王之母弟八人周公為太宰
康叔為司寇則康叔以諸侯人為王朝之卿明矣為司
寇與即衛封兩不相妨往來乎朝廷邦國之間何往不
可呂陳內事外事外庶子之說極當蔡氏何必疑之而
乃添出異時成王或舉以任司寇之職一句朱子正闕
成王封康叔之說乃自伸一足與人拖之何也權用殷
罰有倫者正是初得天下初分封時事若是後來何必
師用殷罰為哉味此語愈見得此為武王之書也司字
屬下句又曰要囚服念五六日至于旬時丕赦要囚
亦未順又曰要囚服念五六日至于旬時丕赦要囚
獄辭之要者也服念服膺而念之句纂註陳氏大猷曰
十日時三月為囚求生道也蔽斷也纂註要者結罪之
辭與周禮卿士異其死刑之罪而要之之要同鄭註要
之為其罪法之要辭如今劾矣要囚謂結定其囚之罪

也蔽要囚謂斷其所結定之囚猶今世引斷也今世大辟囚已結罪後猶有審覆經年者林氏曰唐太宗謂牽臣曰死者不可復生決囚須三覆奏頃刻之間何暇思慮自今宜五覆奏正得康誥要囚之意新安陳氏曰案歐陽公瀧岡肝表載其父崇公任獄官每為囚求生道嘗曰為之求生道而不得夫然後我與死者可以俱無憾矣王曰汝陳時臬事罰蔽殷彝用其義刑義殺亦合此意

勿庸以次汝封乃汝盡遜曰時敎惟曰未有遜事

義宜也次

次舍之次遜順也申言數陳是法與事罰斷以殷之常法矣又慮其沉古而不通又謂其刑其殺必察其宜于時者而後用之既又慮其趨時而徇已又謂刑殺不可以就汝封之意既又慮其刑殺雖已當罪而矜喜之心乘之又謂使汝刑殺盡順于義雖曰是有次敎汝當惟謂未有順義之事益矜喜之心生乃急情之心起刑殺

之所由不中
纂註
孔氏曰用舊法典刑宜于時世者也
陳氏大猷曰罰獨言之則無刑殺上

文殷罰有倫是也與刑殺對言則罰輕刑重殺尤重也
夏氏曰又須用其刑殺之合于義者不可使是法司

觀望于汝遂屈法以就汝意
新安陳氏曰雖盡遜而
惟曰未遜心常不自足則虛明公正之體不失而審慎

矜恤之念常存刑罰之不中者鮮矣即呂刑所謂已汝
雖休勿休曾子所謂如得其情則哀矜而勿喜也

惟小子未其有若汝封之心朕心朕德惟乃知
已者語

能已也小子幼小之稱言年雖少而心獨善也爾心之
善固朕知之朕心朕德亦惟爾知之將言用罰之事故

先發其
纂註
新安胡氏曰能慎罰者汝之心欲汝慎罰
者我之心我之心惟欲以德行罰耳我之

與汝心實相知所以
深相孚契相戒飭也
凡民自得罪寇攘姦宄殺越人于

貨啓不畏死罔弗慙

越顛越也盤庚云顛越不恭啓強

罪也凡民自犯罪為盜賊姦宄殺人顛越人以取財貨

強狠亡命者人無不憎惡之也用罰而加是人則人無

不服以其出乎人之同惡而非即乎吾纂註唐孔氏曰

之私心也特舉此以明用罰之當罪

不死而傷夏氏曰此不待教而誅之者也陳氏大

猷曰此一節上下疑有闕文呂氏曰說者以凡民自

得罪以下與上文不叶蓋舉一端以為證驗也蓋謂如

此等罪之人人所同惡而刑加焉豈容以次汝封乎所

謂刑加于自犯之罪也用刑皆如此則契公理矣所刑

苟非人所同惡是移法就己也新安陳氏曰呂說奇

蔡亦畧取之然平心讀此五

句實與上文不貫闕之良是

王曰封元惡大慙矧惟不

孝不友子弗祇服厥父事大傷厥考心于父不能字厥

子乃疾厥子于弟弗念天顯乃弗克恭厥兄兄亦不念

鞠子哀大不友于弟惟弔茲不于我政人得罪天惟與

我民彝大泯亂曰乃其速由文王作罰刑茲無赦

大慈即上

文之罔弗慈言冠攘姦宄固為大惡而大可惡矣況不
孝來友之人而尤為可惡者當商之季禮義不明人紀
廢壞子不敬事其父大傷父心父不能愛子乃疾惡其
子是父子相夷也天顯猶孝經所謂天明尊卑顯然之
序也弟不念尊卑之序而不能敬其兄兄亦不念父母
鞠養之勞而大不友其弟是兄弟相賊也父子兄弟至
于如此苟不于我為政之人而得罪焉則天之與我民
彝必大泯滅而荼亂矣曰者言如此則汝其速由文王
作罰刑此無赦而輯錄元惡大慈詳文意當從王氏
懲戒之不可緩也輯錄惟弔茲惟痛憫此得罪之人也

不于我政人得罪憫痛之深恨不自我得罪
也葉說雖好然不罪之則民棄汎亂也廣
纂註蔡氏元度

曰先責子之不孝然後責父之不慈先責弟之不恭然後責兄之不友周禮有不孝不弟之刑而無不慈不友

之罪即此意也
林氏曰弔讀為弔閔之弔弔憫其悖人倫如此無乃我正人之罪乎張氏曰民之棄棄民

葬常性之謂也
呂氏曰前言殷罰殷葬此言文王作

罰刑者殷罰常事用之父子兄弟之獄則用文王之法
經紂之惡人倫戕敗文王于維持綱常之罰有作焉如

地官不孝不弟之刑之類故以殷罰治殷俗因人情之
所安也以文王罰刑誅不孝不友撥殷亂之所在也

新安陳氏曰案前已告康叔明德以作新民矣此言慎
罰而速懲不孝不友者蓋已致新民之功不率而後方

嚴齊民之刑何用法峻急之有又案此章凡註甚明蔡
傳從之
不率大戛矧惟外庶子訓人惟厥正人越小臣
當矣

諸節乃別播敷造民大譽弗念弗庸療厥君時乃引惡

惟朕慙已汝乃其速由茲義率殺

憂法也言民之不率教者固可大寔之法

矣況外庶子以訓人為職與庶官之長及小臣之有符節者乃別布條教遠道干譽弗念其君弗用其法以病君上是乃長惡于下我之所深惡也臣之不忠如此刑其可已乎汝其速由此義而率以誅戮之可也案上言民不孝不友則速由文王作罰刑茲無赦此言外庶子正人小臣背上立私則速由茲義率殺其曰刑曰殺若用法峻急者蓋殷之臣民化紂之惡父子兄弟之無其親居臣上下之無其義非繩之以法示之以威殷民孰知不孝不義之不可干哉周禮所謂刑亂國用重典者是也然曰速由文王曰速由茲義則其刑其罰亦仁厚而纂註孔氏曰憂常也凡民不循大常之教猶刑之已矣纂註無赦呂氏曰然叔不以身率之則亦大憂

憂乎其難哉 真氏曰呂說似得之與下段相應蓋憂者二物相擊之謂 一說憂擊也承上文如此而猶不率從乃大憂擊以痛懲之上文冠攘殺越乃不待教而誅者此則教之不改而後誅之者也 新安陳氏曰不率大憂一句或以屬上文或以屬下文不勝異說孔訓憂為常固不通蔡訓憂為法亦未見所本後一說其庶幾乎然此句合闕疑 孔氏曰今往之國當分別播布德教以立民大善之譽 林氏曰況汝衛國之臣如庶子者與衆官之長及諸小臣皆當分別其善惡以播敷教化而造成斯民善譽然後無曠其職苟不念此不用此以病其居是乃長于為惡朕亦將惡之矣率殺謂案法殺之也 吳氏曰連由茲義率殺即前文王所作罰刑無非義也 王氏曰休曰前言連由文王作罰刑此言茲義豈非指文王之義刑乎 亦惟君惟

長不能厥家人越厥小臣外正惟威惟虐大放王命乃

非德用又

君長指康叔而言也康叔而不能齊其家不能訓其臣惟威惟虐大廢棄天子之命乃欲

以非德用治是康叔且不能用上命輯錄乃非德用又

矣亦何以責其臣之瘵厥君也哉

輯錄

言汝若寬縱

則小臣外正皆得為威虐汝之為此欲以德又民而實非德也姑息而已蘇等說懲王氏之弊一緊以寬為說

恐非聖人刑人正法之意也

纂註

林氏曰不能厥家人如左傳云不能其大夫至于君祖母以及國人

也薛氏曰能與柔遠能邇之能同

汝亦罔不克敬典乃由裕民惟文王

之敬忌乃裕民曰我惟有及則予一人以懌

汝罔不能敬守國之

常法由是而求裕民之道惟文王之敬忌敬則有所不忽忌則有所不敢期裕其民曰我惟有及于文王則予一人以懌懌矣此言謹罰之輯錄文王之敬忌忌惡也纂註林氏終也穆王訓刑亦曰敬忌云輯錄文王之敬忌忌惡也纂註林氏曰典

者天敘之典即父子兄弟之常道敬典者敬敷五教也
裕民即在寬是也不專以嚴刑峻罰迫切之則無不敬
典而用以裕民寬以誘之則易直于諒之心油然而生矣
然爾之裕民豈他求哉惟文王之敬忌而已敬則有所
尊而能順其所為忌則有所畏而能戒其所不為陳
氏大猷曰民之不孝不友由不知敬五典也敬則律已
嚴而感率者盡裕則待人寬而從容自從然敬典而不
知忌刑亦非所以全裕民之道惟法文王之敬典忌刑
乃能裕民耳弗念弗庸既以為朕慙則敬忌裕民人其
有不懌乎唐孔氏曰敬忌謂敬德忌刑新安陳氏
曰前之速由文王罰刑速由茲義率殺兩言速由何其
速也始欲其以刑齊民以懲戒人之惡習終欲其以身
率人以容養人之善心其急其緩竝行而不相悖也
陳氏大猷曰此上三節疑有錯簡諸家皆意其然耳

王曰封奭惟民迪吉康我時其惟殷先哲王德用康乂

民作求矧今民罔迪不適不迪則罔政在厥邦

此下欲其以德

用罰也求等也詩曰世德作求言明思夫民當開導之以吉康我亦時其惟殷先哲王之德用以安治其民為等匹于商先王也迪即迪吉康之迪況今民無導之而不從者苟不有以導之則為無政于國矣迪言德而政言刑也前既嚴之民又嚴之臣又纂註孔氏曰明惟治嚴之康叔此則武王之自嚴畏也纂註孔氏曰明惟治之治民乃欲求等商先智王林氏曰我今其惟殷先哲王之德可用以安治斯民者作起而求之求如敏以求之之求陳氏曰以作民之求君者民之所求也王弼曰無者求有有者不求于無危者求安安者不求于危真氏曰欲導民于吉康其何以哉惟于殷先哲王之德用以康乂民者作而求之而已蓋先哲王之所為無非導民吉康之道也導之以仁義而民趨于仁義導之以孝弟而民趨于孝弟此則所謂言康也政者所以

正民不能導民俾知所適尚何政之有古之所謂政者合教化而言後世所謂政者離教化而言新安陳氏

曰作求林
說為優

王曰封予惟不可不監告汝德之說于罰之

行今惟民不靜未戾厥心迪屢未同與惟天其罰殛我

我其不怨惟厥罪無在大亦無在多矧曰其尚顯聞于

天

戾止也又言民不安靜未能止其心之狠疾迪之者雖屢而未能使之上同乎治明思天其殛罰我我何

敢怨乎惟民之罪不在大亦不在多苟為有罪即

纂註

新安陳氏合孔林陳三說以補之曰我惟不可不監視古義即指文王明德慎罰之義故告汝以德之說于罰之行之時蓋欲以德行罰而非以罰行罰也今惟民不安靜未定其心迪之雖屢而猶未同民之不靜未同天

將不罪民而罪導民者故與明惟天其將殛罰我矣我其不當怨也惟其罪不在大與多一毫不盡且為有罪況曰其已上顯聞于天而欲追天之罰殛可乎與惟天其罰殛我與與惟民迪吉康同與惟蓋當時語此王責已以屬康叔也要之此等語言王曰嗚呼封敬哉無作多不可強解難通者不如闕之

怨勿用非謀非義蔽時忱丕則敏德用康乃心顧乃德

遠乃猷裕乃以民寧不汝瑕殄

此欲其不用罰而用德也歟息言汝敬哉毋作

可怨之事勿用非善之謀非常之法惟斷以是誠大法古人之敏德用以安汝之心省汝之德遠汝之謀寬裕不迫以待民之自安如是則不
汝瑕疵而康絕矣
輯錄蔽時忱陳說陋至
纂註
陳氏曰毋
作致怨之事用敗事之謀變常之法皆起怨之道也蔽如一言以蔽之之蔽惟斷以至誠則能不惑于非謀非

矣矣心之不安則必喜異而厭常德之不顧則無內省之實猷之不遠則貪目前之利忘他日之患凡此皆塞于不誠也 陳氏大猷曰為治有不易之定論通行之常道明德慎罰是也捨是則為非謀非彝王恐叔惑于邪說異術謂民難以德化易以刑服如封德彝之惑太宗者故戒以勿用而惟斷以至誠也丕則敏德大法古人之敏德如上章法文王之明德作求殷先哲王德是也慮其悠悠而欲其汲汲故以敏德言又恐其欲速也故又欲其安汝心安則恐其警者不至也故又欲其回顧汝德顧則又恐其察慮之太迫也故又欲其弘遠汝謀庶能優游寬裕而與民相安矣 真氏曰裕乃以民寧不必言行寬政但自無作怨以下數句行之優裕即所以致民之寧而民不瑕絕之也蓋為善未至于優裕皆勉強也與前德裕乃身之裕同至此則不言用罰而純言用

王曰嗚呼肆汝小子封惟命不于常汝念哉無

德矣

我殄享明乃服命高乃聽用康乂民

肆未詳惟命不于常善則得之不善

則失之汝其念哉毋我殄絕所享之國也明汝侯國服命高其聽不可卑忽我言用安治爾民也

纂註

爾雅曰肆今也

復齊董氏曰肆語辭如肆徂厥敬勞

肆往姦宄皆語辭也

陳氏大猷曰無使我所與爾之

爵土殄絕而不能享也

服命即所服受之誥命高乃聽

猶尊所聞

孔氏曰高汝聽聽先王道德之言

蘇氏

曰高乃聽聽于古也告以文考先哲王之道所聽豈不高乎

王若曰往哉封勿替敬

典聽朕告汝乃以殷民世享

勿廢其所敬之常法聽我所命而服行之乃能以殷

民而世享其國也世輯錄

殄享世享皆享于天子廣纂註李氏也曰

始終以敬哉敬典為言是知致敬之道乃修身治民之本康叔所以化商民之綱要莫大于此新安陳氏曰

勿替所當敬之典常即前所謂罔不克敬典者篇將終復申言之大學引惟命不予常而斷之曰道善則得之不善則失之矣弗念弗聽則殄享不善而失之也敬典惠告則世享善則得之也武王封康叔拳拳反覆于文王明德慎罰之家法無慮數百言未復以天命之無常享國之難必者警戒之康叔實能敬聽而力行其言衛之享國卒與周家相為長久吁豈偶然哉

酒誥

商受酗酒天下化之妹土商之都邑其洪惡尤甚武王以其地封康叔故作書誥教

之云今文古文皆有案吳氏曰酒誥一書本是兩書以其皆為酒而誥故誤合而為一自王若曰明大命于妹邦以下武王告受故都之書也自王曰封我西土棐徂邦君以下武王告康叔之書也書之體為一人而作則首稱其人為衆人而作則首稱其衆為一方而作則首稱一

方為天下而作則首稱天下君與書首稱君與
君陳書首稱君陳為一人而作也甘誓首稱六
事之人湯誓首稱格汝眾此為眾人而作也湯
誥首稱萬方有眾大誥首稱大誥多邦此為天
下而作也多方書為四國而作則首稱四國多
士書為多士而作則首稱多士今酒誥為妹邦
而作故首言明大命于妹邦其自為一書無疑
索吳氏分篇引證固為明甚但既謂專誥密妹
邦不應有乃穆考文王之語意酒誥專為妹邦
而作而妹邦在康叔封圻之內則明大命之責
康叔實任之故篇首專以妹邦為稱至中篇始
名康叔以致誥其曰尚克用文王教者亦申言
首章文王誥密之意其事則主于妹邦其書則
付之康叔雖若二篇而實為一書雖若二事而
實相首尾反復參究輯錄當初周公使管蔡者
蓋自為書之一體也輯錄想見邠時好在必不

疑他後來必是武庚與商之頑民每日將酒去灌咱他乘醉以語言離間之曰你是兄却出來在此周公是弟反執大權以臨天下管蔡歎想得被這幾箇喚動了所以流言說公將不利于孺子這箇都是武庚與商之頑民教他所以使得這管蔡如此後來周公所以做酒誥丁寧如此必是當日因酒做出許多事中間想煞有說話而今書傳只載得大槩其中更有幾多機變曲折在側徐孟寶問揚子雲言酒誥之篇俄空焉荅曰孔書以巫蠱事不曾傳漢儒不曾見者多如鄭康成晉杜預皆然纂註林氏曰紂以酒想揚子雲亦不曾見大雅纂註亡國餘習猶存酒誥所以作也新安陳氏曰此篇初以酗酒戒妹土之人不專為康叔言後方呼康叔名以丁寧之至末云矧汝剛制于酒則專戒康叔之身欲其以身率國人也

王若曰明大命于妹邦

妹邦即詩所謂沫鄉篇首稱妹邦者誥命專為妹邦發也

纂

註

孔氏曰妹地紂所都

朝歌以北是

薛氏曰妹古沫字沫水名因水名地

大命令于妹邦大命即下文是

乃穆考文王肇國在西土厥誥毖庶邦

庶士越少正御士朝夕曰祀茲酒惟天降命肇我民惟

元祀

穆敬也詩曰穆穆文王是也上篇言文王明德則曰顯考此篇言文王誥毖則曰穆考言各有當也

或曰文王世次為穆亦通毖戒謹也少正官之副貳也
文王朝夕勅戒之曰惟祭祀則用此酒天始令民作酒
者為大祭祀而已西土庶邦遠去商邑文王誥毖亦諄諄以酒為戒則商邑可知矣文王為西伯故得誥毖庶邦
纂註新安陳氏曰案昭穆之穆與左傳合不易之論以穆考為穆穆之穆則詩稱武王曰率見昭考

此昭字又如何訓邪穆穆之證非也 王氏炎曰官正曰長亞曰少御事治事之臣也有正有少 唐孔氏曰

世本云儀狄造酒又云杜康造酒本人以意為之今言天降命蓋人為亦天之所使也 呂氏曰天下之物無

一不本于天以酒論之麴蘖水火之劑皆天所為天之降命所以使民置此酒者以祭祀無酒無以薦馨香非

以資人之酣飲也後人失其本意乃以此得禍而亦曰天降者天理不在人心外民為酒所用即天之降威也

林氏曰非大祀而用酒則天降威我民用大亂喪德非天之所以降命之本意矣

亦罔非酒惟行越小邦用喪亦罔非酒惟辜

酒之禍人也而

以為天降威者禍亂之成是亦天爾箕子言受醢酒亦曰天毒降災正此意也民之喪德君之喪邦皆由于酒

喪德故言行輯錄朱子謂南軒酒誥一段解天降命天喪邦故言辜 降威處誠千百年儒者所不及今備

載其說曰酒之為物本以奉祭祀供賓客此即天之降命也而人以酒之故至于失德喪身即天之降威也釋氏本惡天之降威者乃併與天之降命者去之吾儒則不然去其降威者而已降威者去而降命者自在如飲食而至于暴殄天物釋氏惡之必欲食蔬茹吾儒則不至于暴殄而已衣服而至于窮極奢侈釋氏惡之必欲衣壞色之衣吾儒則去其淫慝而已至于惡淫慝而絕夫婦吾儒則去其淫慝而已釋氏本惡人欲并與天理之公者去之吾儒去人欲所謂天理者昭然矣譬如水焉釋氏惡其泥沙之濁而窒之以土不知土既窒則無水可飲矣吾儒不然澄其泥沙而水之清者可酌此儒釋之分也

董伯翁四朝聞見錄

纂註

林氏曰聖

人所為而以為天降命人以酒喪德喪邦皆自作孽而以為天降威蓋古人于事之成敗未嘗不歸之天天雖高高在上人之起居動靜未有不與之俱者則人之所為孰非天之所為哉

陳氏曰此文王誥庶邦庶士

之辭新安陳氏曰天降命與天降威當對觀設酒之初意本為祭祀乃天之降命也酒之流生禍亦天之降威也酒一而已用以祀者此酒也喪德喪邦者亦此酒也天理人欲同行異情人之于酒知其祭祀而本于降命之天又能于燕飲而凜然知有降威之天則天理行而人欲窒方無酒禍矣史氏漸曰吾竊喜衛人何其服酒誥之訓世守于無窮也始也商俗淫酒武王以酒誥戒之逮幽王之世上沈酒衛武公作賓之初筵以見衛人非特一時聞訓不敢自越于禁防文王誥教小又能以其所以為禁防者傳為子孫法焉

子有正有事無彝酒越庶國飲惟祀德將無醉

小子少子之稱

以其血氣未定尤易縱酒喪德故文王專誥教之有正有官守者有事有職業者無毋同彝常也毋常于酒其飲惟于祭祀之時然亦必纂註陳氏大猷曰此文王又以德將之無至于醉也誥教庶邦庶士之小子

林氏曰禁于未發之謂豫發然後禁則扞格而難勝故湯訓蒙士文王教小子穆王告幼子童孫與易養蒙一也蘇氏曰有正有所治也有事有所作也溺酒則正事曠矣故不可糞酒陳氏曰有正有官以治之有事民各有業也有官則不敢飲有事則不暇飲林氏曰無常者非不飲也蓋不可非所當飲而飲之故于庶國之飲者惟因賜祀胙而已呂氏曰以德將之不至于醉中無所主則為趙蕤所逮矣惟曰我民

迪小子惟土物愛厥心臧聰聽祖考之彛訓越小德

小子惟一

文王言我民亦常訓導其子孫惟土物之愛勤稼穡服田畝無外慕則心之所守者正而

善日生為子孫者亦當聰聽其祖父之常訓不可

纂註

以謹酒為小德小德大德小子惟一視之可也呂氏曰大抵縱酒者多不事稼穡勤稼心臧者必不暇縱酒聽貴聰不聰則誨諄諄聽藐藐矣當時飲酒者必

以為小德無害于事但于大德用力足矣殊不知以酒為小德正病之根源也以為小而不成必至縱而不已故欲其合而為一不可分彼為大德此為小德當以一體觀之也真氏曰民蒙文王之化亦各訓迪子弟惟土地所生之物是愛故其心臧蓋一溺于酒則必旁求珍異以自奉其欲廣則其心蠹矣是時為子弟者亦各聰聽祖考之常訓訓之常則入于耳者熟聽之聰則志于心也恪故於小大之德視之惟一不以謹酒為小焉謹酒非小德則腆妹土嗣爾股肱純其藝黍稷奔走事酒非小過亦明矣

厥考厥長肇牽車牛遠服賈用孝養厥父母厥父母慶

自洗腆致用酒

此武王教妹土之民也嗣續純大肇敏服事也言妹土民當嗣續汝四肢之力

無有怠惰大修農功服勞田畝奔走以事其父兄或敏於貿易牽車牛遠事賈以孝養其父母父母喜慶然後

可自洗腆致用酒洗以致其潔腆以致其厚也薛氏曰
或大修農功或遠服商賈以養父母父母慶則汝可以
用酒纂註息齋余氏曰惟天不弔純侵戎我國家純皆
也作純字絕句而妹土嗣爾股肱純則以純字

屬下句何邪孔氏曰今往當使妹土之人繼汝股肱
之教為純一之行其當勤種黍稷奔走事其父兄農功
既畢始牽車牛載其所有求易所無遠行賈賣用其所
得珍異孝養其父母其父母善子之行子乃自潔厚致
用酒養也葵初王氏曰肇訓敏未有曉證之經中肇
修肇造孔訓只作始為歸路新安陳氏曰何以見其
純一之行以先藝黍稷後遠服賈無非續其股肱之力
而其用心惟在于事考長養父母未嘗分心于他適也
先用心于黍稷餘力始從事于服賈見急于務本而不
急于逐末亦風俗之厚也服田與服賈者皆以孝養為
心尚矣暇于縱酒哉呂氏曰前禁酒如此之嚴至此
復教之使用酒者聖人之教至于斷絕人情則不行所

以開其飲酒之門者多矣故開其一而使之有節但庶
不可踰此節耳 真氏曰此無農尚言之于理為長 庶

士有正越庶伯君子其爾典聽朕教爾大克羞者惟君
爾乃飲食醉飽丕惟曰爾克永觀省作稽中德爾尚克

羞饋祀爾乃自介用逸茲乃允惟王正事之臣茲亦惟

天若元德永不忘在王家

此武王教妹土之臣也伯長也曰君子者賢之也典常也

羞養也言其大能養老也惟君未詳丕惟曰者大言也
介助也用逸者用以宴樂也言爾能常常反觀內省使
念慮之發營為之際悉稽乎中正之德而無過不及之
差則德全于身而可以交于神明矣如是則庶幾能進
饋祀爾亦可自副而用宴樂也如此則信為王治事之
臣如此亦惟天順元德而永不忘在王家矣案上文父

母慶則可飲酒克羞者則可飲酒羞饋祀則可飲酒本欲禁絕其飲今乃反開其端者不禁之禁也聖人之教不迫而民從者此也孝養羞者饋祀皆因其良心之發而利導之人果能盡此三者且為成德之士矣而何憂其酒酒

纂註

孔氏曰汝大能進老成人之道則為君矣也哉

庶幾能進饋食于祖考矣

陳氏大猷曰惟君上下疑有闕文王氏曰非考老不敢醉飽

德至于考老則爾得以飲食醉飽蓋先王養老之禮執爵割牲奉俎凡以致其醉飽耳作而稽于中德未嘗過差則庶幾能進饋食于祖考乃自助而用逸也喪德喪邦皆以為天之降威則永觀省稽中德者天安得不若其元德乎新安陳氏曰蔡氏于羞考之羞訓養羞饋祀之差訓進不如古註皆訓為進自介之介愚竊謂剛介以自守也當如介如石不以三公易其介之介自介以用逸則以介然自守之節操用于慨然自逸之介

宴樂以介用逸非以逸為逸雖逸而不過矣此數句以稽中德為主能稽中德則無過不及飲惟見于羞饋祀而非祀不飲逸必持之以介而非介不逸以此乃可為王正事之臣以此天亦若其元德由中德可充之為大德也德之一字為酒誥一篇之綱頌誓之數千文渾之一寸膠也上文之德將無醉下文之經德德顯德馨與此之稽中德若元王曰封我西土棐祖邦君御事小子德實互相照應云

尚克用文王教不腆于酒故我至于今克受殷之命

往祖

也輔佐文王往日之邦君御事小纂註新安胡氏曰蔡子也言文王筮酒之教其大如此氏訓棐祖本孔氏當闕之陳氏大猷曰風康叔法之以率臣民也自首篇至此欲其法文王真氏曰夫有司之不腆酒于天命何預而王乃以克受殷命為職此之由何邪但觀幽厲陳隋之朝上下沈酣以致墜失天命則謹酒而受

天命復何疑哉吳氏曰凡稱我皆武王自謂也余謂三篇皆武王書觀此一節可以無疑矣或者終謂周公伐成王之言何為三篇無一言及武王周公達孝不應遽忘之若是也若果周公之言則尚克用文王教不腆于酒之下但繼以故我至于今克受殷之命乃周公受之而武王不與也無是理矣王曰封我聞

惟曰在昔殷先哲王迪畏天顯小民經德秉哲自成湯

咸至于帝乙成王畏相惟御事厥棐有恭不敢自暇自

逸矧曰其敢崇飲

以商君臣之不暇逸者告康叔也殷先哲王湯也迪畏者畏之而見于行

也畏天之明命畏小民之難保經其德而不變所以處已也秉其哲而不惑所以用人也湯之垂統如此故自湯至于帝乙賢聖之君六七作雖世代不同而皆能成就君德敬畏輔相故當時御事之臣亦皆盡忠輔翼而

有責難之恭自暇自逸猶纂註唐孔氏曰周受命于殷且不敢矧曰其敢尚飲乎

以酒興亡為戒林氏曰經德秉哲乃商先王持養到處陳氏大猷曰經德秉哲乃畏天畏民之實王氏

災曰御事猶言治事凡經言御事兼小大之臣皆可稱也新安陳氏曰上文言周受殷命故舉殷代之以酒

興亡者以為戒此先言殷先王之以不酒酒而興也通畏以下數句與崇飲正相反商人以尚敬為法尚飲為

戒曰畏曰恭皆尚敬之謂也尚敬則百善成尚飲則百邪生真氏曰此章乃一篇之根本凡人敬則不縱欲

縱欲則不敬商之君臣既一于敬舉天下之物欲不足以動之況荒敗于酒乎此正天理人欲相為消長之幾

宜深味之越在外服侯甸男衛邦伯越在內服百僚庶尹惟

亞惟服宗工越百姓里居罔敢渎于酒不惟不敢亦不

暇惟助成王德顯越尹人祇辟

自御事而下在外服則有僕甸男衛諸侯與其

長伯在內服則有百僚庶尹惟亞惟服宗工國中百姓與夫里居者亦皆不敢沈湎于酒不惟不敢亦不暇不敢者有所畏不暇者有所勉惟欲上以助成君德而使之昭著下以助尹人祇辟而使之益不怠耳成王顧上文成王而言祇辟顧上文有恭而言呂氏曰纂註陳氏尹人者百官諸侯之長也指上文御事而言纂註大猷曰越及也伯諸侯之長內服畿內也庶尹衆官之正樂正酒正之類亞次大夫惟服奔走服事之人下士府史之屬宗工尊官及百官族姓不仕而居閭里者朝廷君臣風化如此宜乎內外皆不敢湎于酒不敢畏而不敢縱耳不暇則有職者勤于職無職者勤于德自不暇飲縱之為亦不為也祇辟敬君也陳氏經曰高先哲王以迫畏為心已之所行無非此畏子孫之所遵無非此畏羣臣之所效法無非此畏前乎此堯舜之兢業此畏

也後乎此大王之不侮鰥寡武王之夙夜祇懼此畏也
商先王恭行敬畏不惟其子孫能然王朝之御事皆然
不惟御事皆然外服之諸侯內服之百官里居之百姓
亦然以見君臣上下內外無一不在敬畏中豈惟不敢
飲亦且不暇飲所以不暇者果何事哉上以助成君德
之顯明下以盡正人之道而自敬其法而已矣新安
陳氏曰此一章言商先王之前後君臣內外一皆以
敬畏修德為心故不暇酒酒而興欲康叔法其所以興
也

我聞亦惟曰在今後嗣王酣身厥命罔顯于民祇保
越怨不易誕惟厥縱淫泆于非彝用燕喪威儀民罔不
盡傷心惟荒腆于酒不惟自息乃逸厥心疾很不克畏
死辜在商邑越殷國滅無罹弗惟德馨香祀登聞于天

誕惟民怨庶羣自酒腥聞在上故天降喪于殷罔愛于

殷惟逸天非虐惟民自速辜

以商受荒腆于酒者告康叔也後嗣王受也受沈酣

其身昏迷于政命令不著于民其所祇保者惟在于作怨之事不肯悛改大惟縱淫決于非彝泰誓所謂奇技淫巧也燕安也用燕安而喪其威儀史記受為酒池肉林使男女僇而相逐其威儀之喪如此此民所以無不痛傷其心悼國之將亡也而受方且荒怠益厚于酒不思自息其逸力行無度其心疾很雖殺身而不畏也辜在商邑雖滅國而不憂也弗事上帝無馨香之德以格天大惟民怨惟羣醜腥穢之德以聞于上故上天降喪于殷無有眷愛之意者亦惟受縱逸故也天豈虐殷惟殷人醜酒自速其辜爾曰民者猶曰先民君臣之道稱也

纂註

蘇氏曰祇適也適足以為怨仇之保陳氏大猷曰殷先王之興邦在于迪畏紂死滅且不畏

此所以喪邦也。真氏曰：今之小人一醉之餘，急疾強很，水火可入，兵刃可蹈，則受之情狀可知矣。馬氏曰：古民人字通用。韜安陳氏曰：此繼言紂以酒而亡也。紂之君臣上下一以荒淫為心，故沈湎于酒而亡。欲康叔戒其所以亡也。此章與前多相反。應前曰：祀茲酒，此曰：弗惟德馨香祀。庶羣自酒，腥聞在上。設酒初意，本以祭祀，今不以祭祀而惟用于羣飲，無馨香之聞，而惟腥穢之聞，不亡何待？前曰：天降威，小大邦用喪。罔非酒，惟辜。此曰：天降喪于殷，惟民自速辜。前乃泛言其理，此專指殷亡之事，以實其說也。前曰：自介用逸，繼曰：不敢自逸。此又曰：不惟自息，乃逸。罔愛于殷，惟逸自介用逸。以介用逸也。自逸乃逸，惟逸以逸為逸也。使不以剛介之介訓之，而但曰：助曰副。王曰：封予不惟若茲多誥，則與此所云逸者何以異哉。

古人有言曰：人無于水監，當于民監。今惟殷隳厥命，我其

可不監撫于時

我不惟如此多言所以言湯言受如此其詳者古人謂人無于水監水能

見人之妍醜而已當于民監則其得失可知今殷民自連韋既墜厥命矣我其可不以殷民之失為大監戒以撫安斯

纂註

新安陳氏曰此總結上文引殷先哲王後嗣王兩章而起下章欲康叔率羣臣以剛

制酒之意

予惟曰汝劼毖殷獻臣侯甸男衛矧太史友內史

友越獻臣百宗工矧惟爾事服休服采矧惟若疇圻父

薄違農父若保宏父定辟矧汝剛制于酒

劼用力也汝常用力戒謹

殷之賢臣與鄰國之侯甸男衛使之不洩于酒也毖殷獻臣侯甸男衛與文王毖庶邦庶士同義殷之賢臣諸侯固欲知所謹矣况太史掌六典八法八則內史掌八

柄之法汝之所友者及其賢臣百寮大臣可不謹于酒

乎太史內史獻臣百宗工固欲知所謹矣況爾之所事
服休坐而論道之臣服采起而作事之臣可不謹于酒
乎曰友曰事者國君有所友有所事也然盛德有不可
友者故孟子曰古之人曰事之云乎豈曰友之云乎服
休服采固欲知所謹矣況爾之疇匹而位三卿者若圻
父迫逐違命者乎若農父之順保萬民者乎若宏父之
制其經界以定法者乎皆不可不謹于酒也圻父政官
司馬也主封圻農父教官司徒也主農宏父事官司空
也主廓地居民謂之父者尊之也先言圻父者制殷人
酒酒以政為急也圻父農父宏父固欲知所謹矣況汝
之身所以為一國之視微者可不謹于酒乎故曰矧汝
剛制于酒剛制亦劫盜之意剛果用力以制之也此章
自遠而近自卑而尊等而上之則欲其自康叔之
身始以是為治孰能禦之而況於酒德也哉
輯錄
因論點書曰人說荆公穿鑿只是好處亦用還他且如
矧惟若疇止定辟古註從父字絕句荆公從違保辟絕

句更出諸儒

纂註

王氏曰殷獻臣謂獻臣嘗仕商而今

之表道夫
衛者服休者以德為事謂在位者也服采者以事為事
謂在職者也戒康叔訪於酒先當訪於所賓所友所
事之人亦畏相之類也
林氏曰康叔為諸侯長故訪
及侯甸男衛上言殷獻臣下言獻臣之為百宗工者
此獻臣乃周官之致仕里居者
薛氏曰二史掌邦法
在王朝則貳冢宰在侯國則居賓友之地
陳氏傳良
曰諸侯有太史無內史內史惟天子有之內史是商故
臣康叔所當親之為友者也
蘇氏曰酒非剛者不能
制
呂氏曰剛制二字最有意當時酒之為病甚深苟
泛泛悠悠則不能制
新安陳氏曰剛制固訪於意
而用力加重焉亦前自介之意也此章有四矧字一節
重于一節所職愈重則所戒愈嚴訪於以上所戒勅言
剛制以已所檢制言在羣臣則當謹上之戒
厥或告曰
在康叔則當防已之欲嚴于身以率其下也

羣飲汝勿佚盡執拘以歸于周予其殺

羣飲者商民羣聚而飲為姦惡

者也佚失也其者未定辭也蘇氏曰予其殺者未必殺也猶今法曰當斬者皆具獄以待命不必死也然必立法者欲人畏而不敢犯也羣飲蓋亦當時之法有羣聚飲酒謀為大姦者其詳不可得而聞矣如今之法有曰夜聚曉散者皆死罪蓋聚而為妖逆者也使後世不知其詳而徒聞其名凡民夜相過者輒殺之可乎

纂

註

孔氏曰我其擇罪重者而殺之林氏曰西土邦君御事小子克用文王教不腆于酒是周人已率教者

也而或羣飲不可不嚴為之法商人則反是史氏漸曰王非果于殺也飲至于羣壞風俗者也商人羣飲固已不善此風又及于周人則何以為國邪故于商人則待之以教而使悛于周人則嚴之以殺而使懼其云者非必殺也有殺之之理也語曰其然豈其然乎傳曰天其或者其之為言有疑意存焉將聞其恐懼修省之心

而激其遷善遠罪之念初不必于殺也劉氏真曰此書不責商民之涖淫而責在位之躬化商之故都大家世族猶多而康叔之百官有司自周而往者亦有之自矧太史友以下皆康叔之百官有司也曰羣飲指此輩也使民為羣飲有司之事耳康叔以國君治之豈曰不可而何必歸之于京師乎執歸于周亦恐康叔之專殺曰予其殺嚴為之刑而未必殺也忠厚之意寓于嚴厲之言豈不明哉一篇始終之意皆以在位者為言而解者不察盡以又惟殷之迪諸臣惟工乃涖于酒勿庸殺民言之過矣

之姑惟教之

殷受導迪為惡之諸臣百工雖涖于酒未能遽革而非羣聚為姦惡者無庸殺之且

惟教

纂註

愚謂殷諸臣涖酒者勿殺而姑教之以其染惡深而被化淺也

有斯明享乃

不用我教辭惟我一人弗恤弗蠲乃事時同于殺

有者不

之也斯此也指教辭而言享上享下之享言殷諸臣百工不忘教辭不酒于酒我則明享之其不用我教辭惟我一人不恤於汝弗潔汝事時

纂註

王氏曰休曰此三節皆王告康叔之

辭呂氏曰明享彰明使享祿位以示勸也
有此酒者將以明潔為享祀之用非為羣飲設也此如文王庶庶邦庶士謂祀茲酒也若如此教之而不用我所教之辭時則可與前羣飲之人同殺之也亦一說

王曰封汝典聽朕毖勿辯乃司民酒于酒

辯治也乃司有司也即上

文諸臣百工之類言康叔不治其諸臣
百工之酒酒則民之酒酒者不可禁矣

纂註

唐氏曰或曰誥庶或

曰典聽朕教或曰典聽朕庶何也曰庶者為教之心教者為庶之辭新安陳氏曰汝當常主于聽我庶謹之

言酒誥一篇始終以庶慎言始曰厥誥庶庶邦庶士將終曰勅庶殷獻臣篇終又曰典聽朕庶庶之一辭一篇

三致意又提其要以致諄切之訓云案勿辨乃司民酒于酒說者不同句讀亦異孔氏作一句讀曰辨使也勿使汝所司之民沈酒于酒唐孔氏畧轉一機謂勿使汝所司民之吏沈酒于酒吏當正身以率民也王氏曰汝司民有酒于酒則以正治之勿為之辨以為無罪蘇氏曰當專一司以察沈酒若以汎責羣吏而不辨其司禁必不行矣呂氏讀勿辨為句謂復有循舊習者汝不可辨說諉之舊習實乃所司牧之民酒于酒是誰之過歟蔡氏讀勿辨乃司為句其說最優于諸家然此句恐有脫誤不如闕之愚謂古之為酒本以供祭祀灌地降神取其馨香下達求諸陰之義也後以其能養陽也故用之以奉親養老又以其能合歡也故用之冠昏賓客然曰賓主百拜而酒三行又曰終日飲酒而不得醉焉未嘗過也自禹飲儀狄之酒而疏之寧不謂其太甚已而亡國之君敗家之子接踵于後世何莫由斯然則文王之教不惟當明于妹邦家寫一通猶恐覆車之不戒

也

梓材

亦武王告康叔之書論以治國之理欲其通上下之情寬刑辟之用而篇中有梓材

二字比稽田作室為雅故以為簡編之別非有他義也今古文皆有案此篇大多不類自

今王惟曰以下若人臣進戒之辭以書例推之曰今王惟曰者猶洛誥之今王即命曰也肆王

惟德用者猶召誥之肆惟王其疾敬德王其德之用也已若茲監者猶無逸嗣王其監于茲也

惟王于子孫孫永保民者猶召誥惟王受命無疆惟休也反復參考與周公召公進戒之言若

出一口意者此篇得于簡編斷爛之中文既不全而進戒爛簡有用明德之語編書者以與周

厲殺人等意合又武王之誥有曰王曰監云者而進戒之書亦有曰王曰監云者遂以為文意

相屬編次其後而不知前之所謂王者指先王而言非若今王之為自稱也後之所謂監者乃監視之監而非啓監之監也其非命康叔之書亦明矣讀書者優游涵泳沈潛反覆繹其文義審其語脉一篇之中前則尊論卑之辭後則臣告君之語蓋有不可得而強合者矣輯錄吳才老辨梓材後半截不是梓材緣其中多是勉君乃臣告君之辭未嘗如前一半稱王曰又稱汝為工告下之辭亦有此理處謙又說梓材是洛誥中書甚好其他文字亦有錯亂而移易得出人意表者然無如才老此樣處恰恰好卓吳才老考究得梓材只前兩是告戒臣下其後都稱王恐別是一篇不應王告臣下不稱朕予而自稱王斷簡殘編無從考正只得于言語句讀中有不曉者闕之又曰梓材後半篇又不知何處錄得來此與他人言皆不願嘗與陳同父

言陳曰每嘗讀亦
不覺今思之誠然

王曰封以厥庶民暨厥臣達大家以厥臣達王惟邦君

大家巨室也孟子曰為政不難不得罪于巨室孔氏曰
卿大夫及都家也以厥庶民暨厥臣達大家則下之情
無不通矣以厥臣達王則上之情無不通矣王言臣而
不言民者率土之濱莫非王臣也邦君上有天子下有
大家能通上下之情而**纂註**陳氏大猷曰大家如晉六
使之無間者惟邦君也卿魯三桓齊諸田楚昭屈
景之類左傳載封康叔分以殷民七族自陶氏至終葵
氏即衛之大家也大家之情與國君常踈與國之臣民
常親蓋臣民素服屬於大家而大家之強阻亦臣民擁
助之也國君能施仁政撫其臣民由臣民以達其情于
大家則巨室之所慕一國慕之又由臣以達其情于天
子而邦君之責盡矣新安陳氏曰邦君處上下之間

達王必自達大家始得罪于巨室者不公正而無以服其心也巨室難以強力服而可以公心化以庶民及臣達之是邦君一人之心其公正能通乎一國千萬人之心以一國臣民千萬人之心通達于大家之心以其下達者而上達其流通而無流滯也必矣

汝若恒越曰我有師師司徒司馬

司空尹旅曰予罔厲殺人亦厥君先敬勞肆徂厥敬勞

肆往姦宄殺人歷人有肆亦見厥君事戕敗人有

恒常也師

師以官師為師也尹正官之長旅衆大夫也敬勞恭敬勞來也徂往也歷人者罪人所過律所謂知情藏匿賢給也戕敗者毀傷四肢面目漢律所謂戕也此章文多未詳

輯錄

亦厥君先敬勞止戕敗人有之類都

不成文理

纂註

新安胡氏曰蔡傳僅訓字而云此章文多未詳信當闕之大意欲康叔率其臣

以戒虐殺施寬宥也 玉篇
疾之移之氏二反毆傷也

王啓監厥亂為民曰無胥

戕無胥虐至于敬寡至于屬婦合由以容王其效邦君

越御事厥命曷以引養引恬自古王若茲監罔攸辟

三監

監之監康叔所封亦受畿內之民當時亦謂之監故武
王以先王啓監意而告之也言王者所以開置監國者
其治本為民而已其命監之辭蓋曰無相與戕殺其民
無相與虐害其民人之寡弱者則哀敬之使不失其所
婦之窮獨者則聯屬之使有所歸保合其民率由是而
容蓄之也且王所以責效邦君御事者其命何以哉亦
惟欲其引掖斯民于生養安全之地而已自古王者之
命監若此汝今為監其無所用乎刑辟以戕虐人可也

纂註

陳氏大猷曰周禮建牧立監以維邦國自黃帝已
立左右監以監視萬國監乃諸侯之長也康叔孟

侯故稱之為監之邦君御事也

呂氏曰效如效馬效羊之效致也致新安陳氏曰三篇意相承而相濟康

叔以衛侯為司寇故武王命之多及于刑康誥反覆于明德慎罰悉矣不得已而及于速由文王罰刑速由茲義率殺酒誥又以懲羣飲為務而曰予其殺時同于殺皆非得已也逮至梓材告戒于此終矣慮康叔因前二篇之屢及于殺而意或偏倚于刑也故此篇惟以尚寬宥無刑辟為言仁哉武王之心其帝舜刑期于無刑之歟惟曰若稽田既勤敷苗惟其陳修為厥疆畎若作室

家既勤垣墉惟其塗墍茨若作梓材既勤樸斲惟其塗

丹雘

稽治也敷苗廣去草棘也疆畔也畎通水渠也塗墍泥飾也茨蓋也梓良材可為器者雘采色之名

敷苗以喻除惡垣墉以喻立國樸斲以喻制度武王輯之所已為也疆畎墍茨丹雘則望康叔以成終云爾輯

錄

梓材一篇有可疑者如稽田垣墉之喻却與無胥戕無胥虐之類不相似以至于欲至于萬年惟王子子

孫孫永保民却又似洛誥之文纂註蘇氏曰敷治也乃臣戒君之辭非酒誥語也陳氏大猷曰敷開

墾也爾雅田一歲曰苗孫炎曰苗始去草也孔氏

曰陳列修治疆畔也左傳如農之有畔說文畝水小

流也周禮匠人為溝洫廣尺深尺曰畎孔氏曰垣墉

也馬氏曰卑曰垣高曰墉說文塋仰塗也穀梁傳

焚雍門之茨范甯註茨謂茅蓋屋也陳氏大猷曰具

麤曰樸致巧曰野唐孔氏曰牖是采色之名有青有

朱丹牖則是采色者今王惟曰先王既勤用明德懷為夾庶邦享

作兄弟方來亦既用明德后式典集庶邦丕享先王

也夾近也懷遠為近也兄弟言友愛也泰誓曰友邦冢

君方來者方方而來也既盡也先王盡勤用明德而懷

也夾近也懷遠為近也兄弟言友愛也泰誓曰友邦冢

君方來者方方而來也既盡也先王盡勤用明德而懷

來于上諸侯亦盡用明德而視效于下也。后後王也。式用也。典舊典也。集和輯也。此章以後若臣下進戒之辭。疑簡脫。纂註。唐孔氏曰。夾者是人左右而夾之。故言近誤于此。纂註。夾音協。左傳以夾輔周室。夾音甲。陳

氏曰。人心尊君親上之天。惟用明德足以感動之。懷來諸侯為已夾輔庶邦。享上親若兄弟。各以其方而來。其來享也。亦皆盡用明德。非勉強而然也。式法也。用明德則先王之典也。後王式與法先王之用明德而已。如是則集庶邦丕享矣。前之庶邦享未盡丕享。今曰丕享。則無乎不享也。新安胡氏曰。朱子既謂自此章以後為他書錯簡誤經于此。則不當復以武王命康叔解之。只作臣告君之辭可也。皇天既付中國

民越厥疆土于先王

民越及也。皇天既付中國。輯錄

尚書句讀

有長者如皇天既付中國民。越厥疆土于先王是一句。

肆王惟德用和懌先後迷

民用懌先王受命

也先也後勞來之也速民速感染惡之

民也命天命也用懌悅先王之克受天命者也

纂註

陳氏大猷曰速民未率故

之和不使之使不乖懌之使不怨先引之于前後助之于後不惟以悅民心亦所以悅先王受命之心新安陳氏

曰蔡氏訓肆為今未安肆故也遂也朱子曰承上起下

之辭書中肆字在句首者如肆類于上帝肆嗣王丕承

基緒肆惟王其疾敬德與上文肆往姦宄肆亦見厥君

事皆故與遂之意耳不必訓為今也又案明德者人心

虛靈不昧之理無上下之間亦無前後之間先王所勤

用以懷諸侯諸侯所既用以享天子均用此明德也何

上下之間乎王惟德用德即所謂明德後王所用以懌

速民及用以懌先王受命無非用此明德也何前後之

乎

已若茲監惟曰欲至于萬年惟王子子孫孫永保民

已語辭監視也此人臣祈君永命之辭也案梓材有自古王若茲監罔攸辟之言而編書者誤以監為句讀而爛簡適有已若茲監之語以為語意相類合為一篇而不知其句讀之本不同文義之本不類也孔氏依阿其說于篇意無所發明王氏謂成王自言必稱王者以觀禮考之天子以正過諸侯則稱王亦強釋難通獨吳氏以為誤簡者為得之但謂王啓監纂註新安陳氏曰已以下即非武王之語則未必然也若茲監與自古王若茲監相似而實不同上文之監平聲三監之監此之監去聲監視之監已乎君其監視于茲臣所祈于君惟曰欲自今至于萬年當為天下王之子子孫孫永保民而已曰萬年惟王若止于長有天下曰子子孫孫永保民則欲世王之長保安天下也意實公而非私于王家也其人臣祈君永命忠愛無窮之心歟讀此篇只依朱子以殘編錯簡讀之庶其免于穿鑿云蘇氏曰此書專言王惟不終則于孫萬年享國故以皇天所付

為言詳考大誥康誥酒誥梓材四篇反覆丁寧以殺為戒以不殺為德此易所謂聰明睿智神武而不殺者故周有天下八百餘年後之王者以不殺享國以好殺殄其身及其子孫者多矣而世主不以為監小人又或附會六經以勸之殺悲夫殆哉唐末五代之亂殺人如敝食肉太相城漢漢隱帝使開封尹劉錡屠其家百口太相既克漢師夜召其故人知星者趙延義問漢祚所以短促延義答曰漢本未亡以刑殺寬濫故不及期而滅時太祖在旁以兵圍劉錡及蘇逢吉第期滅其族聞延義言復無言誅止其身予讀至此未嘗不流涕太息故表其義以救世云 葵初王氏曰蘇氏此論大為有勸戒有裨世主述作必有此等議論方可行世

書傳輯錄纂註卷四